

**NATIONAL ASSEMBLY OF
SEYCHELLES**

Tuesday 27th September, 2022

The Assembly met at 9am

National Anthem

Moment of Reflection

Mr Speaker in the Chair

MR SPEAKER

Bonzour tou Manm Onorab. Bonzour nou staff Secretariat ki pe asiste nou ozordi and a special welcome to our guest Ms Sarah Kirya who is a member of staff of the Parliament of Uganda who is on attachment with our Parliamentary Reporting Unit for two weeks. Welcome.

Bonzour osi nou piblik ki pe asiste nou ozordi dan lakour. Bon, nou a komans avek Order Paper. Madanm Clerk nou annan Prezantasyon Dokiman.

MADAM CLERK

Mersi Mr Speaker. Bonzour Mr Speaker. Bonzour tou bann Manm, bann staff Sekretarya, Ms Kirya e tou piblik osi ki pe ekout nou. Bann Papye ki pe ganny prezante se maten i;

*S.I. 94 of 2022
International Trade Zone*

*(Declaration of Zone)
(Revocation) Notice, 2022.*

*S.I. 95 of 2022 Seychelles
Maritime Safety Authority
(Appeals Rules of Procedure)
Regulation, 2022.*

*S.I. 96 of 2022 Fair
Trading (Corporate Immunity)
Policy 2022.*

*S.I. 97 of 2022 Fair
Trading (Prescribed Forms)
Regulations, 2022.*

*S.I. 98 of 2022 Fair
Trading (Consumer Protection)
(Product Labeling and Trade
Description), 2022.*

*S.I. 99 of 2022 Fair
Trading (Threshold for Merger
Application) Regulation, 2022.*

*S.I. 100 of 2022 Prevention
of Terrorism (Implementation of
United Nations Security Council
Resolutions on Suppression of
Terrorism) (Amendment)
Regulations, 2022.*

*Annual Report of Media,
Youth, Sports and Culture
Committee for the period 2021,*

*44th Assembly of the Inter-
Parliamentary Union (IPU) – Bali,
Indonesia from 19th to 24th of
March, 2022. Mersi Mr Speaker.*

MR SPEAKER

Mersi Madanm Clerk. Nou a move to First Reading Public Bills Madanm Clerk avan nou pran kestyon?

MADAM CLERK

Mersi Mr Speaker.

This Act may be cited as the Employment (Amendment) Act, 2022 – Amending the Employment Act Cap 69 hereinafter the principal Act.

This Act may be cited as the Trusts (Amendment) Act, 2022.

This Act may be cited as The Prevention of Terrorism (Amendment) Bill, 2022. Mersi Mr Speaker.

MR SPEAKER

Thank you Madam. Nou a move lo kestyon madanm raporter mon ava demann ou pou apel Minis pou Lasante pou *Private Notice Question*.

Bonzour e byenveni Minis Peggy Vidot Minis pou Lasante egalman Dr Bernard Valentin *Principal Secretary* pou Lasante Dr Jude Gedeon *Public Health Commissioner* e Dr Danny Louange *CEO Health Care Agency*. Mersi davans pou zot partisipasyon dan nou sesyon kestyon.

Mon ava apel Onorab Sebastien Pillay *Leader Lopoziyon* pou prezant son *Private Notice Question*. Onorab?

HON SEBASTIEN PILLAY

Mersi e bonzour tou dimoun ki a lekout. Bonzour Minis e ou delegasyon. Bonzour tou koleg Onorab. Mr speaker mon *Private Notice Question* i lir koumsa;

Eski Lasanble i kapab ganny en leksplikasyon kler e detaye, lo ki Gouvernman pe fer pou adres plizyer defayans dan Minister Lasante, tel konman mankman latizann, kondisyon lekipman, moral *staff* dan servis swen lasante e nivo servis ki piblik pe aktyelman gannyen? Mersi.

MR SPEAKER

Mersi Onorab. Minis ou repons *please*.

MINISTER PEGGY VIDOT

Mr Speaker,
Leader Zafer Gouvernman,
Leader Lopoziyon,
Manm Onorab tou telespektater, bonzour.

Mr Speaker mon remerisye *Leader* Lopoziyon pou son kestyon e mon ti a kontan komanse par remerisye tou travayer Lasante pou zot devouman, zot langazman e travay pandan sa 2 dernyen lannen e tou travay letan ki nou ti pe pas dan sironstans difisil avek pandemi COVID-19.

Zot in travay for pa zis pou redonn lasante nou pep, me osi

pou ed nou pei relans son lekonomi. Pandan sa 2 dernyen lannen, travayer lasante in bezwen fer fas ek bokou sakrifis. In annan ki'n vwar zot san zot landrwa travay abityel, kalite travay ki zot ti pe fer, travay pli long erdtan.

I pa'n fasil pou en kantite travayer Lasante, pou aprann vitman koman donn swen bann pasyan ki'n ganny *COVID*, donn swen menm zot fanmir ek zot kanmarad e menm parfwa administre swen avek zot fanmir, avek zot kanmarad ki pe kit sa monn. Mr Speaker mon salye zot kouraz e devosyon. Zot pa'n les zot lebra tonbe kantmenm nou'n ganny serten kritik. Zot in travay koman bann vre profesyonnel Lasante.

Mr Speaker mon kapab dir klerman e onnetman ki napa sa kantite defayans dan Minister Lasante parey kestyon Onorab i oule fer nou krwar. Dan mon refleksyon personnel mon forse demann mon lekor en kestyon, ki defayans e ki kantite defayans ki i annan fason Minister Lasante ozordi, ki ti'n napa avan sa Gouvernman ti vin o pouvwar?

Mon larepons Mr Speaker i senser e onnet se ki i annan bokou mwens. Annefe depi ler sa nouvo Gouvernman in pran

bat, toulezour nou pe redres e adres serten defayans e avek travay dir nou bann *staff* devoue lo tou nivo nou pe amelyor sistenm lasante toulezour e lev moral.

Dan sa dernyen 2 lannen ki'n pase, nou'n komanse e dan detrwa mwan nou pou'n fini konstrir nouvo Lopital La Digue e ki Digwa ti'n ganny promet e ki ti paret ki lannen apre lannen ti reste en promes vid. Sa i elev moral *staff* lo La Digue, akoz zot konnen ki byento zot landrwa travay pou pli konvenab.

Nou'n komanse e nou pe al termin konstriksyon lekol *NIHSS* ki ti'n abandonnen. Sa i osi elev moral etidyan ek *staff* kot *NIHSS*. I pou ede pou nou atir plis etidyan, pou pran en karyer dan Lasante, kot nou manke. Bann ki ti santi ki fer sa traze sorti dan sid pou al North East Point, i tro bokou pou zot fer toulezour.

Moral *staff* ti ganny eleve ler zot ti kapab donn swen pasyan *COVID* dan en fasilite izolasyon. Ankor sa Gouvernman in batir sa fasilite dan en pli pti gin letan posibil, pou anpese nou vwar pasyan pe ganny sonnyen dan koridor, parey nou ti vwar dan medya dan serten pei.

Moral *staff* pa'n tonbe, akoz zot pa'n vwar zot lekor dan

en dilenn, pou fer sa swa si pou met en pasyan lo vantilater ouswa non, akoz nou'n annan ase vantilater pou tou dimoun ki ti bezwen.

Sa Gouvernman in fer sir ki menm dan en moman kot bokou frontyer ti'n fermen, nou pa'n les nou malad mor, akoz nou ti napa ase oksizenn. Nou'n anmenn ankor 2 *oxygen plant*, pou fer sir ki dan sa letan kot konsonmasyon loksizenn ti'n ogmante, nou ti toultan annan ase.

Mr Speaker, bokou pei ki pli gran ki nou ti fer fas avek sa defi, mank loksizenn, pandan letan kot *COVID* globalman ti tre o, e sa Gouvernman in anpes sa arive isi. Nou'n anmenn vaksen ek bokou lekipman parey vantilater, ankor plis fasilite loksizenn e bokou lezot resours avanse, pou met *COVID-19* anba kontrol.

Gras a tousala, nou lekonomi ki nou ti vin zwenn dan *ICU* in rebondir, e nou pe kapab kontinyen avek nou program devlopman dan pei. Nou'n devlop en nouvo plan stratezik pou lasante. Nou'n devlop en nouvo pake servis pou lasante primer, e nou pe enplimant li avek bokou laklerte. E avek swa nouvo lekip direksyon travayer lasante

kominoter ki nou'n met an plas, mon kapab kontinyen e donn bokou lezot legzanp ankor bann keksoz ki nou'n akonplir, pou redwir bann defayans ki nou'n evite e ede lev moral nou bann *staff*.

Dan sa 2an ki nou pe travay, nou'n fer bokou menm dan sa domenn. Mr Speaker ler Onorab i war defayans dan sistenm Lasante, mwan mon vwar zis serten defi. Defi dan lasante wi i annan. E i pou toultan annan, akoz natir sa domenn ki i koumsa. Nou tou nou bezwen travay ansanm pou adres bann defi lasante ki devan nou.

Nou bezwen nou tou travay bokou plis e diriz nou pep pou fer prevansyon e gard nou an pli bonn sante. Mr Speaker mon oule soulinyen, ki i annan pros 2mil travayer dan Sekter Lasante Piblik, e mon kapab donn sa Lasanble garanti ki moral laplipar sa bann travayer lasante i o. Annefe i pli o ki in zanmen ete.

Laplipar *staff* pe travay *corps et âme* pou adres bann defi lasante ki nou sosyete pe fer fas avek. E zot pe fer sa avek bokou profesyonnalizm. Sa ki *staff* Lasante i bezwen se pa zis kritik, me plis lankourazman e plis lapresyasyon.

A sa pwen Mr Speaker mon annan plezir pou dir ki i annan bokou dimoun ki rekonnèt sa bon travay ki nou *staff* Lasante pe fer. Nou ganny pa mal let e komantr lo bann bon travay ki nou pe fer dan Lasante. Mon a pran sa loportinite pou mwan lo non tou staff lasante remersye tou sa bann dimoun ki'n montre zot apresyasyon.

Natir travay Lasante i tel ki tanzantan serten travayer i anvè fer en sanzman, pou mye balans zot lavi prive e zot karyer. Serten i kite pou en pe letan, zot al eksperyans en lot, karyer en lot fason aryer. Bokou fwa zot retournen apre en serten letan pou kontinyen sa travay nob ki nou tou nou'n angaz nou lekor pou akonplir.

Sa i leka dan lepase e i osi leka an se moman e i pou leka dan lavenir osi. Napa naryen abnormal ladan. Sa i arive dan bokou landrwa travay e fan bokou lorganizasyon.

Mr Speaker kestyon osi fer referans ek mankman latizann. Lenformasyon ki mon annan, se ki nou annan ti pou latizann ki nou bezwen e ki ler en latizann i manke nou annan toultan en alternativ ki fer en louvraz ki sa enn ki'n manke.

Mon ti a kontan dir Mr Speaker ki dan sa letan pos

COVID, sa demars pou fer vini latizann in vin en pe pli konplike avek plis difikilte, ki oparavan. Si mon a donn en serten legzanp;- i annan landrwa kot nou ti abitye ganny serten latizann ki zot ankòr annan *ban* lo eksport serten prodwi, alors sa i fer ki kot nou ti abitye gannyen nou bezwen al rod lot landrwa.

Nou konnen ki i annan en kantite *manufactures* akòz bann *break* dan *supply chain*, zot pe vwar difikilte pou zot prodwi lo menm nivo ki zot ti prodwi avan, akòz mank serten *raw materials*. E alor dan sa letan *lockdown* kot zot in annan bokou demann, zot pa ankòr arive lo nivo kot zot ti pe prodwi, lo nivo ki kapab donn tou *order* ki pe vini.

Nou annan *order* ki vremen parfwa i ptipti. Akòz nou pei i ptipti nou demann i pa bokou. En bann sa bann *supplier*, zot vwar ki zot pa kapab onor en serten *order* ki son kantite i mwens ki zot *order level*. Sa i fer ki i bezwen fer nou al rod lot landrwa avek lot *supplier*, e en kantite problem dan sa domenn.

Me nou eseye fer nou mye, pou fer sir ki toultan nou annan bann latizann, ki nou bezwen ki *according to* nou *essential drug list* e ki sann latizann napa i

annan dan sa group latizann ki pasyan ki bezwen. E nou apresye ki i annan en serten difikilte dan sa domenn.

Mr Speaker keston i osi fer referans lo lekipman. Tou nou bann lekipman ki nou annan pe fonksyonnen. Nou annan ase lekipman pou nou bann travayer profesyonnel

Lasante fer zot travay *comme il faut*.

Se pandan fodre fer resorti, ki Sesel i en Pti Leta Zil e nou pa neserman annan tou bann enzenyer sirplas pour tou sa bann lekipman sofistike ki nou annan. Me nou annan Kontra ek bann eksper e dek ki en lekipman i merit latansyon en eksper, nou fer le neser pou sa eksper ariv dan pei.

Mr Speaker kot nou'n annan problemm avek lekipman dan lepase, se dan domenn radyoloji. Zan pase kan mon ti antre dan sa Minister, nou ti annan serten problemm, nou ti annan zis en masin *X-ray* ki ti pe byen marse, en masin *scan* pa ti mars ditou, lot ki ti annan en pe problemm.

Nou *MRI* ti pe marse me detanzantan i ti pe *breakdown*, ozordi nou annan en nouvo masin pou *scan* ki nou ti aste lannen pase, lot masin pe mars byen, *MRI* in ganny aranze e pe fonksyonnen. Me nou konnen -

akoz nou'n ganny dir ki son letan pou sanze in arive, e ki i pou kout nou bokou pou nou kontinyen aranz li, alor nou'n demann Bidze pou nou aste en lot *MRI* ki Minis Finans pe konsidere.

E an se moman nou kapab dir poudir nou'n osi pe met *order* pou masin *X-ray* ki byento nou ava gannnen. An term lekipman ankor dan lopital en ou'n annan *lift* ki pa'n marse pandan plis ki en dizyenm lannen e i annan 2 lezot ki tanzaot pe *break down*. Sa lannen nou kapab dir nou'n ganny larzan pou nou aste 2 *lift* pou ranplase e byento sa i ava arive.

Mr Speaker mon satisfè ki Minister Lasante pe donn en bon servis zeneralman. Nou konnen i annan serten defi, me par egzamp tou bann etranze ki vin Sesel e ki servi nou sistenm lasante, menm bann ki sorti dan Lerop ek dan Lanmerik, zot dir nou ki nou servis i bon.

Me byensir nou koman profesyonnel Lasante e dan nou evalyasyon, nou vwar poudir i annan landrwa kot nou bezwen fer pli byen. E ki nou bezwen travay toulezour pou nou fer sa bann landrwa poli byen. Alor nou pe entansifye nou annan program pou amelyor nou servis.

Par egzanp nou'n komans nou *screening* pou detekte kanser *trip*, nou proze pilot in byen pas e lo La Digue e byento nou pou pe deroul sa dan tou pei antye.

Sa Vandredi, nou pe lans en program pou pli byen zer maladi serten maladi *non-communicable* parey tansyon, pou fer sir ankor ki tou dimoun ki nou annan en standar pou tretman pou sa maladi, e ki tou dimoun, tou Dokter dan servis piblik i bezwen swiv sa bann regilasyon, sa bann protokol ki nou pe met an plas.

Menm dan letan *COVID* Mr Speaker dan lannen 2021, malgre ki ti annan frontyer ki ti'n fini fermen, malgre ki ti'n napa laliny aeryen pa ti mars byen, nou'n fer sir ki 134 pasyan ki ti bezwen ganny swen aletranze, ki kit Sesel e ki zot ti ale.

Sa in kout nou en bon pe larzan omwen 32milyon zis pou swen aletranze, san kont lezot depans lo voyaz ek lezot keksoz. *So far* sa lannen nou'n anvoy plis ki 150 pasyan aletranze pou trete, kondisyon ki nou pa pe kapab trete isi.

Nou konnen poudir nou annan serten mank dan nou travayer e nou pe fer nou mye pou nou fer sir ki sa bann mank i ganny adrese. Par egzanp in

fini programmen ki mwan prosen, en gran group travayer Lasante pe al fer *training* pou *customer services*, kot nou war nou annan serten defi, kot *training* dan kominikasyon, kot i ava ed nou pou nou fer nou servis mont pli lo oter.

Nou realize poudir parfwa i annan en retar, sirtou dan swen *casualty*, kot dimoun i dir zot annan en gran letan pou espere. Alor mon fer lapel, servis *Casualty* se pirman pou *emergency* e parfwa si i annan dimoun ki vin *casualty* e ki zot pa ganny kategorize koman *emergency*, zot atann, letan atann i pli long pou bann ki *emergency*.

Alor mon lans en lapel kekfwa pou dimoun servi sa servis en pe mye, pou nou kapab redwir en pe sa bann letan ki zot bezwen atann.

Mr Speaker mon ti a kontan si nou tou nou donn *staff*, nou *staff* Lasante ankor plis sipor moral. Sa i a osi ede pou kontribye pou relev zot moral e amelyor nou servis. Alor mon demande ki nou zwenn nou tou ansanm dan sa travay enportan ki nou pe fer pour tou Seselwa, e donn nou sa sipor ki nou'n byen bezwen.

An se e moman mon ti a kontan lans en lapel avek tou dimoun, pou kontinyen donn

Minister lasante en koudmen e ede ki nou pep i swiv bann konsiny proteksyon e prevansyon, ki nou tou nou konnen pou obzerve, protez promosyon promouvwar nou lasante.

An konklizyon Mr Speaker, a sak fwa ki nou *staff* i tann zis keksoz negativ lo zot travay, e ki bann bon travay e tou sa zefor ki zot pe mete, pa ganny rekonnet, se sa ki kas zot moral. Dan sa preske 2 lannen ki'n pase, lanasyon Seselwa in temwannay sa devouman, sa sakrifis e profesyonnalizm travayer Lasante.

Tou nou bann travayer san leksepsyon, in form par sa lalit kont *COVID* e dan diferan fason in zwe en rol dan proteksyon lasante nou dimoun ek swen nou malad. Depi zanfan lekol, ziska dimoun pli aze, dan tou kous nou popilasyon e dan tou kwen nou pei, Seselwa in santi sa prezans nou travayer Lasante.

E alor, se avek gran lazwa, imilite e satisfaksyon, ki nou revwar omaz anver travayer Lasante dan bann manifestasyon a Lokazyon Lazournen Travayer Lasante en Lazournen Nasyonal sa lannen. E se pour sa rezon ki mwan pou mwan, moral nou *staff* i telman enportan.

Mon partaz moman lazwa e osi moman profon lapenn ek sagrinasyon avek tou nou bann kolek. A tou moman sa lekip otour mwan, pe fer gran zefor pou trouv fason pou gard sa mortal pli o posib.

Nou selebre sikse nou profesyonnel dan zot travay, e dan zot letid, e dan moman difikilte nou donn tou nou sipor e lankourazman. Mon dir en gro mersi tou bann *staff* e tou bann dimoun dan nou pei ki pe siport nou travayer, nou travay, difisil toulezour. Mr Speaker. Mersi.

MR SPEAKER

Mersi Minis. Bon mon pou pran detrwa kestasyon ban Manm. Lezot Manm avan mon retourn kot Onorab Pillay, me selman nou pou gard nou *schedule* pou *PNQ*. E mon pou termin *PNQ* bann 10er pou nou kapab pran lezot kestasyon. Nou a komanse. Mon apel Onorab Esparon.

HON REGINA ESPARON

Mersi Mr Speaker. Bonzour tou dimoun a lekout. Minis ou ava agree avek mwan *for the effective running of essential medicine store*, ou bezwen en *Store Manager* e pou ou en *Store Manager* ou bezwen en *pharmacist*. Lontan mon rapel *IPS* ki ti *run* sa *central medical store*.

Eski ozordi nou'n aprann poudir napa en *Store Manager*. Eski i anba *personal emolument* zot annan sa *post* ki *vacant*, e si wi eski in *ganny advertise*?

Dezyenmman Minis, enn bann pli gro konplent kot klinik Glacis, se ki i annan zis 2 zour konsiltasyon Dokter, e sa 2 zour klinik i pakte e pasyan i bezwen esper en kantite letan, Dokter i fatigue.

Eski Minis i annan plan pou ogmant la kantite zour pou konsiltasyon dokter kot klinik Glacis e osi re balans demann pou swen domisil kot lakour, pour ki Dokter i kapab osi fer *home visit* pou bann pasyan ki neserer kot lakour? Mersi.

MR SPEAKER

Mersi Onorab. Minis nou annan 2 kestyon?

MINISTER PEGGY VIDOT

Mersi Onorab pou ou kestyon. Ou kestyon lo *Central Medical Store* Onorab si nou annan en *Manager* an se moman.

Non, *Manager* in *resign*, *post* in *advertise*, nou'n ganny detrwa aplikasyon, nou'n fer *interview*. Me nou'n vwar poudir bann dimoun ki'n *apply* ki'n ganny *interview*, pa'n ganny idantifye koman kandida potansyel pou sa pozisyon.

Nou konnen poudir *Central Medical Store* i en landrwa ki i annan en kantite keksoz pou fer, e ki ou bezwen fer li lo en baz, en nivo profesyonnel e pli byen.

Wi, nou'n bezwen, nou'n demann en pe led avek *WHO* pou ed nou, pou nou kapab met en sistenm an plas ki pou ede vwar ki mannyer *Central Medical Store* i kapab byen ganny zere. Nou'n ganny en group ki'n vini, zot in fer en travay, zot in donn nou serten rekomandasyon e nou pe atann zot rapor final.

Wi, enn zot rekomandasyon Onorab se ki bout *Central Medical Store* ki pran kont avek bann medikaman ki ganny zere - i ganny *manage* par en *pharmacist*. Me pour le moman isi Sesel nou annan tre pe *pharmacist* Seselwa.

Nou'n eseye ganny *pharmacist* dan lezot pei e sa i enn keksoz ki wi, nou pe regard ladan pou nou kapab ganny plis pozisyon *pharmacist*, pou nou kapab met enn ansarz sa laspe *Central Medical store*. Me i annan bokou pli gran travay pou fer dan sa domenn sirtou dan kote son sistenm lenformasyon, ki nou osi pe regarde ki mannyer i kapab ganny amelyore. Mersi.

Lo kote Glacis, si nou pe regarde si nou pou ogmant la kantite konsiltasyon Dokter ki nou bezwen dan Glacis. Nou fer en revi nou performans la kantite dimoun ki annan dan sak distrik ki pe vin kot Dokter, e ki pe servi swen lasante e nou vwar lo la i ed nou pou vwar kote bann demann i ete.

Par egzanp Glacis ou demande si ou pou annan plis konsiltasyon Dokter. I tre probab ki Glacis i bezwen lezot kalite klinik olye ki zis konsiltasyon Dokter.

Me nou pe fer sa revi an antye an mezir ki nou pe amelyor servis dan sante primer e dek ki nou'n etabli kote, kan, konbyen klinik konsilyasyon, ki kalite konsiltasyon, si konsiltasyon *general practice* or si konsiltasyon spesyalis nou ava fer sorti sa *schedule*. Mersi.

MR SPEAKER

Mersi Minis. Mon a pran kestyon Onorab Lemiel.

HON SYLVANNE LEMIEL

Mersi Mr Speaker. Bonzour Minis avek ou delegasyon. Mr Speaker mon kestyon i al *comme* swivan. I konsernan lo kote mankman latizann. Selman premyerman enn, avan mon al lo mon kestyon Minis,

mwan mon ti a kontan personnelman montre mon langazman e mon sipor pou tou travayer Lasante. Sa i enkli son ners, son Dokter, tou dimoun ki travay dan lasante e mwan mon *value* bann travay ki bann travayer Lasante pe fer.

Mon kestyon i al dan laliny latizann;- i annan bann dimoun la par egzanp dan mon distrik ki'n anvoy mesaz zot in dir mwan ki i annan en latizann ki apel *Trimetazidine* ki pou leker. Aparaman i annan mwan zot pe espere pa ankor gannyen ziska la ozordi zot ankor pe espere.

Xarelto 20mg ki bann dimoun ki ganny *DVT* - ki'n ganny *diagnose* avek *DVT* i servi, sa bann dimoun pe ganny *offer* pou al lo *Warfarin*, me zot santi ki i annan defayans bokou ki zot gannyen ek *Warfarin*.

So zot konnen i annan sa *Xarelto* ki zot kapab pran e lezot 2 kalite ki zot kapab pran, me sa ki en pasyan dan mon distrik i dir mwan in ganny dir i se ki sa latizann i ser, nou pou kit ou lo ou *Warfarin*.

Minis mon ti a kontan petet, petet ou pa okouran, akoz mon war ou pe friz en pti pe figir, petet ou pa okouran, petet ti a bon mon pou donn ou non sa bann dimoun, petet ti a

bon ou fer verifikasyon ladan, ou regarde si sa i vre.

Akoz sa zafer latizann ser la, mon manman osi ti deza ganny dir, *Xarelto* i ser ti oule kit lo *Warfarin*, me apre Bondye pitye i ti gannyen son *Warfarin* in kapab byen ozordi. So ti a bon nou regard en pti pe osi ladan Minis.

Apre nou annan lo kote lenfeksyon ki bokou dimoun - mon pe koz ou pasyan dan mon distrik la ki sorti Lopital, ki'n dir zot in vin fer loperasyon e apre loperasyon dan Lopital menm zot in anmas serten lenfeksyon. Mon pa konnen sa osi Minis is ou okouran, petet kwa ki zot pe fer lo sa kote, kot i konsern lenfeksyon ki bann dimoun pe anmase dan Lopital, ki zot pe mazin fer pou zot remede sa sityasyon?

E dernyerman Mr Speaker apwentman, *Eye Clinic* i annan dimoun mwan annan pasyan dan mon distrik ki annan 2an zot lizye in fini deteryore en kote in fini pa war kler, pe espere pou fer loperasyon katarak, zanmen ganny randevou.

E la enn i dir ki i pe esper en randevou i annan 2 mwan, pou war en Lokilis pou konsernan son lizye pa ankor gannyen randevou Minis, kwa ki zot pe fer pou adres osi sa

bann sityasyon randevou pou lizye? Mersi.

MR SPEAKER

Mersi Onorab. Minis.

MINISTER PEGGY VIDOT

Mersi Onorab pou ou kestyon. Onorab mersi pou ou sipor. Mon krwar sa i ede pou adousi leker nou bann travayer lasante a sa fwa ki zot ganny sa.

Lo size mank latizann, parey mon'n dir i annan serten latizann ki manke e ki manke, en kategori me i annan lot alternativ. Ou'n donn nou legzanp par egzanp sa enn la avek enn avek *anticoagulant* ek *Warfarin*.

Mon'n ganny dir poudir a sa enn latizann *Xarelto* ki ou'n koz lo la, i pa neserman lo nou *essential drug list*, me selman mon ava verifye. E si i pa lo nou *essential drug list* i pa enn ki nou gard li ki pou toultan.

Me se i parfwa nou arive ki en latizann i pa lo nou *essential drug list*, e nou vwar poudir pasyan ki pa pe kapab servi latizann ki nou annan dan sa domenn, zot kapab ganny mete e sa nou apel li e *non-stock item* e ki nou fer vini pou sa bann pasyan spesifik.

Alors sa i ava reponn sa enn kestyon. Kestyon ki ou dir

mwan dimoun i dir poudir latizann i ser, sa i pa desizyon sa dimoun ki pe donn latizann, i pa desizyon sa Dokter.

Desizyon ki latizann i fer vini *or* ki latizann pa fer vini, i ganny deside par en Komite ki regard sa latizann ki nou merit annan dan pei; latizann ki nou merit servi pou diferan kondisyon e ki latizann ki nou met li koman nou *essential drug list*; ki nou retir enn nou met lot, ou si non nou adisyonnen enn letan nou regarde.

Me solman pou bann spesifik ki ou'n dir mwan poudir nou manke, mon a demande si Dr Louange pli tar i ava kapab reponn a sa laspe. Mon ti a kontan konnen selman non sa pasyan ki nou a diskite pli tar, aköz nou ava vwar aköz sa kalite komanter in ganny fer avek sa pasyan.

Lo kestyon lapwentman, wi i annan serten landrwa kot nou'n war lapwentman i lontan in arive. Semenn pase menm ki mon diskite ankor avek *Health Care Agency*, poudir nou met an plas en mekanizm pou nou redwir sa gran kantite letan.

Mon konnen par egzanp ki toudswit pou *SOPD* kot lapwentman ti'n ariv tar, zot in vwar pou zot komans en klinik en Sanmdi koumsa pou redwir en pe.

Lapwentman pou dimoun ki pe atann pou fer katara, sa i enn kestyon ki bokou lontan nou'n annan sa kalite *backlog* e pou rezon ki souvandfwa nou'n annan *camp*, pou vin fer katara *surgery* dan Sesel.

Wi dan letan *COVID* i pa'n fer bokou *surgery* lo lizye sirtou pou katara, aköz i pa enn ki zot ti klasifye koman *emergency*. Me nou'n annan deza an Zilyet sa lannen en *camp* kot nou pe redwir. Nou an diskisyon avek diferan lorganizasyon ankor, pou nou redwir ankor bann kantite dimoun ki bezwen pe fer katara. Mon napa en dat defini kan nou lot *camp* pou ete, me i pou ennlèr avan lannen fini.

An term longer lapwentman pou lizye pou ou vwar en spesyalis lizye, wi si ou dir mwan i 2 mwan, nou a regarde kote nou'n arive e kan ki nou kapab redwir, koman nou kapab redwir sa. Mersi pou kestyon. Mon pa konnen si Dr Louange ou ti oule reponn lo sa spesifik latizann ki Onorab ...

MR SPEAKER

Mersi. Dr Louange oule azoute?

DR DANNY LOUANGE

Ok, mersi Mr Speaker. Mersi *Minister*. Mersi Onorab pou ou kestyon. Lo kote sa latizann spesifik *Xeralto* i, parey Minis in

fer sorti i pa en latizann lo nou *essential list*. I en *non-stock item* e i ganny *order* pou pasyan spesifik pasyan. E sa i ganny aprouve par en Komite avan i ganny *order*.

So ki nou pe vwar la ki i annan en logmantasyon dan bann pasyan ki tonm dan sa kategori, pou nou kapab donn zot administre zot sa latizann. E sa ki enn bann faktor ki fer ki nou stok i *low*. Nou pe revwar sa, akoz nou pe ganny en kantite pasyan avek *DVT* apre nou konnen ki *DVT* avek *pulmonary embolism* i asosye avek tou lezot faktor.

Dan lepase pa ti osi kantite, e paret in ogmante avek sanzman dan *lifestyle*. So nou osi demann manm piblik osi, pou konsider sanzman dan zot *lifestyle as well*. Me lo kote sa latizann wi i annan en *alternative*, *Warfarin* i enn *alternative* ki nou ti servi dan lepase, sa i nouvo latizann ki'n ganny entrodwir dan lemond e i osi konvenab pou nou pou serten kategori pasyan.

Me nou'n pran ou konsern ki'n sorti kot en manm piblik, e nou a get ki mannyer nou kapab *support* - ed li, pou li kapab kontinyen son tretman.

Lo kote - ou'n mansyon lo kote lenfeksyon apre loperasyon osi. Sa lenfeksyon

apre loperasyon i enn bann konplikasyon en loperasyon, e i *well known*. Dan servis lasante nou rod en fason pou nou redwir sa, partou dan lemond, rod en fason pou redwir sa.

E bann fason i servi en lanvironnman steril, steriliz tou keksoz, *monitor* sa ki nou fer, fer sir ki nou oper lo en nivo en standar tre o nivo, e sa dan *operating theater* sa i ganny met an pratik.

E menm lo *ward* osi pou *post care* osi, nou annan bann gid ki mannyer sa i devret pe ganny fer. E nou osi annan *Infection Prevention Control Unit* ki li osi *monitor* sa. I annan bann defi ki nou bezwen osi rod fason ki mannyer nou kapab *improve* lo la - nou pe kontinyen. Menm la avek *infection prevention control* nou'n amelyor, nou'n *strengthen* sa *unit* sirtou pandan *COVID*.

E nou'n devlop en kantite gid pou nou kapab *train* en kantite *staff* pou lo kote *infection, prevention and control*. E sa i enkli osi *post-stop infection* osi. E parey Minis in dir lo kote - pa zis *Eye Clinic* i annan en kantite kondisyon ki akoz *COVID* in annan en *waiting list*, e nou pe fer nou mye pou nou kapab eklersi sa bann *waiting list* ki nou annan.

E *waiting list* i pa zis Sesel, i en sityasyon ki en kantite *health system* pe raport lo la. E nou swiv osi ki mannyer zot fer. Me i annan en *fine balance* ki nou bezwen pran.

Nou *staff* deza pandan *COVID* zot in fatigue, i annan en ta *fatigue*, i annan en ta moral osi avek travay pandan *COVID* osi in ganny afekte. I annan en *fine balance between* kantite klinik ki nou fer e nou *staff welfare* osi. Mersi Mr Speaker.

MR SPEAKER

Mersi. Mon a pran kestyon Onorab Gill.

HON CHURCHILL GILL

Mersi Mr Speaker. Bonzour Minis ek ou delegasyon. Bonzour to Manm. Minis mon ban kestyon i annan ki nou'n deza dapre ou vizit i en swivi. Premye se re lokasyon labatwar ki nou ti'n diskite lo la, laboratwar pardon, eski sa pou ganny materyalize sa lannen oubyen lannen prosenn?

Dezyenm kestyon se pou *hyperbaric chamber* sa osi nou ti'n koz lo la e ziska la i pa ankor operasyonnel. Si ou kapab donn nou en *feedback* lo la. E trwazyenmman i annan bann...

MR SPEAKER

Ou a fer li 3 Onorab pa plis en?

HON CHURCHILL GILL

Wi. i annan konsern pou bann kateter, sirtou pou bann ners ki al lo vizit - e i annan konsern ki napa ase apre son size, diferan size. E prezan, eski sa i osi en keksoz ki petet ou Minister pe get ladan pou ganny en solisyon, pou sa bann ners kapab desarz zot responsabilite? Mersi.

MR SPEAKER

Mersi Onorab. Minis?

MINISTER PEGGY VIDOT

Mersi Onorab pou ou kestyon. Onorab lo kestyon laboratwar, avek *hyperbaric chamber* wi, nou'n diskite e nou pe vwar.

Malerezman nou pa pou kapab fer tou sa lannen, me solman in ganny programmen dan travay pou lannen prosenn. Akoz sa lannen parey ou'n konnen, serten larzan ki nou ti'n mete pou serten *maintenance work* lo Baie Ste Anne *Hospital* in ganny egzose e i pa pou sifi pou sa travay.

Lo kote *catheters* si nou annan, sifizaman *in the right sizes*, i pa en kestyon ki'n ganny met a mon - vin anmenn kot mwan pou vwar si nou annan. Me solman si i ti en kestyon ki ti vreman napa, nou ti pou bezwen konnen, me mon a

demann ankor *CEO Health Care Agency* pou reponn.

Me si napa Praslin, mon plis ki siny i annan Mahe sankwa nou ti pou'n tande e alor nou a demann bann dimoun Praslin, *staff* Praslin pou fer sir ki zot stok i ganny *replenish*. Mersi Mr Speaker.

MR SPEAKER

Mersi. Dr Louange ou ti pou azout keksoz? Byen tre byen. Mon pou pran kestyon siplemanter Onorab Pillay la, si mon annan letan, si mon annan letan apre nou a pran ankor siplemanter lezot manm, si nou napa letan mou pou bezwen are la. Onorab Pillay ou siplemanter.

HON SEBASTIEN PILLAY

Mersi. Minis mon pou bezwen dir poudir mon en pe dezapwente avek ou larepons. Akoz dan pals bomaten swazir pou ou adres bann size ki anmenn defayans dan ou Minister, ou'n plito prefere pou vin fer en *speech* lo en konparezon e esey pran en pozisyon ki nou, nou pa pe siport *staff*. Mon dezapwente ek sa. Me toudmenm mon ava met en pe sa bann defayans devan ou koumsa ou ava petet kapab adrese.

Premyerman, *Nurse Managers*. Konbyen *Nurse Managers* ki'n aret travay dan Minister Lasante depi konmansman sa lannen?

Dezyenmman, an relasyon ek bann dimoun ki pe ganny dyabet ek *hypertension*, i annan detrwa medikaman ki zot pa pe gannyen.

Par egzanp *Trimetazidine*, i osi annan *Oxybutynin*, i osi annan *Oxybutynin* i pa pou sa me *Bisoprolol* ki ou napa lo stok. E mon annan en pasyan ki fek fini fer *open heart surgery* - 2 pasyan ki'n fini fer *open heart surgery* ki'n *text* mwan la, e pe dir ek mwan koumsa poudir zot napa pou zot *prescribe* sa.

Ou'n koz ek nou lo defayans dan lekipman e nou'n dir nou poudir ou pa konnen si Minister Finans pe met larzan pou *MRI*. Minis pou ou lenformasyon i annan R50milyon dan Bidze siplemanter pou *MRI*, eski ou Minister pa enformen pou konnen kwa ki pe pase *in terms of* zot bann demann ki zot on fer pou lekipman?

Anse Royale yer ti napa *panadol* dan *pharmacy*. Onorab Esparon in demann ou lo regard *store management* e ou'n admet poudir ou napa sa dimoun, me selman apre ou'n

dir nou poudir ou napa problemm avek mankman latizann.

Ki manner ou kapab konnen ki ou napa problemm avek mankman latizann, ou napa sa dimoun ki sipoze pe fer sa travay an relasyon avek sa?

Mon bezwen pran tou mon menm Mr Speaker akoz ou pa oule les personn demann keston ankor. So mon pran tou mon menm. Prezan i ava vin lo sa size Dokter dan kominote bann *home visit*.

Bokou pasyan pe konplent ki zot pa pe gannye *home visit* e ou, ou dir nou poudir napa defayans e ou dir ek Onorab ou donn li en larepons en pe fay, fay mon kapab dir, sa ki nou oule e ou se en *commitment* ki ler ou sorti la anndan, ou pou al adres sa size e ki bann pasyan dan distrik pou ganny sa bann *home visit*.

Dezyenman lot keksoz Mr Chairman oule koz lo defayans so nou a koz lo defayans. *Overwork* ou bann *staff* dan Minister Lasante, wi ou bann *staff* pe travay, be eski ou'n pran en letan pou ou fer *meeting* avek ou bann *staff* pou vwar ki nouvo moral e ki kantite *overwork* ou bann *staff* serten ou bann *staff* i santi? Mon napa naryen kont ou *staff*.

Par egzanp lo serten *ward* mon annan en sityasyon ki'n ganny met devan mwan kot en pasyan in soufer en *stroke* bomaten, personn pa'n *identify* ziska aswar.

Mon annan en lot sityasyon ki'n devlope avek en pasyan ki'n vin lopital pou en senp lentervansyon i ava fer 3 lentervansyon ki i pe al fer la, i pe al fer en katriyenm pou en koreksyon. I pe al fer katriyenm lentervansyon pou en koreksyon. *Ok?*

So Minister sa ki mon pe demann ou, se ki ou bezwen paran en lapros ou bezwen al pli pre avek sa ki pe pase dan ou Minister, pou konnen kwa ki pe pase *as oppose to - sorry* pou dir ou sa - me ou vin donn mwan en larepons siperfisyel e ou pa oule adres bann size ki pertinan. Blanm 43an pase pa pou rezourd bann problemm ki la ozordi, e se ou ki la.

So mon bezwen demann nou pou *own up to* ou responsabilite ki ou annan, akoz ler mon pe koz ek ou e ler ou pe reperkisyon *Minister* mon bezwen dir ou poudir pou premye fwa dan en keston, mon'n ganny sa kantite mesaz ki'n antre *regarding* bann larepons ki ou pe donner.

So i enportan prezan ki mwan mon montre dimoun

poudir gete nou, nou *responsive* e nou pou met sa bann konsern devan ou. I pa en latak oubyen en kritik lo ou Minister, me ki ou bezwen adres sa bann keksoz. E si ou Gouvernman pa kapab adrese Minis *then* i senp, zot pou bezwen sed laplas avek en Gouvernman ki pou kapab.

(Interruption)

HON SEBASTIEN PILLAY

Akoz si pou kontinyen koumsa nou pa pou kapab kontinyen avek sa. Prezan Mr Speaker mon oule met devan ou en lot keksoz ki petet aköz sa bann keksoz - *unless* i ariv avek nou e avek nou fanmir nou riye nou fer *hey hey* nou fer soz dan Lasanble, me ler nou fanmir i ganny sa bann keksoz la ki nou pou konnen.

E mwan mon annan dimoun ki pe dir mwan la ki pe *text* serten antre zot, e ki okenn antre zot pa pe leve pou menm demann en kestyon lo sa bann size. So Minister ...

(Interruption)

MR SPEAKER

Onorab i annan en kantite Manm! Onorab! Onorab!

(Interruption)

MR SPEAKER

Order silvouple! Onorab Pillay ekout mwan en pti kou, i annan plizyer Manm ki'n lev lanmen, si zot annan zot kestyon oubyen zot lot kestyon sa mon pa konnen. Silvouple permet Minis adres bann pwen ki ou'n leve aköz mon realize, si ou annan lezot pwen pou azoute azout li e nou a permet ...

HON SEBASTIEN PILLAY

Avan ou permet Minis adres mon pwen mon ti a voudre ou fer Onorab Flory Larue, fer *retraction* ek en *apology* pou malelve ki in fer.

(Mic switched off)

MR SPEAKER

Onorab! Onorab! Onorab Larue i mon problem pa ou problem! Adres ou kestyon. Adres ou kestyon silvouple.

(APPLAUSE)

HON SEBASTIEN PILLAY

Mersi bokou. Alors i ou problem li? Mwan mon pa ou problem mon? *Hahahaha!* Sa wi!

Mr Speaker eski Minis i kapab dir nou dan imedyat la, lefe ki ou annan konsern vizavi serten latizann, sirtou pou

hypertension sirtou sa bann pasyan, ou annan konsern vizavi serten latizann spesifik pou serten kondisyon.

Eski ou donn nou en langazman Lasanble, ki ou pou al regard dan bann *areas* kot ou annan mankman e ki ou pou pare pou prezant en rapor avek Lasanble lo ki ou pe fer dan limedya, pou adres sa bann sityasyon?

An dezyenmman, dezyenmman Mr Chairman mon ti a kontan si ti posib ki ou a dir nou, *regarding* bann pasyan *MRI* e lefe ki nou pe aste en nouvo *MRI*. E lefe ki konsern ki nou, nou'n gannyen avek *MRI* ki sa enn ki la i kapab fer serten tes, e serten tes nou pe ganny difikilte avek.

Eski ou pou pare pou regarde dan imedyat, pou kapab regarde kan eski bann pasyan sirtou bann ki pe soufer avek bann douler *spine*, pou kapab ganny en apwentman pli pre, pou zot al fer serten lanaliz si zot konfizyon i pli grav, menm mon pa konnen si zot pare pou kapab ofer serten posibilite pou zot a aletranze, dan serten kondisyon ki nesese pou zot ale vizavi zot sityasyon lasante?

Mersi Mr Speaker mon ava demann serten siplemanter apre.

MR SPEAKER

Mon annan dekwa pou Minis i adrese. Minis silvouple ou a regarde ki ou a kapab fer avek sa bann pwen.

MINISTER PEGGY VIDOT

Mersi Mr Speaker. Mersi Onorab pou ou bann *statement* e an menm tan ou bann kestyon.

Mon'n dir poudir nou pe al aste en *MRI* nouvo akoz sa enn ki la in ariv son letan, *ok?* E mon'n dir poudir nou pe al aste. Alor en koreksyon ler ou dir mwan poudir mon pa'n konnen, mon konnen ki sa ki nou pe gannyen, akoz mon part sa Gouvernman kot desizyon i ganny pran.

Ou demann mwan si i annan mon pa pe azour avek defi, ou apel li defayans, mwan mon war li defi. Si mon pa azour avek defi ki annan dan mon Minister e ale al rode, al fer langazman.

Onorab mon ti a kontan dir ou poudir mon konnen ki defi ki nou pe annan e mon pe adrese. I pa zis la ki ou dir mwan al gete, akoz mon'n fini regarde e mon konnen e nou pe met an mars diferan mekanizm pou adres serten defi ki nou pe kapab adrese. I annan en kantite defi parey mon'n dir.

Ou dir mwan mon pe vin fer en *speech* ki napa sibstans, mwan pe dir ou poudir mon'n fer referans poudir serten defi i lonterm. I pa fek arive e nou'n vin zwenn li e nou pe adres zot.

(Interruption)

MINISTER PEGGY VIDOT

Alor i pa en kestyon ki mon pe saye ou si non ki i pa vre i la realite.

Regarde ou dir mwan mon'n ganny en kantite kestyon, mon ekspekte ki kekfwa ou pou annan e gran kantite kestyon, akoz tou dimoun dan pei i servi swen lasante e en mannyer a lot zot annan en serten leksperyans. Mon'n dir ou poudir nou realize poudir serten leksperyans i pa neserman alaoter fason ki ou ti kontan vwar li.

Me nou konnen osi ki i annan en kantite ki byen. Si ou regarde i annan, nou annan plis ki 200 lili dan lopital, si zis nou pran lili lopital la kantite dimoun ki pase dan sa lili toulezour, e konbyen dimoun ki pa satisfè ou sinon ki mor ki nou pa redonn zot lasante, i ava don nou en mezir kantmenm ki kantite ki dimoun pe fer dan lasante.

Mon tre konnen poudir nou *staff* in pas 2an e pou sa

rezon ki mon remerci zot depi komansman mon repons. In pas 2an kot zot pa'n kapab pran vakans, kot zot in bezwen travay e si nou parey tou travayer Lasante dan lemonn antye zot in sibir serten leksperyans ki pa'n toultan fasil.

E se pour sa rezon sa lannen ansanm avek mon Minister, tou antite dan mon Minister nou'n fer serten aktivite ki donn nou sa sans pou ou dir merci. E ki nou'n donn menm pei sans dir merci bann travayer Lasante se akoz mon rekonnèt. Akoz mon avek zot, akoz mon vwar zot, akoz ler i oule mon pler ansanm ek zot e mon retenir zot mon anmenn zot. Alor i pa vre ki mon dekonekte ek zot.

Si mon pou al fer en langazman imedya? Mon'n fini dir ou poudir nou'n war bann defi, nou fer tou-le-z-an e analiz nou performans dan Lasante e nou'n deza konnen kote ki nou'n bezwen met plis lanfaz, ki mannyer nou pe fer li. Alor i pa en keksoz ki ou pou dir mwan al fer langazman al gete. Mon'n fini gete e nou konnen ki sa ki nou pe al adrese.

Be nou realize poudir i annan en kantite mank dan sans la fason ki dimoun i konpran serten keksoz dan

lasante. Ou dir mwan nou napa *Bisoprolol*, mon'n eksplik ou lo komansman dan sak sa bann kalite medikaman i en group.

Mon'n ganny dir poudir nou napa *Bisoprolol*, me nou annan en alternativ ki travay parey *Bisoprolol*. E alor sa bann pasyan ki ti lo *Bisoprolol* i kapab ganny demande pou li pran sa lot medikaman e i pe ganny preskrir sa lot medikaman.

Si ou dir mwan poudir nou annan pasyan ki nou pa pe rekonnèt, zot in ganny problem, i pa neserman ki toultan sa i arive e ki i vre. Nou kapab regarde si ou annan en ka. Me selman nou konnen poudir dan en lazournen en dimoun i war diferan kantite dimoun e pou keksoz koumsa ti a'n ganny rekonnèt.

Me mon ti a kontan diskrit avek ou ganny non sa dimoun. Mersi Mr Speaker.

Nurse Manager ou dir mwan wi, nou annan serten *Nurse Manager* ki'n ariv laz kot zot pe *retire*, i annan ki pe pran zot *retirement* ki pare pou vin ede apre ki zot in *retire* pou serten letan. Akoz parey in ganny anonse bann dimoun ki ankor kapab travay e ki oule travay me i pa oule travay a en tan an permanans, me en letan

tanporer nou kapab rebran zot dan sistenm.

Ki kantite ki'n *retire* sa lannen koman *Nurse Manager*, mon a demann Dr Louange pou li raporte – pou li donn nou detay. Mersi.

MR SPEAKER

Mersi Minis. Dr Louange.

DR DANNY LOUANGE

Mersi Mr Speaker. Mersi Minis. Mersi Onorab pou kestyon. Lo kote *Nurse Manager* mon napa en *figure* - en limero egzakt pou nou kapab donn ou.

Me selman nou kapab *provide* sa pou ou me pou sa lannen i annan, leta nou koz bann *staff movement* nou annan apepre 21 apwentman ki nou'n fer depi komansman sa lannen, i annan 16 *retirement* ki'n ganny fer avek 22 *resignation*.

MR SPEAKER

Mersi. Bon 10er in sonnen mon pou termin sa sesyon kestyon. Mon pou termin sa sesyon kestyon la.

(Off-Mic)

MR SPEAKER

Sa ki annan kestyon Manm ki annan kestyon ki pa'n ganny reponn, ekrir zot kestyon

soumet li, soumet li silvouple.
Mersi.

(Off-Mic)

MR SPEAKER

Mon pa pe ekout okenn *point of order*. Nou'n terminen.

(Interruption)

MR SPEAKER

Minis ek ou delegasyon mon a dir ou mersi bokou pou zot partisipasyon. Mon a dir zot bon kouraz. Mersi.

(Off-Mic)

MR SPEAKER

Napa - ou'n dir mwan ou pe demann en *point of order* lo Minis *misleading the House* mon pa pe donn en *point of* -

(Off-Mic)

MR SPEAKER

... mon pa pe donn ...

HON JOHAN LOZE

(Off-Mic)

MR SPEAKER

Onorab Loze mon pe dir ou reste trankil sa pou premye *warning* pou ozordi! Mersi.

Mersi nou pou pas lo bann kestyon ki'n ganny soumet. Nou a pran en pti poz pou *sanitizing* e apre nou ava apel Minis silvouple.

(technical break)

MR SPEAKER

Avan nou apel Minis. Madanm Clerk in notife mwan ki i annan 2 Manm ki ti anvi soumet zot rapor, ki in lir dan Prezantasyon Dokiman, mon ava apel zot la e si zot kapab dir si zot pou fer en komantr silvouple fer li vit, akoz nou letan i vremen kourt. Onorab Woodcock.

HON WAVEL WOODCOCK

Wi mersi Mr Speaker, mon pou vremen bref. Mersi pou sa loportinite pou prezant sa rapor. Mon prezant Rapor Anyel MYCC Komite pou Medya, Lazenés, *Sport* ek Kiltir pou lannen 2021.

MYCC i en Komite ki'n vremen aktiv pandan lannen 2021. Annefe menm si pandan premye 4 mwan nou pa'n kapab fer bann *meeting* avek bann vizit parey nou ti anvizaze fer, me *still* nou'n nobou kapab akonplir bokou dan Komite.

Annefe Mr Speaker nou'n fer plizyer *meeting* pandan lannen 2021. Nou'n zwenn

avek *Media Commission* kot nou ti diskrit sa Lalwa *Criminal Diffamation* ki ozordi in ganny *repeal*.

Nou'n osi zwenn avek *SEYMAS* pandan bann letan ki ban artis ti pe fer bann defi pandan letan *COVID*, e nou'n adres plizyer sa bann size avek bann parti konsernen. Nou'n osi zwenn avek Mayor pou diskrit sa nouvo Lenstiti pou Kiltir Leritaz ek Lar ki fek ganny kree.

MYCC osi in nobou, an 2021 nou ti vin avek Biro *Attorney Zeneral* pou diskrit ankor lo sa size *criminal diffamation* pou tir '*criminal diffamation* dan *Penal Code* ki ti ganny fer le 6 Oktob e osi pou ogmant laz *criminal responsibility* pou vin 14an.

Mr Speaker pandan lannen 2021 i annan plizyer bann lezot vizit ki nou'n fer e *meeting* osi. Nou'n zwenn avek *CEO NSC* Mr Larue, pou nou diskrit apre vizit ki nou ti fer Praslin, La Digue pou diskrit bann leta bann Lenfrastriktir Sportif lo sa bann zil pou amelyor bann Lenfrastriktir Sportif lo sa 2 zil.

E osi pandan nou vizit ki nou ti fer Praslin ek La Digue an Oktob, Mr Speaker nou ti ganny sans zwenn avek plizyer bann *stakeholders* dan *Medya Sport*

ek Kiltir e tou sa bann keksoz Mr Speaker i detaye dan sa rapor ki mon pe prezant avek ou ozordi.

E zisteman pa bokou letan pase osi nou fek amenn nou *Terms of Reference* pou enkli *Sport* osi dan nou koman nou responsabilite manda, pou nou get lo bann Departman e Minister *Sport*. E plizyer keksoz nou'n fer Mr Speaker. Nou'n fer en deba dan nou *lobby* Lasanble a lokazyon *World Press Freedom Day*.

E i enportan osi pou note Mr Speaker ki bokou sa bann keksoz ki mon pe prezante dan sa rapor, nou'n prezant bann rapor endividyel depi 2021. E nou pou annan ankor bann rapor ki nou pou prezante avan lannen i fini e sirtou rapor lo vizit ki nou'n fer *Youth Hostel* e osi rapor lo vizit ki nou fer avek Liniversite Sesel.

Avek sa 2 mon Mr Speaker mon prezant rapor *MYCC* avek ou. Mersi bokou.

MR SPEAKER

Mersi Onorab Woodcock. Mon vreman apresye travay bann Komite e felisitasyon pou zot travay ki zot in fer. Onorab William ou rapor.

HON WAVEN WILLIAM

Mersi Mr Speaker. Bonzour tou dimoun ki a lekout. Mr Speaker mon annan gran plezir pou prezant avek ou rapor sa 44enm Lasanble Zeneral Enter Parlmanter ki ti fer *Bali L'indonesie*, depi le 19 a le 24 Mars 2022.

Mr Speaker sa rapor i ava servi koman en baz pou delegasyon ki pe al reprezante dan 145enm Lasanble Zeneral byento. *So I present the report to you.*

MR SPEAKER

Mersi Madanm Raporter ou ava anmas Rapor. Onorab Pillay ou a dir mwan ki pwen oule adrese silvouple.

HON SEBASTIEN PILLAY

Mersi Mr Speaker. Mr Speaker mon oule *raise en matter of privilege* anba, an relasyon ek Konstitisyon e an relasyon avek nou *Standing Orders* Lasanble, si ou ava permet mon pou fer silvouple?

MR SPEAKER

Wi, ki ou *matter of privilege*?

HON SEBASTIEN PILLAY

Mersi Mr Speaker. Mr Speaker Konstitisyon i prevwar ki en minis i ava vin devan Lasanble pou vin reponn kestyon pou en Minister ki tonm anba son

responsabilite. E nou *Standing Orders* i prevwar ki Lasanble i ava demann en kestyon pou rod en lenformasyon e *press* Minis pou aksyon.

Ti mon lentansyon bomaten pou *press* Minis pou aksyon, akoz apre ki mon'n ganny plizyer konsern *from* manm piblik, *regarding* mankman medikaman, *regarding* sityasyon apwentman kot Lopital, *regarding* kondisyon ki serten pasyan i ladan.

Sa bann dimoun pa pe blanm *staff* Lopital me zot pe plito koz lo kondisyon e tir enportan ki *Leadership* Minister Lasante i pran sa o serye.

Mon bezwen eksprim kon dezapwentman Mr Speaker avek ou, ki mon santi poudir Lasanble pa'n ganny loportinite pou nou kapab met bann pwen devan Minis, pou *press* Minis *for action*, akoz mon krwar senserman Mr Speaker ki ou'n *rush* sa sesyon kestyon pou fini li pli boner posib.

Mon met sa devan ou Mr Speaker e se sa ki prezan i obliz mwan dan mon bann siplemanter, ou obliz mwan pou demann 15, 16 kestyon ki pa posib pou mwan fer, e apre ou rod tou fason pou mon antre an problem ek ou e mon krwar

idealman ki oule fer aprezan oule met mwan deor!

So mon pa pou donn ou sa satisfaksyon, mon pou fer mon pwen byen kalm, byen *cool* ek ou e lepep Seselwa i a zize si ou ki pe kasyet laverite oubyen si mwan ki pe koz laverite lo zot *behalf*.

MR SPEAKER

Onorab sa dernyen pwen ki ou'n fer mon pa aksepte! I pa mon lentansyon met ou deor, napa okenn lanvi lo mon par pou met personn deor. Onorab pran mikro, mon pe demen ou *retract* sa dernyen pwen ki mon pe kasyet laverite.

Sa pe *impute improper allegation* e mon pa pe - *improper motives* en alegasyon ki *impute improper motives*. Mon pe demann ou pou retir sa.

HON SEBASTIEN PILLAY

Avek gran ker mon ava retire *and I will hold you to your statement! I will hold you to it!*

MR SPEAKER

Mersi. I ava ase. Bon madanm raporter nou ava apel Minis Rangasamy.

Bonzour Minis Billy Rangasamy, Minis pou later e lozman. Byenveni dan Lasanble pou kestyon e egalman byenveni Mrs Muriel Morgan *PS*

pou Lands e Jitesh Shah *CEO Seychelles Infrastructure Agency* Mr Steve Mussard *Deputy CEO pou PMC - Property Management Company*.

Minis nou annan plizyer kestyon pou ou. Mon oule remet devan bann manm ankor enn fwa, prosedir ki mon pe swiv ou kestyon, i enn ki'n ganny diskite plizyer fwa dan *Assembly Business Committee* e nou'n ariv lo sa mannyer prosedir.

I pa zis mon desizyon i desizyon ki'n ganny pran. Si fodre revize, i a ganny revize, me mon pe prosede avek li pou le moman akoz nou'n fer sa lareg. Bon mon annan 10 kestyon pou Minis e mon annan apenn 10minit par kestyon.

Zot a realize ki i pa pou donn mwan bokou letan pou kestyon siplemanter lezot Manm apard loter kestyon. Avek sa nou a komanse. Nou komans avek kestyon 148 ki pou Onorab Bistoquet.

HON ROSIE BISTOQUET

Mersi Mr Speaker. Bonzour Minis avek tou ou delegasyon. Bonzour tou Onorab. Mr speaker avek ou permisyon mon ti a kontan pas en pti mesaz kondoleans pou - mon ti a kontan senpatiz avek 2 fanmir

Pointe Larue ki'n perdi zot pros semenn pase.

Sa se fanmir Cousin swivan lanmor trazik Samuel Cousin ek lafanmir Gabriel swivan lanmor Mr Harry Gabriel, ki Bondye i a donn zot kouraz pou fer fas avek zot depar. Mersi.

Minis mon kestyon i koumsa atraver Mr Speaker;

Prenan kont fitir devlopman Sekter Rezidansyel e lekspektasyon Nasyonal lo size lakaz ek later, sirtou pour zabitan Pointe Larue, eski Minis i kapab eksplik sa Lasanble

(a) Ki son pozisyon e plan devlopman later *land bank Mellon Estate* kot bann zabitan in fini ganny zot let pou ganny *plot* later depi le 7 Zilyet 2019?

(b) Akoz ki sa bann propriyeter later e osi pou bann lakaz dan *flat France Joseph Estate* pa ankor ganny zot lavant later, menm si zot in fini peye depi plis ki 10an pase?

MR SPEAKER

Mersi Onorab. Minis.

MINISTER

BILLY

RANGASAMY

Mersi Mr Speaker. Tou Manm Lasanble. Tou Manm oditer fidel ki pe swiv Lasanble lo radyo ek televizyon, atraver

internet e tou ki dan lasal, mon oule swet zot en gran bonzour.

Mr Speaker avan ki mon komans reponn kestyon bann Onorab sirtou Onorab Bistoquet, silvouple dir mwan zis en pti minit pou permet mwan dir en gran mersi zot tou pou zot sipor lapriyer e konfor, ki zot in mwan avek mon fanmir pandan sa peryod tre difisil, malad e lanmor finalman mon pti garson Liam Emmanuel.

Mersi bokou ki Bondye Tre O i beni zot tou, e mon osi mon pas mon senpati pou la fanmir Cousin dan ou distrik Pointe Larue Onorab. Mersi Mr Speaker.

Onorab Bistoquet son kestyon i en kestyon vreman pertinan, e mon pou reponn premye parti son kestyon *comme* swivan;

Sa proze *land bank* i enn ki'n sorti vreman byen. Sa proze *ex-Mellon* Pointe Larue, me par kont nou fer fas avek pa mal konplent. Me mon kontan pou enform sa Lasanble ki an se moman sa bann kare later in fini dan prosedir pou zot ganny evalye pou alokasyon final.

Pou reponn ou kestyon spesifikman, nou ekspekte ki alokasyon pou ganny fer an Oktob 2022 savedir lot mwan, si tou i mars byen. Mersi Mr Speaker.

Dezyenm parti kestyon lo bann *flat Joseph Estate*, wi i annan 10an pase depi ler sa proze ti'n ganny konplete, depi ler zot ti'n fini peye. E ki'n arive manner mon konpran, malerezman letan premye travay ti ganny fer pou kapab transfer sa bann *unit* avek bann zabitan, sa *Housing Estate* ti bezwen ganny anrezistre anba *Condominium Act*.

Sa prosedir ti ganny fer 10an pase an 2012 kot tou lede blok ti ganny anrezistre anba Lalwa sa *Condominium Act*. Mr Speaker Biro Rezistrar ti apre enform *PMC* atraver son Avoka, ki fodre ki sak sa bann blok i bezwen ganny anrezistre lo en kare later separe.

Ti annan 2 blok, tousala ti lo en sel kare later, so i ti fer konplikasyon avek sa prosesis *Condominium Act*. Alors Mr speaker nou'n bezwen re adres sa sityasyon dan mon letan koman Minis. Nou'n travay, nou annan travay arpantaz in fini ganny fer e *PMC* pe fer le neser pou konplet bann travay anrezistremman sa bann *unit*, enkli bann konponan legal.

Mon konfirman ki *PMC* pe swiv sa dosye tre pros avek Biro Lanrezistremman Later, afen ki sa proze i a konplete o pli vit posibil. Mersi Mr Speaker.

MR SPEAKER

Mersi. Onorab Bistoquet ou siplemanter silvouple?

HON ROSIE BISTOQUET

Mersi Mr Speaker. Mersi Minis pou ou larepons. Mon annan zis 2 pti kestyon siplemanter. Enn Minis, eski sa retar i ti kot *PMC* ouswa avek *AG's Office* apre mon lot kestyon ki mon pou demande se eski sa bann *tenant France Joseph* ti lo en *Purchase Agreement*? Mersi.

MR SPEAKER

Mersi Onorab. Minis.

MINISTER

BILLY

RANGASAMY

Mr Speaker mon a les *Deputy CEO PMC* ed mwan ek sa kestyon, akoz li ki pe swiv sa dosye pros, avek ou permisyon.

MR SPEAKER

Mersi. Wi *Deputy CEO*.

DEPUTY CEO PMC STEVE

MUSSARD

Mersi Mr Speaker. Bonzour Mr Speaker. Bonzour tou dimoun.

Onorab sa retar i en pe mon kapab dir ou i en pti pe lo *PMC* en? Ler i ti komans sa anrezistremman an 2012 parey Minis in fer resorti, ki sa 2 blok

ti ganny anrezistre dan en sel kare.

Ler Rezistrar ti retourn *PMC* atraver son Avoka, ti demann *PMC* pou *deregister* sa 2 blok e fer sir ki i tonm lo en sel kare later sakenn.

Lapartaz in fer, selman sa daily register pa'n ganny fer, ler nou'n fouy en pti gin ler Minis in met sa dan mon lentansyon nou'n fouy en pti gin, nou'n war poudir wi, sa demann sorti kot Rezistrar ti vini kot *PMC*, me malerezman person pa'n akt lo la. I sanble mwan, mon pa tro blanm *PMC* en kote akoz i en prosis ki ase nouvo e nou ti napa sa bagaz, ti napa sa dimoun ki pou pous sa devan.

E ler nou'n war sa, letan Minis in pran biro, nou'n war sa e la nou'n fer le neseler ki nou dan prosis pou *deregister* sa de blok, e pou nou *register* li anba sa sak kare later ki nou'n gannyen apre sa travay arpantaz.

Mon kapab konfirm ek ou selman la, mon war dosye, dosye pe bouze, mon'n war sa papye legal pou *deregister* ki'n pase kot mwan dan mon biro, e tou keksoz pe mars byen la. E mon pe prezimen ki lafen lannen nou kapab fini avek sa prosis France Joseph. Mersi Mr Speaker.

MR SPEAKER

Mersi Mr Mussard. Ti annan en pwen ki Onorab in leve ki pa'n ganny adrese? Pa ankor kestyon Onorab zis *remind* nou si i annan en pwen ki ou pa'n gannyen?

HON ROSIE BISTOQUET

Sa ki mon ti pe demande se ki, eski tou sa bann *tenants France Joseph Estate* i ti lo en *Purchase Agreement*?

Apre Mr Speaker mon ti oule, vi ki i annan sa larepons ki'n donn mwan, kan ki bann *tenants France Joseph Estate* pou ganny en larepons konkret poudir la zot lavant, la i apel pou zot, la zot kapab *ok* avek?

MR SPEAKER

Mersi. Minis lekel ki pou adrese? Mr Mussard oubyen ou?

MINISTER BILLY RANGASAMY

Mr Speaker mon ti a swete ki ou ti ava don mwan permisyon pou Mr Mussard adres sa enn.

MR SPEAKER

Wi, ou menm. *Deputy CEO*.

DEPUTY CEO PMC STEVE MUSSARD

Onorab tou sa dimoun, tou dimoun lo France Joseph lo en

Purchase Agreement. Sa mon krwar ki'n fer en pti pe tarde osi tou, akoz i ti pe esper bann dimoun peye, ler ou fouye osi ou war nou ti pe esper tou dimoun peye, konmsi fini pey zot lakaz e sanmenm sa ki ou war ki petet 2012 ki'n komans sa prosedir.

Kan ki bann *tenants* pou ganny en larepons, mon'n war dosye bouze, ki mon a fer Onorab se ki *once* ki mon fini mon a konsilte nou Avoka ki pe travay lo sa dosye e nou a fer en pti rankont avek bann zabitan. E pa i kout nou naryen pou nou kapab fer en pti rankont, gid zot, eksplik zot ki'n arive petet kwa ki pe ganny fer la.

Me e kan nou pe ekspekte ki nou ti pe ekspekte ganny zot *title deeds*. Sa napa problem sa nou kapab aranze, dan bann semenn ki vini la. Mersi Mr Speaker.

MR SPEAKER

Mersi. Bon tan ki nou lo Pointe Larue mon a pran kestyon Onorab Gabriel.

HON CONRAD GABRIEL

Mersi Mr Speaker. Bonzour tou dimoun a lekout. Bonzour Minis, *welcome* delegasyon.

Dabor Minis ou konn tre byen Pointe Larue i *still* - kantmenm nou pou annan later

land bank demann i pou kontinyen reste bokou.

So mon kestyon i baze lo - an vi limitasyon resours pou Gouvernman fer lakaz, eski ou Minister i annan lentansyon pou fasilite bann zabitan Pointe Larue, pou redevelop oubyen konstrir zot lakaz, ki a ede tir en pe presyon lo Leta?

E osi Minis, eski ou kapab dir ek sa Lasanble petet ki zistans zot in arive ek sa Proze Nageon Estate *Redevelopment Plan*?

E mon dernyen pwen Minis, eski ou ava donn Lasanble en pe detay lo an term *land bank* sa proze li menm, konbyen in kout Gouvernman an term lenfrastruktir tel ki semen, e litilite pou devlop sa proze *land bank*? E osi apepre konbyen sa bann *plot* i ekspekte kout sa bann aplikan? Mersi.

MR SPEAKER

Mersi. Minis.

MINISTER

BILLY

RANGASAMY

Mersi Mr Speaker. I annan 3 kestyon separe ki Onorab in fer resorti, mon a komans ek dernyen parti kestyon lo size konbyen in kout Gouvernman, e ki lentansyon nou stratezi pou vann sa bann kare later e ki son pri?

Mon a demann *PS Later ok*, nou a pe verifye larepons sa kestyon apre nou'n demann ki plan Gouvernman pou siport bann zabitan ki anvi re devlop, fer zot prop proze. Epi Nageon Estate en, *ok*.

So mon a les *PS Morgan tackle* sa kestyon *ex-Mellon* son kou eksetera epi mwan mon ava tous lo plan Gouvernman pou ed bann zabitan dan ou distrik ki ou'n fer resorti ki oule fer zot proze lakaz eksetera, e lo Nageon Estate mon a demann Mr Shah pou eklersi *latest* lo la kot nou arive.

MR SPEAKER

Tre byen. Bon, nou annan 3 pwen, *PS* premye.

PS MURIEL MORGAN

Mersi Mr Speaker. Mersi Onorab pou sa kestyon. An tou proze *ex-Mellon* in kout nou R18.3milyon, e lo kote kou par *plot* parey nou ti'n anonse komansman lannen.

Normalman nou pe regard pwen *breakeven* lo la, me nou osi konsyan ki nou bezwen annan en *gap*. Alors ki nou pe fer nou pe konsider en limero ant *breakeven* avek *current base rate* ki pe ganny servi ki lekip evalyasyon pe finalize par met kare.

Mon ti a kontan reasir bann aplikan selman ki zot pa pou war en *massive increase* an term kou en kare later imedyatman, akoz nou pe *still* pran en serten kantite *buffer* ki Gouvernman pe abzorbe. Mersi.

MR SPEAKER

Mersi. Minis prezan.

MINISTER

BILLY

RANGASAMY

Mersi Mr Speaker. Mon ava avek ou permisyon mon a demann *CEO* Lazans Lenfrastruktir pou ekler si en pti gin lo Nageon Estate *Redevelopment*.

MR SPEAKER

Wi, *CEO*.

CEO SIA JITESH SHAH

Mersi Mr Speaker. Mersi Onorab. Lo kote Nageon Estate *Redevelopment*, nou ti'n fer bann dernyen diskisyon koman *SIA, Housing* ek bann zabitan, nou ti'n fini ganny zot bann *requirements*.

E ou ti'n preski fini fer tou bann *design* pou bann dimoun ki pou tonm dan sa *redevelopment* e nou dan prosedir pandan sa prosen 2 semenn pou nou anvoy *Planning* e an menm tan ki *Planning* nou pe travay lo bann

BQs pour ki nou kapab *tender* sa proze sa lannen menm.

Nou annan en sonm larzan dan Bidze pou sa lannen, laplipar i lannen prosenn me selman i annan en son larzan dan Bidze sa lannen. E nou pe ekspekte nou pou *still* ganny en san komans li sa lannen, dapre nou program ki nou ti annan depans sa larzan ki nou annan en *carry on into next year*.

MR SPEAKER

Mersi. Minis *back to you*.

MINISTER BILLY RANGASAMY

Mersi mon 2 koleg ki reponn sa 2 kestyon byen kler. Mersi Mr Speaker. Gouvernman i reste angaze pou nou *tackle* sa problem lakaz dan pei Sesel, e pa zis dan distrik Pointe Larue, byensir ki distrik Ponte Larue i annan son bann *challenge* teren ki ou annan e nou annan bann en program vreman eksitan devan nou.

Mon oule fer sa byen kler dan sa Lasanble. Nou bann lezot kestyon pli tar kot mon a met lanfaz lo la. Be pli spesifikman parey ou'n fer resorti Onorab, si i annan zabitan ki annan zot later deza e zot annan dezir pou devlop zot later, nou annan bann atraver *HFC* nou a donn zot tou sipor

neseser pou zot kapab fer zot rev vin vre e pran zot *loan* e fer zot lakaz.

Kot nou, nou kapab nou annan bann prodwir *self-finance* dan rezyon, lo en laspe rezyonal ki nou pou met ater osi, kot nou a kapab ed bann ki kapab ankor enn fwa, fini zot prop proze. Me nou Gouvernman nou a toultan pe fasilite sa bann proze, fer bann travay teknik eksetera e met ater dispozisyon later pou nou kapab fer sa bann tel proze.

So zeneralman ou annan lespwar pou program lakaz, pou enn ki vreman balanse. E byento nou ava dan en pli bon pozisyon pou prezant ek sa Lasanble sirtou letan nou vin devan pou nou vin fer prezantasyon Bidze.

Gouvernman li menm pe fer tou son zefor. Prezidan menm letan i ti deor in fini ganny en langazman ek Gouvernman *UAE* pou siport nou avek 40 *unit* Barbarons par egzantp.

Glacis nou annan 12 *unit* ki nou pe al lanse ki Gouvernman *Qatar* in ed nou. E Gouvernman osi lo li menm pe met larzan pou nou kapab egzekite bann proze, pou kontiny ou program lakaz lo en fason ki vreman soutenab e efikas. Mersi Mr Speaker.

MR SPEAKER

Mersi Minis. Bon setou kestyon ki mon kapab pran la. Nou pou pran poz e nou a repas lo lot kestyon ler nou rebran 11er. Mersi.

(BREAK)

MR SPEAKER

Nou a rebran avek kestyon 149. Onorab Regina Esparon.

HON REGINA ESPARON

Mersi Mr Speaker. Eski Minis i kapab dir Lasanble ki plan son Minister pou rezourd sa problem twatir rouye ek koule kot *Malaysian Flat* dan distrik Glacis? Mersi.

MR SPEAKER

Mersi. Minis.

MINISTER BILLY RANGASAMY

Mersi Mr Speaker. Mr Speaker problem twatir koule lo sa bann flat i an rezilta sa bann tol ki ti'n rouye, e sa size i date en bon pe letan pase. Apre tou sa bann letan ale vini, nou'n met ater en plan enn fwa pour tou pou rezourd sa problem twatir koule.

Fodre pa nou bliye ki sa bann flat, sa bann apartman, sa bann lakaz, aköz i en bann

teras - i pa bann blok vertikal i plito lateral, i en lakaz akote kanmarad i annan 3 blok 6 lakaz, epi i annan en blok 8 lakaz. Tousala sa bann twatir i kontinyen atraver sa bann *unit*.

E laplipar sa bann aplikan, sa bann propriyeter i prive. I annan 24 propriyeter prive e 2 propriyeter ki pe lwe avek *PMC*. Alors ki nou'n fer, mwan menm ek mon lekip nou'n vizit sa *site*, pou nou apresye li dan tou son lanpler avek dan prezans Onorab ek son *DA*.

E nou'n donn lenstriksyon Departman Lenfrastriktir, pou prepar en plan travay teknik, avek dokiman nesaser pour ki nou kapab enn fwa pour tou lans en *tender*, pou nou ganny bann pri konpetitiv, pou rekouver sa bann lakaz. Ler nou a fer li dan sa lanpler, nou ava ganny en - mon'n repete mon dir boner plan pli konpetitiv aköz nou pou ganny li lo sa lanpler sa proze.

E nou a kapab kordin tou ban keksoz pou fer avek egzekisyon sa proze;- par egzantp bann zafer *scaffolding* kordinasyon travay. E *PMC* i a ed nou osi *manage* sa proze lo son laspe egzekisyon. Letan mon dir *PMC* parske nou pou bezwen annan en kordinasyon avek bann propriyeter e en

laranzman avek zot, avek *HFC* ki nou pou fer *once* nou ganny bann pri pou sa proze, pou nou tonm dakor ki zot, zot a kontribye dan son laspe finansyel.

So an vi ki zot lakaz i pou zot, i pou dan zot lavantaz pou zot rekouver zot lakaz, sanz *flasher board*, sanz dalo eksetera e *PMC* i ava la pou kordin sa proze an zeneral e Departman Lenfrastriktir i ava donn sipor teknik.

E nou pou fer demars pou sa bann zabitan ki bezwen led finansyel, pou zot kapab pran en *Home Improvement Loan* avek *HFC*. Sa i ava nou kontribisyon osi pou asiste zot, pou finans sa travay tre enportan. E parey mon'n fer resorti, i tre o lo mon lalis lo mon kote i en proze ki mon ti a voudre ganny egzekite o pli vit posibil. Nou konnen nou pe al antre dan letan lapli byento,

Alors nou a fer tou travay teknik, met nou pare, fer sa bann dyalog, en fason koman nou antre dan letan - apre ki nou'n pas sa sezon lapli, boner lannen prosenn nou a kapab egzekit sa proze. Sa i plan mon Minister Onorab. Atraver ou Mr Speaker. Mersi bokou.

MR SPEAKER

Mersi. Wi Onorab Esparon ou siplemanter.

HON REGINA ESPARON

Mersi Mr Speaker. Dabor mon ti a kontan remerisi Minis avek ou lekip ki nou'n pas en pe letan lo teren Glacis Sanmdi, pou nou kapab rezourd en pti problem, enn de problem ki ti annan ki ti pe *linger* ki nou'n kapab war solisyon. Mersi ankor.

Be Minis, eski ou kapab dir Lasanble, si avek bann nouvo konstriksyon, zot anvizaze reviz kalite materyo ki kouber lakaz pou asir son dirabilite lo en pli lonterm? E la mon pe mazin sa 2 poze ki nou'n koz lo la bomaten;- bann proze *ex-Ferrari* ki pi fer byento e proze 24/24, pour ki bann, pou kapab rezourd problem parey twatir e lezot problem lenfrastriktir, ki pou bann zabitan pa ava war zot pe bezwen al pey pou twatir pandan letan ki zot pa ankor deza fini pey zot lakaz. Mersi.

MR SPEAKER

Mersi Onorab. Minis.

MINISTER BILLY RANGASAMY

Mersi Mr Speaker. Zisteman Onorab se sa stratezi mon lekip, lekip Lazans Lenfrastriktir pe pran sa bann

proze tou sipor teknik e parey ou'n fer resorti nou pe fer nou bann lesplikasyon, nou bann materyo, sirtou nou bann twatir.

Parske la nou pe al bokou lo bann proze, bann blok flat, pou nou kapab maksimiz nou bann teren. Alors konstriksiyon twatir, seleksyon materyo pou twatir i annan bann spesifikasyon ki mon asire *CEO* Lenfrastriktir i kapab met lanfaz lo la osi, pou nou mentenir sa standar.

Akoz pou nou kapab annan en bann materyo ki dirab;- par egzanp parey bann tol ki nou apel sa bann *zincalume* ki annan en melanz materyo, en konbinasyon materyo ki pli dirab.

Sa i reste nou priyorite pou nou aprann sa bann leson dan lepase e pa fer sa bann menm *flat* dan lavenir. Par kont mon kapab fer resorti i annan materyo ki annan en serten - parey nou apel sa an Angle en serten *design life*. I annan en serten peryod letan ki ou kapab, ki ou pou bezwen kontinyelman fer renovasyon, fer lantretyen ou batiman.

Me par kont ou stratezi se fer bon seleksyon materyo, fer en bon sipervizyon travay, en fason ki nou kapab tir en pe sa

bann defayans ki nou rankontre.

E zisteman ankore en fwa parey, mon kontan ou'n tous lo sa pwen pou Glacis nou pe travay, nou'n konplet en travay ki ou'n kapab en fwa pour tou konplet en negosyasyon later, pou nou kapab ouver en lot kare later ki a donn nou probableman environ en swasantenn *unit* lakaz ki nou ti apel sa *ex SACOS*.

Departman Later in travay etrwatman e mon felisit zot pou sa travay ki pa'n fasil e se sa nou stratezi, se deblok sa bann lanpayaz e ouver bann santye pou nou kapab fer bann proze.

E vi ki ou'n fer sa pwen ki nou ti fer sa vizit Sanmdi, mon oule rasir tou bann a Lasanble tou lede kote latab, ki mon stratezi se travay pros avek zot e i annan ki mon'n deza komanse. Me malerezman mon lanmen ti en pe anpaye pou detrwa pou en rezon personnel.

Me mon anvi kontiny sa travay, Mahe, Praslin, La Digue ale al debourye, organiz problem lo santye e regle avek mon sipor mon lekip teknik. Mersi Mr Speaker.

MR SPEAKER

Mersi Minis. I annan pwen ki pa'n ganny reponn Onorab? Zis

si pwen pa'n ganny reponn silvouple.

HON REGINA ESPARON

Mersi Mr Speaker. I pa en kestyon petet en sizesyon pou dir ek Minis, petet nou bezwen organiz en *meeting* avek tou bann propriyeter dan *Malaysian Flat* pou nou transmet bann desizyon ki ou Minister pe pran vizavi rezourd sa bann problem twatir. Mersi.

MR SPEAKER

Mersi Onorab. Mon a remersye Minis pou note. Bon sa ti kestyon spesifik lo *Malaysian Flat* Glacis. ski mon annan okenn kestyon lo *Malaysian Flat* Glacis? Onorab Pillay, ale mon a permet ou.

HON SEBASTIEN PILLAY

Mersi Mr Speaker. Prenan kont ki sa *issue* i en *recurring issue* e i pa fer premye fwa ki nou pe demann kestyon lo la, e *given* ki nou'n vwar difikilte pou *SIA deal* avek lakantite proze ki zot annan, e *completion rates* bann proze, eski ou kapab, mon pe rod en lasirans avek ou Minis,

Eski ou pou kapab donn Lasanble en lasirans lo kan - e mon oule en lasirans lo kan egzaktaman ki sa sityasyon

Malaysian Flats pou ganny rezourd silvouple? Mersi.

MR SPEAKER

Mersi Minis. Lasirans?

MINISTER BILLY RANGASAMY

Mr Speaker, mon konsyan ki son laspe teknik i enportan, alors mon a demann *CEO* Lenfrastriktir pou donn nou son pwennvi lo la, epi si fodre azoute, mon ava azoute.

MR SPEAKER

CEO, silvouple. Wi.

CEO SIA JITESH SHAH

Mersi Mr Speaker. Mersi Onorab. Onorab lasirans ki mon pou kapab donner i lo sa laspe teknik li menm. Nou annan louvraz pou nou fer pou nou *capture* tou bann bout konstriksyon ki bezwen fer, bann bout teknik pou nou *obviously* tir sa *existing* twatir, remet enn nouvo;- bann lezot louvraz sanz *flasher board*, eksetera, eksetera.

Nou'n fini komans sa legzersis. I pa pou pran nou bokou letan. *Within the next 2 to 3 weeks* nou pou fini ek sa. Selman, sa i form zis en parti sa louvraz.

Parey Minis in mansyonnen, poudir laplipar sa

bann lakaz i bann lakaz prive. *When it comes to* - nou pa pou kapab *tender* sa proze ziska ler nou pa konnen, pou dir i annan en lagreman avek tou bann dimoun poudir zot pe al fer zot kontribisyon, tousala i annord. Nou, nou pa pou kapab bouze lo aktyelman egzekit sa louvraz ziska ler tou sa bann lezot keksoz i ganny fer.

I annan en serten keksoz ki kapab ganny fer pa nou kote lo Minister, epi i annan sa bout responsabilite sa bann zabitan *as well*, pou zot fer zot bout pou ki sa proze i kapab demare.

MR SPEAKER

Mersi. Prosen kestyon, 150. Onorab Wavel Woodcock.

HON WAVEL WOODCOCK

Mersi Mr Speaker. Bonzour Minis, ou delegasyon ek tou dimoun a lekout.

Mon kestyon i *comme swivan*;- Eski Minis i kapab dir avek Lasanble, ki demars ki son Minister pe fer pou idantifye tou later Gouvernman lo Praslin e konbyen kare later *land bank* ki *available* a ler aktyel dan tou lede distrik lo Praslin? Mersi.

MR SPEAKER

Mersi. Minis?

MINISTER **BILLY** **RANGASAMY**

Mersi Mr Speaker. Mr Speaker, parey mon'n deza fer resorti dan lepase, mon Minister in demar en proze konzwentman avek Biro Lanrezistremman Later e Departman *DICT* an 2021, pou enn fwa pour tou annan en rezis kler e kredib konsernan later Gouvernman. Mon annan plezir pou enform sa Lasanble ki nou'n byen progresse e byento Minister pou annan en rezis konplet, tou later Gouvernman ki'n ganny arpante e anrezistre lo Mahe, Praslin e La Digue.

Sa ti enn mon target priyoriter letan mon ti pran sa pozisyon Minis an 2020. Mon ti trakase, mon ti dekouraze pou. Ler mon demande, personn pa kapab dir mwan, be sa pou Gouvernman, sa pa pou Gouvernman. Ti annan bann ki ti konkret, ti kler, parey dan lavil, i ti en pti pe pli fasil pou analize.

Me selman nou napa en rezis e enn fwa pour tou, mon annan lespwar avan lannen i fini sa pou'n finalize. E sa lenformasyon i pou lo *GIS* osi - lo *web GIS*. Tou dimoun ava annan akse avek.

Alors Onorab, i pou pli - konmsi mon pou annan en lalis pli kredib ki mon kapab konfirm bann later

Gouvernman. E an plis, parey ou okouran, Departman Later i osi annan en legzersis pou anrezistre lanrezistremman later lo Praslin ek La Digue, ki nou apel sa *LRP, Land Registration Project* ki Minister ti anonse pou lanse sa lannen.

Nou sipoze komans travay lo teren a parti le 1 Novanm 2022. In pran en pti pe letan, mon'n en pti pe. Mon'n partaz mon lopinyon avek *PS* Later lo la, in pran en pti pe plis letan ki mwan mon ti a voudre i ti a pran. Me par kont mon'n konpran bann defi, akoz nou'n bezwen fer vini, *recruit* serten zofisyete teknik tel ki bann arpanter, par egzans ki nou napa dan pei. Nou'n bezwen *recruit* zot aletranze. So, pou nou kapab konplet sa travay dan en dele letan ki rezonnab.

So, letan nou program anrezistremman later lo Praslin ek La Digue, avek nou lalis ki nou annan, later Gouvernman, nou ava pli byen plase pou nou konn byen kler ki later ki Gouvernman i annan, pou nou kapab egzekite nou bann proze dan lavenir.

Manm piblik pou ganny en sans konpran plis lo sa program avek sansibilizasyon ki pou komanse ver milye Oktob sa lannen. Pour lemoman i napa kare later *land*

bank ki dan lanmen Minister pou alokasyon imedyata. Me avek bi pou ed bann aplikan Praslin, parey tou lezot aplikan, nou pe demande ki bann manm piblik i idantifye bann later Gouvernman si zot okouran - en fason ki antretan nou kapab kontinyen sey deblok enn de sa bann aplikasyon o pli vit posibil.

Minister i osi annan lentansyon, si Bidze i ganny aprouve par sa Lasanble byento, pou konmans en proze *Land Bank* Salazie ki pou donn nou anviron 8 kare later pou alokasyon.

Mon priye e mon konfidan ki tou Manm Lasanble pou aprouv nou Bidze later ek lakaz. E mon annan gran lespwar pou lavenir lo sa size later pou bann aplikan dan tou distrik sirtou Praslin, Mahe e La Digue.

E pou osi reasir Onorab, i annan bann lezot kalite prodwi, pa zis later. Parey bann *mid-range condos* pou kapab ed serten aplikan ki annan kapasite finans zot prop proze, ki nou pou lanse tre byento avek Bidze pou nou ouver lenfrastruktir, en fason ki nou kapab demar sa bann proze. Mersi Mr Speaker.

MR SPEAKER

Mersi. Ou siplemanter Onorab Wavel Woodcock.

HON WAVEL WOODCOCK

Minis si mon pe konpran ou byen, tan ki sa legzersis i konplete, zot pa pou'n idantifye bann kare later, sirtou lo Praslin, sirtou lo Grand Anse pou fer bann proze parey ou'n dir. *Condominium*, lakaz ou menm bann alokasyon bann *plots* lo proze *land bank*.

Mon lot kestyon i, i annan en legzersis ki'n komanse la ant ou Minister avek Lotorite Distrik ki *MNA* avek *DA*. E so *far* nou'n fer serten propozisyon avek ou, bann later ki nou'n idantifye, bann *massive parcel*.

Annefe la, ler mon pe, *on top of my head* i annan sa morso later ki mon'n deza annan en konversasyon avek *PS*, *parcel* 4903, ki mezir 78 mil 570met kare e i annan 2 lot *parcel* ankor, *parcel* 2365 e 2335 ki ti pou *COSPROH* avan ki par lao *Bliss*. I deza anna bann later ki nou'n idantifye e ki nou'n met a latansyon *PS* e osi *CEO SIA*.

E mon kestyon, eski i annan serten travay ki zot pe fer an regardan sa bann later? Eski i pou annan bann diskisyon avek lotorite distrik ek *DA* pou nou gete, *survey* sa bann later e gete petet ki nou kapab fer, ki bann proze *condominium*, lakaz ouswa *land bank* ki nou kapab

fer lo sa bann *parcel*, e lezot *parcel* ankor ki nou pou idantifye. Mersi.

MR SPEAKER

Mersi. Minis.

MINISTER**BILLY****RANGASAMY**

Mr Speaker, mon a reponn sa kestyon mwan menm. Si bann lezot koleg i annan pwen pou azoute, zot osi zot a ganny loportinite pou fer sa. E mon vremen kontan sa ki ou'n fer resorti vi ki ou'n travay pou idantifye serten kare pou ed nou dan sa travay e sa i en lapel pou tou bann koleg Onorab osi, tou lede kote latab, e bokou zot in fer sa menm legzersis. E sa i vremen enportan. Fodre pa ki nou zis esper sa legzersis anrezistremman, *LRP*, Oubyen sa travay ki nou pe fer avek biro lanrezistremman later pou nou kapab demar nou bann travay.

Sa i pou ed nou parey mon'n dir pou nou ganny en lalis kredi osi, en. Sa *ownership* par ler i annan konplikasyon, so nou bezwen ganny sa lalis kredib. Me si bann Onorab pe idantifye bann kare later, i kler ki nou Departman Later i bezwen pran sa o serye, e Departman Lenfrastriktir osi i pran sa o serye, pou nou analiz kapasite sa bann teren

teknikman. Ki kou pou koute pou nou fer devlopman lo sa bann teren.

Parske a lafen dizour nou pa oule anpaye lo sa proze parey ki ou'n fer sorti Onorab, ki'n kout Gouvernman R18milyon pou ouver zis 14 kare later. Nou bezwen egzekit bann proze ki soutenab parski nou pe depans larzan *tax payers* eskiz mwan. Alors an prenan kont koman nou vwar sa bann kare later, nou bezwen fer sa bann analiz teknik, pou nou vwar ki pli bon fason nou kapab devlop sa proze lo en stratezi ki soutenab e ki aplikab an relasyon avek *Planning Authority* ki son *land use requirement*, eksetera.

So, sanmenm sa mannyer mon vwar sa travay e otomatikman mon ti a demann tou Onorab letan zot fer sa bann idantifikasyon later, kit mwan an kopi pou mwan osi ganny apresyasyon, aprezan mon kapab travay pros avek mon bann departman pou nou akseler nou analiz sa bann teren.

Mon dir zot mersi pou zot travay ki zot pe fer. E zot ki konn zot santi, zot ki annan konesans lokal dan zot distrik, partaz sa lenformasyon avek nou, nou apresye bokou. Mersi Mr Speaker.

MR SPEAKER

Mersi Minis. Mon a pas lo kestyon swivan, nimerò 151, Onorab Michel Roucou.

HON MICHEL ROUCOU

Mersi Mr Speaker. Bonzour Minis. Bonzour tou mon bann koleg. En bonzour spesyal pou tou zabitan Mont Fleuri, espesyalman zabitan Rochon.

Minis mon kestyon i koumsa;- An vi ki i annan plis ki 4an ki zabitan Rochon in donn zot later pou lagrandisman semen Rochon, eski Minis i kapab dir sa Lasanble, kan ki sa bann zabitan pou kapab ganny zot konpansasyon ki ti ganny diskite e aksepte? Mersi.

MR SPEAKER

Mersi Onorab. Minis?

MINISTER BILLY RANGASAMY

Mersi Mr Speaker. Mr Speaker, i annan en pti lazistaz teknik ki mon'n bezwen fer lo nou kote avek ou permisyon pou met PS Barbe akote mwan, parske in travay dan Minister en pake letan, so i annan en bon pe konesans istorik, i a kapab asiste nou pou eklersi en pe bann kestyon bann Onorab. Avek ou permisyon Mr Speaker.

MR SPEAKER

En moman silvouple, Madanm Clerk ti a kontan swiv regilasyon e fer en pti pe *sanitizing*. Mon bezwen respekte son lotorite pou gard Lasanble annord e prop.

(technical break)

MR SPEAKER

Byenveni PS Barbe. Ou annan laparol.

MINISTER BILLY RANGASAMY

Mersi Mr Speaker. Onorab en gran mersi pou alert mwan lo sa pwen. Annefe letan ou'n demann sa kestyon in fer mwan al fouray en pe. Fransman verite mon pa ti okouran sa problem lo semen Rochon.

E mon apresye ki ou'n met mwan okouran e mon demann tou bann Onorab pou fer parey, si zot okouran bann tel kalite lanpayaz ki zot okouran dan zot distrik, ki dimoun in ganny bann let kot pou ganny konpansasyon, pa'n arive.

Mon krwar Onorab Lemiel i annan en kestyon lo sa size. Mon oule konnen, akoz sa bann zafer i date depi sepa konbyen letan pase, e i enportan ki nou kapab regle sa o pli vit posibil.

E ki mon oule fer mon pwen lo la, se i *comme* swivan;- Gouvernman i annan en responsabilite pou ede fasilite sa bann tel proze semen pou deservi bann kominote. Nou konnen teren Sesel i konplike, i nana bann propriyeter prive, i annan bann later ki annan bann later zeritye, eksetera. I annan bann semen ki etrwat, lakaz in agrandi eksetera.

So, i pa mal konplike, be nou pe sey en mannyer debous bann semen e kontiny sa legzersis pou nou kapab ouver kominote, e met zot akse pou nou kapab ganny en semen, rezon sekirite, rezon en dife, rezon lirezans. Tousala i annan laspe.

So, Gouvernman i reste responsab e i pran sa zafer vremen serye.

E nou remersye - mon oule fer sa pwen, akoz mon pou vin lo sa pwen, pou kapab konpran akoz. Nou remersye bann propriyeter ki korpore avek Gouvernman e donn zot konsantman pou deservi kominote. Me par kont i annan sa bann propriyeter ki benefisye zot menm, me nou osi konnen ki i parfwa i benefisye la kominote. So, zot korpore, zot donn zot konsantman.

Gouvernman i bezwen osi onor son bann langazman kot i

konsern konpansasyon. E mon konpran ki parfwa in annan bann ka ki date plizyer lannen. Petet 15an an montan. Pli spesifikman pou adres kestyon Onorab Roucou, mon pe demann propriyeter prive ki'n ganny afekte dan lepase, i vin devan e apros Minister atraver zot biro distrik oubyen zot *MNA*, pou *alert* nou lo sa bann problemn.

Parske ki nou vwar, ki nou vwar se dan zot agreman *wayleave* i annan bann ka ki napa neserman konpansasyon, me i annan bann ka ki annan konpansasyon pou finansyerman, konpansasyon dan laform *exchange*, konpansasyon dan pou fer en miray par egzanp. E tousala nou bezwen ganny sa lenformasyon pou nou kapab sa.

So, alors mon pou demann bann Onorab, sirtou dan ou ka pou ou spesifikman Onorab, plis mon ganny tou sa bann ka, mwan osi mon pe fer en travay a lintern pou mwan verifye sa. En fason ki nou kapab travay avek bann departman konsernen tel ki Gouvernman Lokal, tel ki *SLTA*. Petet pa zis lo ou ka, me i depan lekel ki'n fer sa bann semen dan lepase, pou nou al

dan bann dosye e ganny sa bann lenformasyon. E en fwa pour tou sel regle sa problemn konpansasyon. Me sa ki malere se ki napa en rezis formel, en dosye formel lo sa proze ki'n ganny met a mon latansyon, ler mon'n pran lofis.

Alors la nou pe fer en pes travay an aryer e ki pe fer, i vedir ki Departman Later i bezwen travay etrwatman avek *SLTA* oubyen Gouvernman Lokal. Departman Lenfrastriktir, Lazans Lenfrastriktir osi i bezwen ede teknikman pou nou fouray dan sa bann dosye, e gete ki mannyer sa i relye avek bann dosye endividi dan Departman Later.

So, nou annan en travay serye ki nou pe al pran Onorab e mon konnen sa afekte zis ou distrik, lezot distrik e nou determinen pou nou met sa zafer annord e oner nou lagreman dan lepase. Mersi bokou.

MR SPEAKER

Mersi. Siplemanter Onorab Roucou?

HON MICHEL ROUCOU

Minis mersi pou ou larepons vremen kler. Minis mon zis anvi met dan ou latansyon poudir semen Rochon i baliz

ant 2 distrik. Sa i distrik Plaisance. E zis mon anvi fer ou pran an kont ki definitivman i pou en louvraz ki nou pou bezwen fer li konzwentman nou 2 Onorab Labrosse pou fer sir ki tou bann zabitan ozordi, petet bann ki pa'n tann ou mesaz, pou zot osi kapab vin devan pou fer konnen. Mersi.

MR SPEAKER

Mersi. Byen, mon sipoze Minis in note sa komanter. Mon annan 4 minit lo sa kestyon, mon a pran kestyon Onorab Henrie.

Nou a gard kestyon lo kestyon orizinal silvouple.

HON GERVAIS HENRIE

Mr Speaker, par swivan deklarasyon Minis, mon anvi demande *how far back* ki Gouvernman i ava pare pou *entertain* sa bann *case*? Parski ti annan en letan ti annan bann dimoun, en zenerasyon ki ti bon ker. Zot ti konpran nesesite kominote, zot ti donn verbalman. Bann dimoun in mor, zot zanfan pa sa. Se zot pti zanfan ki la, vwar la ou annan en zenerasyon prezan ki li i pans diferaman, ki pou vin lev size konpansasyon, san konnen ki gran paran ti donn verbalman ek labous. Sa i enn.

E dezyenmman, eski Lotorite i ava pare pou etabli en prosedir kler, ki swa ou Minister, ki swa *Local Government* ki antretenir bann travay dan kominote, ki tou dimoun ava konnen ki bann prosedir nou swiv, ki anpese ki Gouvernman i ganny anpaye dan bann kestyon konpansasyon? Mersi.

MR SPEAKER

Mersi. Minis.

MINISTER

BILLY

RANGASAMY

Mersi Mr Speaker. En tre bon kestyon Onorab. E zisteman avek ou permisyon Mr Speaker, sa travay, pou reponn dezyenm parti ou kestyon Onorab, in deza demare e mon a les *PS Morgan*, avek ou permisyon Mr Speaker, pou li eksplik nou en pti pe kot nou'n arive dan sa stratezi , pou nou sey regle sa problem pou lavenir.

MR SPEAKER

Mersi. *PS*, wi.

PS MURIEL MORGAN

Mersi Mr Speaker. Mersi onorab. Zis vitman, nou'n fini zwenn avek Minister Gouvernman Lokal, kot nou'n fini met en stratezi an plas, kot okenn konpansasyon ki pou

monneter *or in kind*, Minister Gouvernman Lokal i fer nou konn zot Bidze e se Gouvernman Later ki fer negosyasyon neserer, pou ki nou kapab annan en rezis santralize pou tou keksoz.

E ou premye kestyon, zis bann komitman an ekri ki Biro Later pou onore. Si i pa an ekri, verbal, nou napa levidans, nou pa kapab onore *unfortunately*. Mersi.

MR SPEAKER

Mersi. Onorab Adelaide? *Ok*, nou a pas lo kestyon swivan.

Eskiz mwan, ti Onorab Labrosse ki ti oule kestyon. Byen, mon annan 2 minit. Wi. I *ok*, byen.

Nou a pas lo kestyon swivan, Onorab Conrad Gabriel. Nimero 152.

HON CONRAD GABRIEL

Mersi Mr Speaker. Swivan deklarasyon ki sit sa later kot *Agro Industry* ti ete in ganny donner avek *IDC*, eski Minis i kapab dir nou Lasanble, ki plan Gouvernman pou sa landrwa kot ansyen batiman *IDC* i sitye vizavi kot *Kannus Supermarket*? Mersi.

MR SPEAKER

Mersi Onorab. Minis.

MINISTER

BILLY

RANGASAMY

Mersi Mr Speaker. Mon krwar i en bon kestyon. Mon krwar i enportan ki distrik i konnen, pei i konnen ki pe arive ek sa later e tou keksoz fodre ki nou transparan, nou fer sir i byen kler. Tou bann kare later a kote Erport, parey nou apel sa *airside* i ganny zere par *SCAA*. Lotorite pou *Civil aviation*; - Lavyasyon Sivil Sesel.

So, sa later koman - *as soon as* ki later i ganny dir, *IDC* i sorti lo sa later, otomatikman *SCAA* ki pou pran zerans sa later. E ansanm avek Gouvernman, nou a kapab konzwentman pran bann desizyon apropiye, pou pli bon fason pou itiliz sa landrwa. Me priyorite - priyorite i reste pou *SCAA* dapre zot bann aktivite lavyasyon.

Mwan koman Minis Lakaz, mon ti a kontan al fer en pe lakaz laba. Me mon bezwen balans keksoz. Keksoz nou bezwen balanse mannyer nou planifye later, teren dan pei. Alors i kler.

Par egzantp nou'n vwar *Mirabelle Estate* in ganny fer akote Erport, nou vwar son bann konplikasyon ki i kree. So, nou bezwen balanse e planifye byen ki mannyer nou itiliz sa later dan lavenir.

E desizyon ki ganny pran i pou pran konzwentman e si nou bezwen konsiltasyon avek Biro Distrik, eksetera nou a fer li. Mersi Onorab. Mersi Mr Speaker.

MR SPEAKER

Wi Onorab, ou siplemanter.

HON CONRAD GABRIEL

Mersi Minis. Mon apresye ou swe, petet ti ava kontan fer en pe lakaz la. Selman petet SCAA ki pou deside. Zis mon ti a kontan demande, kwa ki pou dan benefis zabitan Point Larue? Sa i enn. Apre Minis, ler nou ti fer letour nou ti pou rezourd sa sityasyon *flooding*, linondasyon.

Ti sipoze annan en *canal* la kot *Agro*, kot *IDC* pe konstri la, nou'n vwar konstriksyon i *full-fledged*, in komanse. Ki demars pou retir sa delo pandan letan lapli ki pe vini la? Nou ti'n agree lo la. Ki pozisyon zot ete vizavi sa *survey*? Mersi.

MR SPEAKER

Mersi. Minis.

MINISTER BILLY RANGASAMY

Mersi Mr Speaker. Mr Speaker, sa i en travay teknik ki *SIA* pe antreprann. Avek ou permisyon mon a demann li

pou ed nou reponn sa kestyon. Mersi bokou.

MR SPEAKER

Mersi, *CEO*.

CEO SIA JITESH SHAH

Mersi Mr Speaker. Mersi Onorab. Onorab aktyelman nou'n fini an konversasyon avek *IDC*. *Obviously* zot pe devlop zot bann plan detaye pou sa landrwa. Pour lemoman zot in komans avek zot *boundary wall*, selman zot pe soumet zot bann lezot detay pou larestan devlopman.

E nou an diskisyon avek zot lo ki mannyer nou kapab entegre nou proze drenaz avek zot devlopman, pou fer sir poudir nou pe rezourd sa problem dapre sa vizit ki nou'n fer e lezot letid ki nou pe fer an menm tan. Mersi.

MR SPEAKER

Mersi. Bon, nou a kapab al lo en siplemanter, Onorab Pillay?

HON SEBASTIEN PILLAY

Mersi Mr Speaker. Mon ti a kontan met devan ou Minis. Dan sironstans par egzantp kot en distrik parey Point Larue ki sa ti en teren ki dan sa distrik, ki ti a kapab ganny servi, i bezwen al ver - oubyen ganny konpromet pou en lot

devlopman nasyonal. Dan sa konteks Erport e mon prezimen Gran Anse Praslin i parey.

Eski ou Minister pe mazin annan en lapros parey ou ti pou annan avek en endividi pou sa distrik, kot sa distrik prezan, Minister i angaz li pou deblok en lot landrwa. Konmsi ou pran li *on the basis of* sa prensip en *exchange* ki pe ganny fer avek zabitan sa distrik?

Akoz *from* en perspektiv ozordi kot nou'n arive, son perspektiv drwa bann dimoun dan sa distrik, sa later i dan zot distrik, i ti kapab Grand Anse Praslin, i kapab Glacis, i kapab Beau Vallon, i pe ganny konpromet pou en proze nasyonal. Eski zot pe konsider annan en langazman ki ler sa bout later i ganny konpromet, zot fer tou posib pou devlop en lot teren ki kapab ganny servi pou en lenfrastriktir sosyal ki benefisye tou zabitan? Mersi Mr Speaker.

MR SPEAKER

Mersi Onorab. Minis.

MINISTER **BILLY**
RANGASAMY

Mr Speaker, mon *PS* pou Later in fer en pe refleksyon lo sa size dan leparse, alors mon ti a donn li sa loportinite pou eksplik nou, e si mon bezwen azoute

mon osi mon ava fer li en? Mersi bokou.

MR SPEAKER

Tre byen, *PS* ou a komanse.

PS MURIEL MORGAN

Mersi Mr Speaker. Mersi Onorab. Lo kote alokasyon later, si i annan pou fer avek lakaz. Tou alokasyon later i nasyonal. So, nenport zabitan nenport ki distrik i kapab benefisye dan nenport ki lezot distrik, ki *somewhere* i ede lo sa *compromise*, si nou ti pou donn sa koman bann kare later pou konstriksyon.

Lo kote kare later pou lwazir, nou travay vreman etrwatman ansanm avek Lotorite Plan. Parey nou konnen i annan sa proze *land use plan* par distrik ki dousman, dousman i pe *come to fruition*. E sa pe ed nou pou nou idantifye bann diferan later ki nou kapab *compromise* pou bann later ki Gouvernman i pran pou en lilitite.

E nou pe osi regard posibilite si i annan serten distrik i kapab *cohabitate* lo bann later ki annan pou fer avek lwazir, sirtou, an vi ki nou napa bokou later ki *available* pou Gouvernman *upfront*, pou nou kapab donner pou en devlopman imedya. Mersi.

MR SPEAKER

Mersi. Minis ou annan okenn pou azoute?

MINISTER BILLY RANGASAMY

Yes. Onorab mon panse ou kekyon ti en pti pe spesifik pou sa teren Point Larue?

MR SPEAKER

Yes Onorab?

HON SEBASTIEN PILLAY

Non, mon konpran sa ki *PS* pe dir e mon konpran sa Polisi. Me selman sa Polisi in la lontan li. Sa ki mon pe koz ek ou lo la se ou *think outside the box*. An se konsern Pointe Larue ozordi, Pointe Larue i annan en gran demann pou laz. E nou konnen Minis i annan pa mal difikilte avek bann proze anler dan Nageon Estate, bann reparasyon ki bezwen ganny fer. E sa bann reparasyon i bezwen ganny fer, akoz sa bann dimoun i bezwen sa bann reparasyon.

Sa ki mon pe dir ou, se ki par egzantp dan sa distrik spesifik, ou bezwen konpromet en bout later pou en keksoz nasyonal, dan sa konteks Pointe Larue la, *then* Minister i donn en lobligasyon sa distrik pou li devlop en lot bout later

pou en proze plito sosyal parey lakaz, parey Onorab pe demande dan sa distrik.

Konmsi ou fer sa travay. Mon konpran sa ki *PS* in reponn mwan. Sa ki *PS* in reponn mwan se kote nasyonal. Mon pe koz ou konmsi nou sanz nou *thinking* ki i vin parey, si ou pe pran mon later koman en endividi, ou donn mwan en konpansasyon.

Sa distrik dan sa konteks e son zabitan i ganny trete koman en endividi. Mersi Mr Speaker.

MR SPEAKER

Minis *yeah*, ou a met en pwen final lo la?

MINISTER BILLY RANGASAMY

Wi-wi. Mersi Mr Speaker. En bon pwen Onorab, mon apresye ou – *again* toultan nou bezwen ansanm *think outside the box*. Ou annan en bon pwen. Sa proze i dan distrik Point Larue, i pou annan en konteks nasyonal, tou dimoun dan pei Sesel pou benefisyé. So, si nou vwar dan lezot distrik i annan posibilite pou asiste, nou ava fer li.

Me selman i en bon pwen, nou ava toultan mazin sa. Par egzantp fer konmsi ou get bann distrik kot i limite, dan Bel Air

eksetera, kekfwa i annan bann proze nasyonal ki ganny mete laba, me selman zot napa later deza, nou bezwen balans sa byen.

Mon krwar i en bon pwen Onorab. Mon apresye ou kontribisyon lo sa size. Mersi bokou en.

MR SPEAKER

Mersi Minis. Nou a pas lo kestyon swivan. Nimero 153, Onorab Egbert Aglae.

HON EGBERT AGLAE

MERSI Mr Speaker. Bonzour Minis ek ou *panel*. Eski Minis i kapab dir ek sa Lasanble, swivan bann demars pou plis landrwa lwazir, tel parey kot bann zenn i kapab rasanble apre ler *weekend*, ki zistans ou Minister in arive, ki bann landrwa ki zot pe mazin konsidere a lavenir? Mersi.

MR SPEAKER

Mersi. Minis?

MINISTER **BILLY RANGASAMY**

Mersi Mr Speaker. Mor Speaker, mon Minister pe touzour travay ek tou lezot Lotorite, pou nou ouver bann landrwa lwazir kot nou kapab, pou tou dimoun, i kapab zwenn

e detann. Sa i reste priyorite mon Minister.

Nou rekonnet ki i tre enportan pou nou bann zenn kapab zwenn dan en lanvironnman apropiye, pou zot kapab sosyalize. Sirtou la aprezan ki bokou dimoun pe reste dan bann flat par egzantp, en? I enportan kapab ganny sa lespas pou zot detann.

Me selman nou bezwen balanse par kont ki i annan bann lezot demann later dan pei, pou bann lezot aktivite, parey edikasyonnel, rezidansyel, komersyal, lagrikiltir, endistriyel, touristik, lasante. Tousala i annan demann. Kot Minister aprezan nou ganny tou sa bann demann e nou bezwen balans keksoz.

Me zisteman atraver legzersis ki Lotorite Plan pe fer pou bann plan lilizasyon later pou sak distrik, bann landrwa lwazir pou ganny idantifye formelman. E nou pou bezwen annan sa disiplin pou nou mentenir sa bann landrwa. E byento nou pou - par egzantp nou pe al deza demen menm, nou pe al prezant plan lilizasyon later - *land use plan* pou Anse Royale avek *Cabinet* e ladan pou annan bann konponan lwazir par egzantp. E mon Minister i annan plan pou

kontiny sa pou lezot distrik dan lavenir.

Sa legzersis pe ganny fer an konsiltasyon avek bann distrik e Lazans, Departman konsernen. Antretan nou plan se pou kontinyen travay pres avek Lotorite Distrik ki annan konnesans lanvironnman kot zot distrik, pou asiste nou e idantifye sa bann landrwa kot zot krwar i kapab ganny servi pou rezon lwazir .

So, sa i legzersis ki kontinyen. Me par kont nou *land use plan* i a formaliz li *as well* osi. Mersi bokou Mr Speaker.

MR SPEAKER

Wi Onorab. Mersi Minis. Wi, Onorab ou siplemanter?

HON EGBERT AGLAE

Mersi Minis pou ou larepons. Minis mon okouran poudir ladministrasyon oparavan, ti'n deza komans en legzersis kot i konsern sa *land use plan* e se ladan menm ki konsiltasyon ti pe ganny fer pou vwar bann landrwa dan sak rezyon. Pa tou distrik ki ou pou gannyen en landrwa lwazir, me selman lo en baz rezyon pou vwar kote zot kapab *earmark* en landrwa, an vi k i ti annan bokou konplent ki bokou aktivite ki ti pe ganny fer ki *disturb* en pe lakominote.

E se sa desizyon ki ti ganny pran.

So, baze lo sa Minis, vi ki ou'n nonm Anse Royale, akoz Port Glaud osi ti annan son landrwa ki ti'n ganny *earmark* osi e negosyasyon ti ankor an plas. Petet mon ti a kontan konsidere ki sa konversasyon i kontinyen, pou nou kapab *at least* ganny en konklizyon lo landrwa egzakt.

E pou bann distrik osi ki ti pe ganny propoze a sa moman letan, parey i annan Baie Lazare, dan Anse Boileau, Au Cap. Bann landrwa koumsa.

Pou nou kapab *at least* trouv landrwa ideal san ki i annan okenn gran lenterferans ki *disturb* dimoun letan i annan bann aktivite lwazir. Mersi.

MR SPEAKER

Mersi. Minis ou le fer en remark oubyen nou a *move on*?

MINISTER

BILLY

RANGASAMY

Onorab mon krwar nou kapab *move on*. Selman mon kapab siz enform Onorab, ki anba sa legzersis pou nou revwar tou sa bann *land use plan* parey nou pe dir e sa i reste en priyorite.

E nou pe travay konzwentman avek bann distrik konsernen, pou nou

kapab konkretiz sa bann nide ki ti'n deza demare e formaliz li.

I vre nou pa pou kapab fer li lo rezon distrik i pou bezwen en keksoz ki baze lo en laspe rezyonal. Mersi Mr Speaker.

MR SPEAKER

Mersi, Onorab. Wi nou annan petet enn de siplemanter. Onorab Roucou?

HON MICHEL ROUCOU

Mersi Mr Speaker. Minis si ou kapab dir nou, ti annan sa landrwa ki ti'n idantifye en pe letan pase, ki ti fermen avek COVID - Ste Anne Jetty, ki'n arive laba akoz i ti'n fermen bann letan COVID.

Aprè osi ler bann landrwa pou ganny idantifye pou bann zenn kapab ale pou defoule, eski pou annan en Lalwa. Pe en Lalwa, konmsi en *sort of* en lord ki pou ganny mete ki pou fer sir napa bann dimoun ki pou vin fer nwizans laba. Petet pou zot vin asize, detann. Mersi.

MR SPEAKER

Mersi. Minis?

MINISTER BILLY RANGASAMY

Mersi Mr Speaker. Pou sa kestryon spesifik lo Ste Anne Jetty, mon pou demann PS Morgan pou klarifye kot nou ete

lo la, apre mon ava partaz en pti pe mon pwennvi lo sa labaz, ki mannyer nou fer sir sa landrwa i ganny fer, ki en pe lord, disiplin, en pe kontrol. Mersi bokou.

MR SPEAKER

Mersi. Wi PS?

PS MURIEL MORGAN

Mersi Mr Speaker. Mersi Onorab. Lo kote Ste Anne Jetty, i pa pou reste koman en landrwa rankont avek lwazir, baze lo son lokasyon e laspe sekirite osi. E parey ou'n dir ou menm, *behaviour* bann dimoun ler zot vin dan sa bann landrwa.

Annefe Gouvernman li menm i annan lentansyon ki sa landrwa i ganny re devlope. Nou ankor dan staz negosyasyon, me zis pou asire ki redevlopman pou benefisyè bokou plis ki en sel dimoun. Annefe nou pe regard li plito koman en *touch base point* pou bann diferan zil. Kot bann dimoun i bezwen sorti pou vin pran bato eksetera. Me plito lo kote lotel.

So, i ankor an negasyon pou fer analizasyon, me i pou *multiple places at one go*, pa zis en sel *beneficiary*. Mersi.

MR SPEAKER

Mersi. Minis ou a terminen.

MINISTER **BILLY**
RANGASAMY

Wi. Pou mwan osi mon ti en zenn a en moman donnen e mon konpran lenportans pou nou detann. E parey mon ti refer re sorti dan mon repons sa kestyon, i en size vreman enportan e ek mon lekip nou pe fer lakaz, nou pe fer *flat*. Dimoun pa ganny labataz pou zot detann, alors i enportan pou nou pa bliy sa laspe, ler nou devlop nou bann teren.

Par kont nou bezwen selekte nou teren byen, avek en bon lentelizans, avek en bon planifikasyon. E sa konportman dan sa bann landrwa i enportan. En pe parey Onorab Aglae in fer resorti boner. Sa konportman kot i annan dezord, tapaz ki *disturb* vwazinaz, fodre nou planifye sa byen. I annan en bon kontrol lo sa size.

E pou sir, Lapolis pou annan son rol. Bann endividi menm zot annan zot rol, e la mon lans sa lapel ek bann zenn ki al dan sa bann landrwa pou zot detann, nou vwar bokou bann aktivite ki pe arive, ki kot kontrol pe perdi, dimoun pe mars ek kouto, zot dir zot pe al detann me selman zot pe al tir zot lakoler e zot fristrasyon e i *end-up* ek lager.

Sa mon pa krwar i en kalite konportman ki nou ti a voudre vwar nou zenn i antre ladan dan lavenir. Alors sa konportman i vin ek ou koman en endividi letan ou pe al *relax*, ou pe al detann. Me avek en pe kontrol lo ou menm, en *self-control*. E prezans Lapolis osi pou bezwen entansifye lo la e annan serten paramet *behaviour* dan sa bann landrwa. Mersi bokou Mr Speaker.

MR SPEAKER

Wi, Onorab Larue ou kestyon.

HON FLORY LARUE

Bonzour Mr Speaker. Mersi Mr Speaker. Bonzour Minis. Minis mon ti a kontan demann ou lo lefe ki ou'n tous en pe lo *land use plan*, ki mannyer Gouvernman i oule bouz devan, letan nou vwar ki later i ganny donnen avek en lot Minister. Souvan dan sa ka Anse Royale, later ki ti ganny demarke pou lwazir, me apre Gouvernman i vwar li i difisil pou re negosye devlopman lo sa bann later, menm si i annan alternativ bann lezot Minister zot tenir, zot pa konsidere.

Ki mannyer nou pou bouz devan, ki fer ki later i limite, pou nou *plan* byen ki mannyer

nou servi later letan nou'n donn en Minister? Mersi.

MR SPEAKER

Mersi Minis. Mersi Mr Speaker. Onorab en bon kestyon sa en. E mon pa pou dir i en konponan vorasite, me selman letan zot in ganny sa bout later vre bann Minister pa fasil pou zot *let go*. Me selman nou bann *land use plan*, nou bezwen get devlopman pei dan son totalite. E se sa ki mon vwar en bon reaksyon dan mon leksperyans dan Konsey Minis, ki mon vwar bann Minis ou kapab omwen ganny en dyalog ek zot.

Parey sirtou lo mon kote i annan plen bann proze kot i konsern Minis Lagrikiltir par egzantp, Lanvironnman, menm avek Lasante, kot nou'n kapab fer serten dyalog. Ledikasyon par egzantp, kot nou'n kapab fer serten dyalog e diskit ek zot pou nou re balans litalizasyon sa bann later dan benefis pei.

E wi, kekfw a i ti'n *allocate* ek zot, me zot pa pe fer naryen, napa naryen dan zot Bidze, zot napa en plan deswit. Alors nou re analiz sa, ki mannyer nou kapab met sa bann kare later a dispozisyon bann lezot Minister ki annan plan konkret, ki pou benefis lakominote, Me selman anliny avek *land use plan*.

Mon a donn ou e legzanp;- Si ou pran en kare later Perseverance, pa tro lwen avek *TRNUC*, I vid, i ti'n ganny idantifye pou en lekol primer. E letan nou analiz demann pou lekol dan Perseverance, nou vwar poudir i annan ase fasilite edikasyonnel dan sa landrwa. I annan plan pou fer lezot proze Ile Aurore osi parey. Alors nou'n fer en dyalog avek Minis Ledikasyon e dan sa landrwa i nesosite, i enportan pou nou tir Kordgard dan en lakaz Perseverance pou nou met li dan Stasyon Lapolis Rezyonal.

So, sa kare later nou'n re analiz sa avek Departman Later pou nou met sa Kordgard lo sa teren, posibleman en stasyon *Fire station* tou, en stasyon *Fire Brigade* parey nou dir, en fason la ki nou annan en kantite lakaz.

Nou annan en kantite - lanmenm la kot nou ete, nou pros obor, nou annan Lakour lot kote, nou annan plen bann batiman. En fason nou ava annan en stasyon tenny dife ki pa tro lwen ek nou ki kouver sa rezyon.

So, nou pe met sa bann - an dyalogan avek sa bann diferan Minis, diferan Departman pou nou met sa bann kare later dan son bon litalizasyon, sirtou kot i deza

annan fasilite, malgre ti'n ganny idantifye pou en lot kalite proze dan lepace.

So, sa dyalog i kontinyen. E parey mon dir ou, mon santi nou kapab asize ouvertman fer sa dyalog ek sa lot Minister e pa travay an *silos*, me nou travay ansanm pou benefis pei. Koman sa Minis Later, mon zwe en rol tre santral pou fer bann medyasyon, pou nou vwar ki manner nou kapab fer sa ki byen pou sa pei. Mersi bokou Mr Speaker.

MR SPEAKER

Mersi, nou ava avans lo prosen kestyon, nimerò 104, Onorab Sylvanne Lemiel.

HON SYLVANNE LEMIEL

Mersi Mr Speaker. Minis mon kestyon i al *comme* swivan;- Eski Minis i kapab dir sa Lasanble ki zistans son Minister in arive, an sa ki konsern peyman konpansasyon pou bann dimoun dan diferan distrik, ki'n donn permisyon swa Gouvernman Lokal, oubyen *SLTA*, pou fer diferan proze tel ki semen lo zot later? Mersi.

MR SPEAKER

Mersi. Minis?

MINISTER **BILLY** **RANGASAMY**

Mersi Mr Speaker. Kestyon Onorab i vremen pros avek sa kestyon ki Onorab Roucou ti demande e i tous menm size. Sa size konpansasyon. Sa size kot dimoun in donn zot permisyon dan lepace.

Ou konnen i annan bann ka, mon reste soke. I annan bann ka ki date 15, 18an pase *still* pa ankor regle, e mon vremen dekouraze pou mwan vwar sa par later. E tanzantan sa bann let i vin a mon dispozisyon e mon vir an ron, mon dir be ki *deal*, ki manner sa in kapab arive?

E mon promet Onorab - parey mon ti fer ek Onorab Roucou, ki nou pe travay for pou al travay dan sa bann ka e tou bann Onorab, mon demann zot ankor enn fwa, fer mwan konnen si zot annan sa bann pou mwan kapab regroup sa bann ka kot i vremen, nou pa'n. sa bann endividi zot in fer zot bon zes, zot in donn lotorite Gouvernman pou fer semen. *SLTA*, *Local Government* me malerezman lot kote nou pa'n oner nou bout koman Gouvernman.

E sa i neser pou nou regle, e mon pe demande ki bann dimoun ki'n ganny sa bann sityasyon, zot vin devan

ek zot let e nou a kapab analize ki ti kondisyon zot bann *wayleave*. Si ti annan en konpansasyon ki zot ti'n ganny promet. Si ti annan en konstriksyon, par egzanp en miray ki zot ti'n ganny promet oubyen si zot ti pe donn li pou zot benefis osi.

So, mon bezwen analiz sa bann ka, ka par ka Onorab, parske i kler ki i annan bann konplikasyon e Gouvernman Lokal, SLTA, Departman Later e sa kordinasyon pa ti egziste. Alors fransman e verite, mon vremen sagren ki sa in in arive e mon dir mersi sa bann dimoun ki annan sa pasyans.

E tou zefor pou bezwen ganny fer avek led tou bann Onorab pou partaz lenflasyon ek nou, en fason ki nou kapab adres sa problem seryezman. Mersi Mr Speaker.

MR SPEAKER

Wi Onorab Lemiel, siplemanter.

HON SYLVANNE LEMIEL

Mersi Mr Speaker. Minis mon kekyon in vin spesifikman lo en ka ki deza ou Minister pe *deal* avek. Permet mwan eksplike Mr Speaker.

Mon annan serten fanmir ki dan Pointe Au Sel leo, kot nou'n konstri semen Cap Bonm Zan, ki desann pou al tonm dan

Au Cap. I annan bann fanmir Doudee, i annan ban lezot fanmir laba anler ki ti *claim* konpansasyon. I annan serten fanmir in fini gannyen, me en fanmir spesifik li i pa'n gannyen. Gouvernman in sanze e i fer. Akoz li sa fanmir Doudee, son *case* - eskize mon pe bezwen nonm non. *Just to be specific*. Akoz son *case* li i ti bezwen al *Judiciary, whatever* in fini rode.

Me ler in ariv ler Gouvernman in sanze, in ganny dir ki dan en let, zot pe travay lo en nouvo Polisi pou konpansasyon later akoz i annan dimoun St Louis tou ki pe demande, zot later i annan sepa konbyen lannen semen in fer lo la. Alors zot bezwen met sa zafer konpansasyon dan en Polisi, apre sa madanm i a ganny en larepons.

It's been over 2 years. Sa madanm pa ankor gannyen larepons. Sa fanmir pa ankor gannyen larepons spesifik. Se sa ki mon'n vin ek sa kekyon spesifik, pou mwan konnen enn;- ki zistans zot in arive petet ek sa Polisi pou donn konpansasyon, akoz zot ti'n dir zot, ler sa Polisi i vin an plas ki zot pou asiste sa bann dimoun.

So, ki zistans in arive avek sa Polisi? E mon pe regarde osi antan ki sa fanmir i pe monte

desann, i vwar ki son vwazen in fini gannyen, li i pa ankor gannyen, mon pe mazine si petet en *meeting* osi i kapab ganny organize avek sa group fanmir, sa group dimoun, pou donn zot en pti pe leksplikasyon akoz zot *hope* i ankor en pe high, zot pe mazine zot pou gannyen or i kapab zot pa pou gannyen osi.

So, ti a bon Minis, mon sizere osi dan mon kestyon mon'n demann ou ozordi, en meeting i ganny organize ek sa fanmir spesifik e ka i ganny diskite e nou tonm dakor lo en konklizyon pou sa fanmir. Mersi Mr Speaker.

MR SPEAKER

Mersi. Minis?

MINISTER BILLY RANGASAMY

Ok. Mr Speaker mersi bokou. Mon ti pe zis konsilte avek mon PS Later pou nou vwar en pti pe.

Ler nou ti fer nou stratezi pou devlop nou bann Polisi, pou nou revwar nou Bann Polisi i ti. Premye legzersis ki nou'n fer se Polisi zeneral. La i kler ki nou bezwen, i annan en kantite keksoz. Parey i annan *Encroachment Policy*, lo lakaz i annan bann Polisi, *HSS*, bann *exchange*. I annan en ta bann

zafer ki nou bezwen antre ladan enn par enn pou nou met zot azour. Me par kont sa fanmir, mon santi ler mon pe ekout ou, ti ava byen nou ti ava fer sa dyalog. Petet pou nou byen konpran. Nou pa kapab les sa dimoun zis espere, pe esper en Polisi.

Si, mon ti fer sa pwen boner - Si Gouvernman, malerezman kantmenm Gouvernman i sanze, sa Gouvernman osi si i fer serten *commitment*, en lot Gouvernman i pran en zour, dizon, I bezwen oner sa *commitment*. Alors nou bezwen analiz ka sa dimoun, vwar ki dan son let, ki i ti ganny promete e nou napa swa, Gouvernman pou bezwen oner son lagreman.

Polisi sanze, Polisi pa sanze i pou bezwen oner en lagreman ek en dimoun si sa ti ti an ekrir e ti'n ganny sinyen par tou lede parti. So, sa i en keksoz normal e nou pou bezwen - Avek ou permisyon Mr Speaker, mon ava pran note pli tar avek Onorab pou nou vwar sa fanmir.

E mon lans sa lapel ek tou mon bann koleg Onorab, mon pa konnen konbyen ka zot pou vin avek, si mon pou kasyet anba latab letan zot vin ek zot ta ka. Me selman les mwan

konnen o pli vit posib akoz la mon pou vin travay for pou nou al dekouver sa bann *deal*, pou nou regle sa bann problemn.

Anmenn zot a mon latansyon, ek mon lekip nou ava kapab vwar sa bann endividi ki pe ganny martirize e regle zot bann problemn, akoz nou annan bokou konpasyon, zot konn mwan koman en endividi, mon pa konnen vwar bann dimoun pas martir koumsa. Mersi Mr Speaker.

MR SPEAKER

Mersi. Bon mon a pran kestyon Onorab Pillay.

HON SEBASTIEN PILLAY

Mersi Mr Speaker. Mr Speaker, avan nou lot kestyon mon ti a kontan zis fer en pledwari avek Minis lo kestyon Onorab Aglae, pou nou kapab ganny en *firmer commitment from* ou Minister pou bann, an se ki konsern bann zenn. Akoz...?

MR SPEAKER

Eskiz, mon tande, mon pe demande. Ou *micro* i on?

HON SEBASTIEN PILLAY

Wi Mr Speaker. I paret ki depi bomaten mon pe ganny sa problemn *micro*, enn de dimoun in dir mwan.

Non, mon zis dir ek Minis si nou kapab gannyen en *firmer commitment* pou bann zenn, akoz mon santi poudir avek bann levennman resan, tou dimoun pe met tou zenn dan menm paye, e i pa byen ki nou blanm tou zenn akoz i annan zenn ki anmiz byen, ki fer keksoz byen.

MR SPEAKER

Ok, Onorab.

HON SEBASTIEN PILLAY

Mr Speaker, mon pa konnen si *LDS* pa kontan zenn.....

(Interruption)

HON SEBASTIEN PILLAY

Relax, pa bezwen ankoler!

MR SPEAKER

Silvouple. Silvouple. Onorab Pillay les mon a eksplik ou en pti keksoz. Ou lev ou lanmen en kantite, ou lev premye. Mon tant pou donn ou kestyon akoz ou'n lev ou lanmen premye. Me selman annou pa retourn lo lezot size, posed avek ou kestyon. Mersi.

HON SEBASTIEN PILLAY

Mon pa konnen si sa size zenn i en problemn pou zot me selman mon a demann mon kestyon

Minis, akoz mwan mon pou
koze pou zenn si zot pa anvi.

(Interruption)

MR SPEAKER

Mersi Onorab.

HON SEBASTIEN PILLAY

Mr Speaker, lo sa size.

(Interruption)

MR SPEAKER

Ou keston silvouple Onorab.

HON SEBASTIEN PILLAY

Lo sa size konpansasyon
Minister. Onorab Lemiel in
bezwen anmenn en *case*
spesifik kot ou. So, ler mwan
mon pe ekout ou, ou pe koz an
zeneral. Eski ou kapab donn
nou en lasirans ki ou pou
kapab retourn kot Lasanble,
dan ki dele letan pou prezant
nou avek sa Polisi ki ou annan
lentansyon met an plas.

Akoz i pou annan en
lenpak direk lo bann proze ki
Ankour dan bann diferan
distrik ki pou bezwen
wayleave. E si zot pas an
menm tan, ou pou annan ou
tou sa bann lezot ki deza la,
bann ki pe vini e tousala pou
vin ansanm.

So, ler mon pe ekout ou,
mon pa ti a kontan ki nou met

nou lekor dan en serzwen ki
apre nou pa kapab materyaliz
sa bann proze akoz bann distrik
lo nou kote latab i anvi vwar
bann proze ganny materyalize
pou zot bann dimoun.

So, eski ou pou kapab
donn nou en *commitment* lo kan
egzaktaman sa Polisi pou pare?
Mersi Mr Speaker.

MR SPEAKER

Mersi. Minis.

MINISTER

BILLY

RANGASAMY

Ok. Mersi Mr Speaker. Mr
Speaker, nou annan en
kalandriye nou bann revizyon
nou Bann Polisi e an
konsiltasyon ek *PS* Later, li ki
pe antre dan detay ladan, in
alert mwan ki stratezi se
premye kar lannen prosenn
nou'n ava kapab met sa ater.
Akoz i pa fasil, i ase delika. I
annan serten konsiltasyon, pa
zis ek nou Minister, avek bann
departman *SLTA*, par egzanp
Gouvernman Lokal pou nou
kapab met en Polisi konzwent
ater.

Travay in fini komanse,
mon a kapab asir ou e ...

MR SPEAKER

Mersi.

MINISTER **BILLY**
RANGASAMY

Mon pa pou fer politik ek sa size, me selman mon ti en zenn ki ti aktiv, konmsi vant in grosi en pti git, nepli *fit*, selman mon konpran ki zenn i enportan pou detant. Alors mon asir ou Onorab ki mon menm mwan mon pou tap tou pou tou pou nou kapab fer sir nou adres sa problem, met bann landrwa lwazir pou nou bann zenn atraver pei, rezyonal osi. Sa mon kapab donn ou tou, mon donn ou mon lasirans lo la sa enn. Mersi bokou.

MR SPEAKER

Mersi Minis. Nou a bouz lo prosen kestyon. Dezole lezot Manm. Onorab Audrey Vidot.

HON AUDREY VIDOT

Mersi Mr Speaker. Bonn apre midi Mr Speaker. Minis avek ou delegasyon, tou Manm Onorab e en bonzour spesyal pou zabitan Roche Caiman. Mon kestyon i lir *comme swivan*;- Eski Minis i kapab enform sa Lasanble konbyen *unit* blok flat 1 lasanm ki Gouvernman atraver *PMC* ankor lo lagreman lwe? E ki plan Gouvernman pou transfer bann gran fanmir ki pe reste dan sa bann *unit* dapre zot

bezwen dan en dele letan pli kour term. Mersi.

MR SPEAKER

Mersi. Minis. En moman silvouple. Wi, mon krwar Madame Clerk pe sinyal mwan poudir i annan en sanzman delegasyon. Mon a regard dan sityasyon.

Mr Barbe in fini la, sa ki nou pou dir orevwar se Madanm Morgan. *PS* mon a remerci ou pou ou partisipasyon, bonn kontinyasyon. Nou a fer en pti *pause sanitizing*.

(technical break)

MR SPEAKER

Byen, repons pou Onorab Vidot. Minis oubyen zofisye. Pare, wi.

MINISTER **BILLY**
RANGASAMY

Mersi Mr Speaker. Pou kestyon Onorab Vidot. E mwan osi letan mon pase mon vwar en pti pe sa volim endividi dan en *one bedroom* e i trakas mwan. E pou osi i dezir Gouvernman pou sey regle sa bann lankonbraz akoz i annan bokou bann konplikasyon sosyal ki al avek osi.

Me par kont Onorab, ki mon anvi fer resorti avan mon

reponn sa kestyon, se i annan en gran volim en, -267 *unit* en lasanm e 191 *unit bedsetter*. Savedir preski 450 *unit* kot probableman la in fini vin en konzasyon. E sa bann alokasyon ti ganny fer *obviously* sa letan, dan lepase e fanmir i ti petet sa groser. Be fanmir in agrandi.

Be ki mon pe vwar, ki mon bezwen alert sa Lasanble, se i annan bokou sa bann ka ki en pe bizar, me selman i paret mwan bann lezot dimoun i ganny anmennen dan sa *unit*, tel ki bann tonton, bann kouzen, ki fer ki sa lankonbraz vin en lot konplikasyon. E prezan sa fanmir i met sa presyon lo Gouvernman.

Par ka petet i *genuine* zot ka. Me par ler mon krwar i en pti pe sa stratezi pou kontinyen met sa presyon. Me avek en demann 3500 ki nou annan, zis aplikasyon aktiv, kot sa bann dimoun pa'n zanmen ganny en led dan lepase, nou annan bann proze redevlopman tel ki Les Mamelles, Corgat Estate, Kan Gard, Port Glaud, ki nou bezwen osi adrese, i fer ki sa presyon i vin enorm lo Minister. Me nou rekonnèt sa problemn. Par kont, nou rekonnèt sa problemn.

E kot sa bann problemn i kapab ganny regle, sak fwa ki

nou pe fer alokasyon nou pe enkorpor sa bann transfer. Me pour sir, mon pe zis fer sa pwen sorti ki i vremen en gran defi pou Gouvernman, en gran defi pou mon Minister.

Ok, be responsabilite pou planifikasyon lagrandisman ou fanmir i reste avek ou koman en endividi, ou koman en koup. E malgre mon pa dan Minister Lasante, mon anvi profit sa lokasyon Onorab avek ou permisyon Mr Speaker, pou mwan fer nou bann fanmir mazin sa pti sanson Patrick Victor, mon ti a sante si mon ti'n ganny permisyon. Me sa enn ki dir "Plan, plan ou fanmir. En fanmir ki ou plan se en fanmir ere."

E mon vwar tro bokou sa bann sityasyon ki - mon pa pe dir ou Gouvernman pe dir ou pa fer zanfan, me fer li dan en fason ki ou balans keksoz aköz, ou'n fer mon pwen resorti aköz sa nivo demann ki annan, mon annan en lenkyetid ki si ou pa fer sa, ankouraz nou bann zabitan pou annan sa responsabilite, i pou toultan reste en gro *challenge*.

Me an gro, an gro mon oule zis *alert* sa pwen, ranforsi sa pwen, ki nou pou kontinyen vwar bann aplikasyon transfer, balans sa bann aplikasyon dapre zot merit e dan tou proze

ki nou pe fer, donn sa sans sa fanmir pou zot ganny en sans antre dan bann nouvo proze - dizon 2 lasanm ou 3 lasanm. En fason, en fason ki sa bann *unit* 1 lasanm, zot osi zot a kapab ganny servi pou ed en lot zenn fanmir ki pe demare oubyen kekfwa par ler i kapab en ka en dimoun ki li tousel, oubyen i zis en koup.

So, nou pe servi sa dinamiz sa bann *unit* 1 lasanm, *bedsitter*, pou nou kapab fer sa legzersis. E i toultan reste priyorite Gouvernman pou kapab fer, parski nou pa kontan bann lakour kot bann zanfan, bann fir ek garson pe gran, pe reste ansanm dan *bedsitter* ek manman ek papa. I pa ideal.

So, nou stratezi i reste for koman fir anmezir ki nou Bidze i permet, nou lans bann proze. Annou sa dinamiz pou bouz dimoun e ranplas nouvo aplikan dan bann *bedsitter*. Mersi.

MR SPEAKER

Mersi. Wi Onorab Vidot, siplemanter.

HON AUDREY VIDOT

Yes, mersi Mr Speaker. Mersi Minis pou repons. Minis rezon ki mon pe met lanfaz osi lo sa kestyon se ki, parey ou konnen

Roche Caiman nou annan pa mal sa bann *unit one bedroom*. E konsern i annan se ki nou annan dimoun parey ou dir ki pou plizyer letan son bezwen i 1 lasanm, e i pe vwar li ganny difikilte pou li kapab ganny asiste pou son *unit* 1 lasanm, akoz Gouvernman pa pe konstri okenn *unit 1 bedroom*. Zot pe *focus* plis lo 2 avek 3 lasanm. E distrik i bezwen depan lo alokasyon Gouvernman pou retir zot.

Wi Roche Caiman nou annan en proze 24 faz ki pe al fini, in komanse. Me i zis 8 *unit* Minis. E ler i 8 *unit*, nou konnen i annan en morso ki quota nasyonal e Roche Caiman i enn bann distrik pli vilnerab an term limit later pou li kapab fer bann devlopman proze lakaz.

Alors, bann distrik parey Roche Caiman, ki soulazman zot pe espekte gannyen avek ou Minister, prenan kont ki zot depan antyerman lo Minister lo okenn alokasyon lakaz ki ganny fer lo nivo nasyonal? Sa i enn.

E ankor pou enspir bann osi ki son bezwen i en lasanm e ki ankor pe espere, e ki pa ankor vwar lespwar i pou gannyen en *unit*. Akoz parey ou konnen ozordi en *one bedroom prive* si ou napa R13mil ekek an

montan, ou pa pou kapab rent en *one bedroom*. Mersi Minis.

MR SPEAKER

Mersi. Minis, wi?

MINISTER **BILLY**
RANGASAMY

Mr Speaker, mersi bokou pou donn mwan permisyon. Mon a les PS Barbe donn nou en pe leklersisman lo sa kestyon e parey labitid si mon vwar i annan bout pou mwan azoute mon a fer li. Mersi Mr Speaker.

MR SPEAKER

Byen. Silvouple, wi annou adres kestyon en pe direk. PS Barbe.

PS DENIS BARBE

Mersi Mr Speaker. Bonn apre midi a tous e a tout. Onorab mersi bokou pou ou kestyon siplemanter. Minister dan son legzersis pou get en pti pe demann lakaz, pa zis pou Roche Caiman, me selman nasyonal. Nou'n osi pran konsiderasyon spesifisite Roche Caiman avek limitasyon teren.

So, i annan en pe travay entern ki nou pe fer avek Departman Lenfrastriktir ki pou osi enkli Lotorite Plan pou nou a kapab get bann potansyel ki petet i kapab la, ki pou ed

nou kapab rod solisyon teren pou distrik Roche Caiman.

E an menm tan ki bor petet dan Roche Caiman menm ki annan posibilite pou nou kapab fer *one bedroom*. E si napa sa posibilite, ki bor nasyonalman nou kapab anmenn sa solisyon pou Roche Caiman, le fe i reste pou ki sa dernyen proze ki nou pe fer, sa dernyen 8 *unit* la i sel later ki *readily available* la Roche Caiman pou nou kapab fer redevlopman.

Sa i pa pou zis aplik pou Roche Caiman. Nou konnen poudir i annan serten distrik dan rezyon santral osi, ki napa teren e nou annan bann posibilite ki nou pe travay lo la e ki nou pou zwenn Lotorite Distrik parey mon'n ti'n deza dir dan mon lentervansyon dan Lasanble detrwa mwan pase - distrik par distrik dan en baz rezyonal;- pou nou fer zot byen konpran plan travay Minister pou sak distrik an regardan zot demann.

E avek ki bor, ki mannyer nou pou satisfere zot bann demann lo nivo distrik ouswa lo nivo nasyonal. So, pour lemoman Onorab nou pa pou kapab pronons nou lekor egzaktaman pou dir ou kwa ki nou annan dan *pipeline*, nou anvi finaliz sa bann travay avek

lenfrastruktir, avek Lotorite Plan. Avek dan nou *meeting* ki nou pou fer dan bann mwan Oktob la apre Semenn Labita.

Nou ava pas lo sa bann propozisyon pou sak distrik avek responsab distrik. *Thank you.*

MR SPEAKER

Mersi. Bon mon a pran en siplemanter e mon bezwen donn laparol dimoun ki'n lev premye, *sorry*, e osi in lev plizyer fwa. Onorab William.

HON WAVEN WILLIAM

Mersi Mr Speaker. Mr Speaker, mon anvi demann avek Minis, par lefe ki i pe dir i annan 265 *one bedroom* avek 191 *bedsitter*, eski dan sa legzersis zot pe osi mazin fer serten langazman avek sirtou bann fanmir ki lontan in la me ki in agrandi, ki ozordi zot sityasyon i vreman deplorab? Dan sa legzersis zot pou fer avek Ladministrasyon Distrik.

Epi dezyenmman, mon konnen poudir i en pe difisil, me selman vi ki nou'n erit sa bann problem, eski zot aparet osi dan sa bann diskisyon pou *être* fran avek dimoun vizavi *the way forward*? Akoz enn, se ki zot pa eksplik dimoun pou fer dimoun annan sa lespri

responsabilite e planifikasyon, sa legzersis pou fail. Mersi.

MR SPEAKER

Mersi Minis.

MINISTER BILLY RANGASAMY

Mersi Mr Speaker pou sa kestyon Onorab, siplemanter. Mon krwar Gouvernman i bezwen brav e koz fran avek tou bann zabitan konsernen e sa i en lapros pou enn fwa pour tou zer zot ekspektasyon. Sa i enportan, akoz ou pa vin bat latet person, nou bezwen koz fran.

Nou bezwen fer konpran ki resours i limite, me par kont Gouvernman i reste angaze pou devlop bann proze, me resours i limite. Ou bezwen annan serten pasyans, nou bezwen konpran poudir i annan lezot ki pe espere avan ou ki pa'n zanmen ganny naryen.

Parey mon annan bann aplikasyon dan alokasyon ki mon ti fer avek Onorab Monthy ek lekip Alokasyon, mon vwar bann ka depi '98 dimoun pe esper lakaz. I annan bann ka 95 tou mon ti bat avek lotrozour si mon pa tronpe letan nou ti pe fer en lot alokasyon.

So, i annan bann ka ki'n la, date depi en bon pe letan. So, bann dimoun ki dan

bedsitter, parey mon'n dir nou ti komanse, mon annan en leker konpasyon, nou anvi regle zot problem. Me selman i anna sa konportman, i annan sa responsabilite, plan zot fanmir. Sa i enportan, tre enportan,

Parski Gouvernman lo li menm i limite ki i kapab fer, i pou kontinyen pouse pou nou fer lakaz, sa i reste nou langazman. Nou pe pous for avek sekter prive pou zot osi fer zot kontribisyon. Nou pe lans bann prodwi *self-finance* pou nou, bann *mid-range* condos pou nou kapab ed maksimonm dimoun. Me selman i enportan ki dimoun i konpran la realite laba deor, i konplike.

So, selman toultan sa konponan konpansasyon, sa konponan kot nou *pou reach out* bann ki vilnerab, bann ki pli dan difikilte, sa i pou toultan reste langazman Gouvernman.

Me sa konponan responsabilite, pans byen avan ou met en zanfan o monn, sirtou si ou pe deza dan en landrwa anpaye, ankonbre, parski napa en lakaz ki la otomatikman ki ou kapab antre ladan. I konplike, ou annan lezot dimoun, ou bann kanmarad ki ankor pe espere, i annan 25an pase pe espere menm. Mersi Mr Speaker.

MR SPEAKER

Mersi. Bann Manm ki pe proteste silvouple met zot kestyon an ekrir e soumet e zot a ganny priyorite.

Mon pas lo prosen kestyon. Onorab John Hoareau.

HON JOHN HOAREAU

Mersi Mr Speaker. Bonn apre midi tou dimoun ki a lekout. Mon kestyon i lir koumsa;- Eski Minis i kapab eksplik Lasanble, ki pou arive avek bann fanmir vilnerab ki'n ganny mete dan lakaz *emergency* Barbarons anba *Scheme Vulnerable House Repair, Special Housing and Poverty Alleviation projects?* Mersi.

MR SPEAKER

Mersi. Minis.

MINISTER

BILLY

RANGASAMY

Mersi Mr Speaker. Mersi Onorab pou ou kestyon, en bon kestyon. Mon pou bezwen tous en pti pe lo sa *Scheme Vulnerable House Repair and Poverty Alleviation* pou donn Onorab e Lasanble en kot randi kot nou'n arive, eski nou ava vwar en pti pe sa lot bout kot i konsern bann ki'n ganny *allocate* dan bann *emergency*

housing unit, sirtou sa enn Barbarons e pou mwan kapab marye sa de ansanm pou nou eksplik Lasanble kot nou'n arive.

Mr Speaker, lentansyon Minister e Gouvernman se pou finaliz sa proze lakaz *Vulnerable House Repair, Poverty Alleviation* pou sa bann fanmir ki merite. Sa i reste nou langazman e nou determinasyon.

Par kont anliny avek travay ki oditer entern, Minister Finans ti fer lo sa proze *Scheme Vulnerable House Repair Scheme*, tou proze ki pa ti ankore ariv lo staz pou *award* kontra, pou *award* kontra parey mon pe dir napa en kontrakter *onboard*, ti ganny met lo *pause* ler nouvo Gouvernman ti pran pouvwar pei.

Bann lazans e Minister konsernen pe re get Polisi e aziste - mon repete - aziste bann gap, bann mankman e serten malerezman, bann serten malpratik ki rapor oditer in fer resorti. Parey ki mon ti'n deza eksplike dan Lasanble oparavan.

So, nou'n bezwen analiz sa rapor e mon Minister in travay e pe travay pros avek Gouvernman Lokal e Lazans Proteksyon Sosyal pou nou ansanm revwar sa Polisi, ki

manner nou pou re demar sa *Scheme Vulnerable Housing Repair Scheme* e osi *Poverty Alleviation*.

Parski i annan dimoun ki merite laba deor pou zot ganny asiste. Me par kont nou bezwen konsistan, nou bezwen servi. Akoz sa i larzan *tax payers* ki nou pe servi, nou bezwen servi li dan en fason planifye, en fason ki annord, ki transparan.

Tou lede Polisi pe ganny finalize e enn fwa ki Konsey Minis i aprouv sa 2 Polisi, nou espere sa lannen, program *Vulnerable House Repair, Poverty Alleviation* pou ganny prezante osi avek Lasanble e pou o pli vit posibil demar sa proze.

Sa i en pti pe kot nou ete ek sa *scheme*. So, nou'n fini. Lodit in ganny fer, Oditer Zeneral in fer son rapor, lekip pe travay lo azisteman pou nou kapab adres sa Polisi e adres sa bann proze.

E dan Bidze ki mon konnen zot tou zot pou aprouve, dan Bidze sa lannen letan nou vin devan byento, nou pou annan en konponan ki nou'n met de kote, pou nou target sa bann *special housing projects*. Sa *Vulnerable Housing Repair Scheme*, sirtou bann ka ki klerman i merite e nou a kapab re demar sa anliny ek

Polisi. Sa i en pe kot nou ete Onorab.

E lo kot i konsern bann ki dan *emergency units*, nou pe revwar sa bann ka, parski i annan serten travay ki nou pou bezwen fer avek sa bann dimoun, sa bann kalite zabitan ki'n ganny afekte dan lepase. Petet en sityasyon dezast, en sityasyon dife ki ti'n ariv zot laba.

Me selman zot annan zot propriyete, zot annan zot kare later, me selman zot napa sa po finansyel pou zot kapab fer zot proze. Alors i pou en travay ki nou pou bezwen fer etrwatman dapre Polisi avek sa bann dimoun, ka par ka pou nou vwar ki zot kapasite zot kapab kontribye.

Akoz i pou bezwen vin zot responsabilite, zot pou annan en kontribisyon pou fer e Gouvernman i ava vwar en mekanizm, en serten poursantaz ki ava kapab asiste zot avek en mekaniz kekfwa anba zesyon *PMC*, pou nou kapab egzekit zot bann proze pou sa bann ka ki merite, E ki lontan zot in ganny mete laba dan *emergency housing units* laba sirtou Barbarons par egzantp. Mersi Mr Speaker.

MR SPEAKER

Mersi. Onorab Hoareau, siplemanter?

HON JOHN HOAREAU

Mersi Mr Speaker. Mr Speaker, an vi ki i annan par egzantp bann fanmir ki annan plis ki 3an, depi ler zot pe reste dan sa *emergency housing*, eski Minis i kapab donn nou en pe detay lo ki bann difikilte ki zot pe gannye pou enplimant, oubyen egzekit sa Polisi aktyel lo *emergency housing*?

E dezyenman Mr Speaker, pou bann fanmir ki'n ganny bann let pou zot *outsource* finans avek Labank Komersyal, me ki zot, zot napa sa mwayen finansyel e osi zot pa kapab akse okenn sa bann prodwi an egzistans atraver *HFC*. Ki Minis ou annan pou dir zot lo kote ki fason Gouvernman i kapab asiste zot? Mersi.

MR SPEAKER

Mersi Onorab.

MINISTER

BILLY

RANGASAMY

Mersi Mr Speaker. Mr Speaker, mon annan mon larepons mwan osi. Me selman mon konnen *PS Barbe* in pran bokou letan pou analiz sa o profon ek tou son detay. Mon a demann li pou ed mwan partaz en pti pe

stratezi ki nou annan koman Gouvernman. Mersi.

MR SPEAKER

Mersi. *PS*, ou annan laparol.

PS DENIS BARBE

Mersi Mr Speaker. Onorab thank you. Mersi pou ou keston. Difilte ki nou pe ganyen pou enplimant sa Polisi i plito baze lo sa lankadrem administrative ki nou anvi nou met an plas. Kwa ki nou pa anvi, nou pa anvi ki nou annan 2 Polisi pe reprezant pou 2 bezwen. Nou bezwen separ byen sa Polisi *Vulnerable Repair Scheme* ki ava adres zis bann konponan reparasyon e sa *Special Housing Scheme* ki ava annan sa konponan zis konstriksyon si sa dimoun i annan son prop later.

So, nou ti bezwen fer sa separasyon sa 2 Polisi, pou nou kapab get byen egzaktman, par egzantp dan sa ka *Vulnerable Repair Scheme*, lekel Lazans ki pou pran sa program *an main* e dan lekel bann Lazans ki pou kapab antre, donn bann sipor neser ki pou kapab ede pou anmenn sa solisyon pou sa fanmir.

Nou bann *challenge* osi ki nou pe vwar la, se ki nou bezwen pran sa bann leson ki nou'n vwar *over the years*,

sirtou ki annan pou fer avek bann diferan lagreman. Lefe ki Gouvernman pe investir en serten larzan dan en propriyete, nou napa en mwayen pou nou kapab re anmas sa larzan e nou bezwen fer li atraver bann fason legal atraver bann serten lagreman.

E oparavan nou ti napa sa separasyon ki nou ti pe dir poudir be sa i en Bidze spesifik pou *Vulnerable Repair Scheme* e lala sa ki annan sa responsabilite pou sa, la en Bidze pou ou *special housing* e lala sa ki annan responsabilite pou sa, la son Polisi ki vin avek. En fason ki ler oditer i antre ouswa dan enport pou mezir kontrol e an menm tan pou fer sir ki lenplimantasyon sa 2 Polisi i efektiv, nou ti pe napa sa bann kontrol ki vin avek.

So, nou'n preski fini finaliz tou lede Polisi Onorab, sa i en pti pe bon nouvel ki nou annan. E nou santi nou dan en pozisyon pou nou kapab, nou pou kapab finaliz li dan mwan Oktob a Novanm, pou nou kapab komans demar bann *case* ki la.

Me par kont nou annan bokou fanmir ki ler nou'n anmenn sa solisyon pou zot, baze lo bann diferan sityasyon ki'n arive, be it deza, ouswa lakaz i dan en move kondisyon,

kot zot ki'n kapab asosye, ki'n kapab pran en *loan*. Nou, nou asiste avek lasistans teknik. Kot i annan serten proze ki'n demare, ki'n konplete. Sa osi nou pou *sill* kontinyen.

An premye lye nou pou ankouraz fanmir pou eksplor bann posibilite dan striktir fanmir, pou kapab finans en pe proze ouswa dan totalite. Si i pa posib la nou ava en *fall back* lo sa de Polisi ki mon'n mansyonnen.

Nou anvi osi aliny sa avek Polisi pou bann dezas avek bann lirezans ki arive ki Departman Lenfrastriktir pe travay lo la. En fason ki lentervansyon i vin dan en fason byen striktire, i byen kler e ler Gouvernman pe investir en serten larzan, nou konnen egzaktaman ki mannyer nou pou re anmase e ki bann kriter;- ki nou fer pou vilnerab;- ki bann kriter anba *special housing*, ki bann kriter osi ki al lo kote kot dezas e ki sours finansman ki vin avek.

So, travay i ase byen avanse Onorab. Be nou santi poudir nou pou kapab *a tleast* re pran larelev byento dan mwan Novanm an montan. Mersi.

MR SPEAKER

Wi Minis, annou konklir silvouple.

MINISTER **BILLY** **RANGASAMY**

Wi. Mersi Mr Speaker. Mon zis anvi tous 2 pti pwen siplemanter lo sa ki *PS* in ranforsi. I annan en pti keksoz ki mon anvi alert bann lezot propriyeter lakaz dan pei. Se fer zot mye posib, konsider seryezman fer en lasirans pou zot propriyete. Parski bann ka dife, enn ler i pa dan ou kontrol, i ariv en lensidan, me ou vwar ou perdi ou net, ou perdi ou propriyete net. Par ler i vin konplike pou ou re konstri. Selman si ou annan en lasirans, sa omwen i a protez ou propriyete ki ou'n investir tou ou mwayen depi ler ou'n komans travay ziska petet i annan dimoun, 20, 25an depi ler i pe pey son lakaz, i vwar en lensidan i arive. So, sa responsabilite pou pran en lasirans i tre enportan.

Lot pwen ki mon anvi zis fer resorti ki lo kot i konsern Gouvernman, nou vreman sa size pou alivye en pe sa sityasyon lapovrete i reste en priyorite. So, bann ka parey *PS* in fer resorti, bann Polisi pou adres sa.

Akoz nou konsyan sa sityasyon. Si ou fer letour ou

vwar bann ka lakaz i vremen dan dimal serten landrwa e dimoun napa mwayen, me zot annan en teren. So, sa size kot Gouvernman pou antre, pou sey ede, i pou toultan reste en priorite Gouvernman. E par kont me selman sa ki enportan, se ki nou bezwen annan keksoz ki ganny fer. Nou pa oule repet bann fot lepase kot nou'n zis degaze fer keksoz. Me keksoz i annord, nenport ler Oditer i vini, i vin odit ki mannyer sa larzan Gouvernman in ganny depanse, nou kapab konfirman ki sa i anliny ek sa Polisi.

Zis mon ti anvi fer resorti e ranforsi sa pwen. E i pa vedir nou'n neglig sa bann dimoun. I zis mon anvi donn zot en lespwar ki i pa en keksoz ki zot in met dekote, i annan en travay pe ganny fer. Pasyant ek nou detrwa mwan, nou ape finaliz sa Polisi, i a ganny aprouve par sa Lasanble evantelman. I ava ganny prezante ek sa Lasanble evantelman epi nou ava kapab komans egzekit proze e fer sir keksoz i ganny depanse annord. Mersi bokou Mr Speaker.

MR SPEAKER

Mersi. Minis nou a bouz lo prosen kestyon, 157. Onorab Churchill Gill.

HON CHURCHILL GIL

Mersi Mr Speaker. Kestyon i lir koumsa;- Koman en swivi lo kestyon ki mon ti demande konsernan proze lozman pou bann zenn *graduates* Praslin, La Digue. Enn, eski Minis i kapab enform sa Lasanble ki zistans demars lo sa proze in arive. 2, kan ki *graduates* pou kapab finalman fer zot laplikasyon? Mersi.

MR SPEAKER

Mersi Onorab. Minis.

MINISTER

BILLY

RANGASAMY

Mersi Mr Speaker. Mon kapab konfirm ek Onorab ki bann *site visit* in fini ganny fer lo *site*, e konsep preliminar pou sa proze *mid-range condos* dan rezyon pti lavil in fini konplete.

Seksyon *Survey* pe fer serten travay tipografi, teknik pou fourni lenformasyon Lazans Lenfrastruktir afen ki nou kapab konplet bann travay *design* teknik eksetera. Sa i a ede, an prenon kot ki i annan 2 lokater lo sa teren, pou nou balans lakantite lespas ki a nou dispozisyon. Analiz bann teren. Akoz i annan bann pozisyon dan sa teren, i lo plato, i annan bann bout ki pli ba, ki en pe dan bann ba fon. Malgre mon

pa konnen si dan lefase i annan bann travay ki'n ganny fer lo sa teren.

Me petet pou nou fer sir ki son sistenm drenaz i kapab fonksyonn byen, i annan en bon sistenm desarz osi pou bann desarz lasanmben, kabinen, eksetera.

So, nou bezwen fer, akoz sa kantite *unit* ki nou pe mete nou bezwen balans tousala.

So, bann travay teknik nou pe finalize e mon annan lespwar ki nou kapab vreman pous sa proze agresivman dan sa bann mwan devan nou. E dezyenm parti kestryon. Sa en pti pe leta kot nou ete Onorab e byento nou a kapab finaliz sa *design* e met sa kot *Planning* pou ganny *Planning approval*.

Dezyenm parti ou kestryon. Kan ki bann *graduates* i kapab finalman fer zot laplikasyon? Mr Speaker, lentansyon se pou satisfere demann lakaz bann aplikan ki ti'n deza fer zot laplikasyon, so, zot bann priyorite lo lalis. Laplikasyon pou en tel prodwi parey atraver nou sistenm *self-finance*.

Sa i reste nou priyorite. I annan bann aplikan ki deza la, so zot lo Polisi ki nou annan ki baze lo dat ou laplikasyon, ou abilite finansyel, sa i a kapab,

bann premye kriter ki nou pou konsidere.

Me bann aplikan ki enterese pou sa prodwi *mid-range condos*, zot osi zot kapab vin devan e fer zot aplikasyon nenport ler. Me alokasyon pou ganny determinen par dat laplikasyon e abilite finansyel parey mon'n fer resorti. Sa i anba nouvo Polisi ki ti ganny prezante ek Lasanble.

Zisteman Onorab, atraver ou Mr Speaker, dan kad Lasemenn Labita, mon ti a kontan alert Onorab sa lannen ki nou pou demare Lendi prosen. Semenn Labita pou demare Lendi prosenn, zofisyè mon Minister, Departman Lakaz sirtou, *PMC*, eksetera, pou Praslin. Pou nou vwar pou nou menm e sonn lentere demann sa kalite prodwi *mid-range condos* pou bann aplikan Praslin e La Digue. Bann Zil Pros annefe.

Sa menm prodwi pou osi kontinyen son demaraz isi lo Mahe dan diferan rezyon.

E alors, petet atraver ou Mr Speaker, mon a demann Onorab pou sansibiliz son bann dimoun, lo tou lede kote. Grand Anse, Baie Ste Anne. Mon oule fer resorti sa pwen, i pa zis bann *graduates*, i bann profesyonnel osi ki annan abilite pou zot *raise en loan*. Ou

ners, ou *teachers*, ou bann dimoun dan bann ladministrasyon, ki annan abilite pou zot *raise* en *loan*, sa bann prodwi i osi aplik pou ou. Pa zis bann *graduates*. Mon oule zis petet tous sa pti pwen anpasan, Onorab. Bann zofisyè Lapolis, eksetera, zot kapab vin devan e fer zot laplikasyon.

So, ankouraz zot si zot pa *mind* lo zot kote e nou pou fer parey osi lo nivo rezyonal Mahe apre.

So, an zeneral mon eksite ek sa program, aköz dan sa 3500 nou vwar nou pou kapab adres omwen anviron 1000 mil ka. So, i ava tir en bon 40poursan dimoun lo lalis pe espere, i ava annan en prodwi pou zot annan en lespwar pou vwar en keksoz ki zot kapab byento aste pou zot menm. Mersi Mr Speaker.

MR SPEAKER

Mersi. Wi Onorab Gill, ou siplemanter.

HON CHURCHILL GILL

Mersi Mr Speaker. Mersi Minis pou ou larepons. Premye siplemanter se vi ki zot in kapab, *surveyor* in kapab al lo teren, eski ou kapab dir nou ki kantite later ki nou pe koze la ki pou benefisyè sa group dimoun. Apre mon'n tann ou mansyonn

Polisi. Eski Polisi pou egzaktaman parey pe ganny servi isi Mahe, oubyen si pou annan serten lazisteman pou sa enn?

Si an ka i annan lazisteman, eski sa bann group dimoun i kapab ganny en posibilite pou zot benefisyè avek vwar sa Polisi, pas konteni e sa i ava ed zot ler zot pe fer zot desizyon. mersi.

MR SPEAKER

Mersi Onorab. Minis?

MINISTER

BILLY

RANGASAMY

Mersi Mr Speaker, mersi bokou. Mersi Onorab pou sa kestyon siplemanter. Sa de parti pou kestyon, sa premye parti lo sa ki konsern Polisi e bann spesifisite sirtou Praslin, La Digue. Mon pou les *PS Barbe* eklersi lo la, in fouray en pe, i konnen pe bann eleman spesifik pou bann Zil Pros. E lot bout lo kantite later nou annan e konbyen dimoun nou pe anvizaze ede atraver sa proze, mon a demann *CEO Lenfrastriktir* pou eklersi sa pwen. Mersi Mr Speaker.

MR SPEAKER

Mersi. Leklè premye, *PS Barbe*? Wi.

PS DENIS BARBE

Thank you, Mr Speaker. Onorab, mersi pou ou kestyon. Aktyelman Polisi lo Mahe ler nou pe koz *mid-range condo* ouswa *self-finance*, nou pe pli parey dan larepons Minis in dir, nou pe get primordyalman ou dat laplikasyon avek ou abilite finansyel.

Lo Praslin nou *challenge* i en pti pe lo kou konstriksyon, savedir konbyen proze pou koute par *unit* e sa i pou nou gidans prensipal. E *once* ki nou ganny sa, i ava permet nou prezan gete ki kalite azisteman nou kapab fer baze lo nou lekspektasyon pri konsesyon lo Praslin avek La Digue. Nou ti anvi Onorab dan sa lansman sa proze osi, zis parey mon'n mansyonnen nou bezwen pas avek tou distrik pou dir zot egzaktman demann e ki stratezi Minister pou nou satisfere demann atraver lakaz sosyal, atraver *mid-range condo* ouswa atraver nou program later, pou distrik kler egzaktman dan sa prosen 3, 4 devan 5an devan zot. Ki stratezi Minister e nou ti anvi profit sa lokasyon osi e ki ler nou pe zwenn Lotorite Distrik, pou Praslin ek La Digue nou pou zwenn Baie Ste Anne, Grand Anse avek La Digue an menm tan pou nou diskite en pti

pe partikularite sa 3 distrik anliny avek konstriksyon e ki manner sa pou enpakte en pti pe zot bann zabitan .

E si pou annan bann kontribisyon ki pou antre, sa i ava permet nou gete ki kalite pti azisteman nou bezwen fer an term Polisi. Ouswa si i annan bann lezot kalite kriter ki nou kapab gete, ki pou kapab ede si ou le soulaz en pti pe sa kou, lefe ki sa aplikan li menm li pou bezwen *borrow* avek Labank pou kapab finans sa kou sa *unit*.

So, i en konversasyon ki nou ti pe *look forward* pou nou annan avek Lotorite Distrik Baie Ste Anne, Grand Anse e avek La Digue. *Thank you.*

MR SPEAKER

Mersi. Likel ki pou adres ankor silvouple.

MINISTER **BILLY RANGASAMY**

Mr Speaker, *CEO* i ava reponn sa dezyenm, apre mwan mon a fer en pti konklizyon lo mon kote avek ou permisyon.

MR SPEAKER

En pe vit silvouple, nou *out of time*. Mersi.

CEO SIA JITESH SHAH

Mersi Mr Speaker. Mersi Onorab. Onorab i pou en pti pe difisil pou mon donn ou en sif egzakt. Sanmenm sa rezon ki *survey* in mont lo *site* pou zot kapab anmas bann detay. I annan bann serten landrwa ki nou menm nou nou'n vwar poudir nou bezwen plis detay pou nou kapab fer sa plan final egzaktman pou gete konbyen nou pe gannnen.

Sa later ki nou pe koze li menm i plizyer ektar. So, i annan en gran potansyel, selman pou mwan aktyelman donn ou bann sif konbyen *unit* nou pe gannnen i pou tou depan enn fwa ki sa *survey* i ganny *made available to* nou tim, *and* zot kapab aktyelman komans plas bann blok.

Akoz nou pa pe get li zis koman blok, nou bezwen fer sir ki i en devlopman ki en ta lezot keksoz. Bann keksoz kominoter, eksetera, eksetera.

So, mon ti a swete *that by the time* nou zwenn dan Semenn Labita nou ava annan en pti pe plis lenformasyon nou kapab donnen.

MR SPEAKER

Mersi. Minis, wi.

MINISTER
RANGASAMY

BILLY

Mr Speaker, an vi ki mon krwar i mon dernyen kestyon lo lalis, mon anvi avek ou permisyon zis fer en konklizyon en pti pe zeneral pou asir sa Lasanble e dimoun deor ki pe espere, pou vwar be ki program sa Gouvernman kot i konsern later ek lakaz.

Mon zis anvi met sa prozitivite, sa mesaz lespwar ki mon ti santi ler mon ti pe prezant papye kot *Cabinet* konsernan Bidze Minister. Mon santi i annan en gran zefor ki pe ganny fer e Gouvernman i rekonnet sa sityasyon deor kot nou bezwen travay ansanm pou nou agresivman *tackle* nou bann zafer later ek lakaz, e zot in met bokou latansyon lo la e byento pou ganny prezante dan Lasanble.

E i annan en bon mannyer Bidze sa lannen ki pe vini, pou nou kapab vreman demar sa bann proze. Sa letan kot nou'n esper en pti git avek bann problem COVID, nou lekip teknik in analiz nou bann teren pros en mon oule pran sa pou fer resorti.

Rezon mon ti'n analiz sa bann teren pros, se sa ki nou pe fer bann *survey* topografik Onorab Gill. Pou nou vwar en pe ki mannyer nou depans nou larzan efikasan pou nou devlop bann teren, ki nou pa

bezwen fer bann gran, gran miray. Bann gran, gran semen ki kout telman ser epi nou bezwen rod zis en pti ponnyen dimoun. So, nou oule ed maksimonm posib. So, nou stratezi se ki nou annan en bon program, en bon Bidze ki pe vini. Bann demars eksteryer pe ganny fer.

Nou'n vwar parey mon'n resorti boner, UAE nou'n ganny 40 *unit*, Qatar nou'n ganny 12. Nou pe fer serten dyalog ek lezot Gouvernman. *Saudi* par egzant, Lasin. E a konplimant sa ki Gouvernman isi i pe kapab met dekote e byento zot menm zot ava aprouve. Mon konnen zot pou aprouve dan lasal, mon santi tou dimoun pou donn sipor pou later ek lakaz. E an plis nou pe tap for e travay etrwatman avek sekter prive.

Sa legzersis in fini komanse, Perseverance nou pou annan bann legzanp. Parey nou konnen *GICC* in deza re demar zot proze *Condos*, anfet zot pe konstri 40 *unit* la e Departman Lenfrastriktir pe fer bann *expression of interest* pou bann *PPPs* Perseverance.

So, nasyonalman i annan en gran lelan pou re demar e agresivman enplimant bann proze lakaz ki soutenab. Me responsabilite, mon ankouraz bann dimoun, tou bann

aplikan, pou kontinyen seryezman fer zot kontribisyon *HSS*. Akoz sa ki'n asiz ek nou lo latab, bann ki'n fer bann alokasyon, zot in vwar ki sa i en kriter spesifik ki nou regarde sak fwa ki nou get bann ka pou fer bann aplikasyon. Ki manner sa dimoun pe pran son responsabilite, ki manner i pe kontribye *towards* son *Housing Savings Scheme*. Sa i reste priyorite.

So, Gouvernman i annan son priyorite *comme* fasiliter pou devlopman bann proze teknik ki soutenab. Bann endividi zot annan zot responsabilite pou kontribye zot *HSS* e bann ki'n ganny lakaz zot annan zot responsabilite pou pey zot lakaz.

So, zeneralman mon vreman eksite e mon annan en lespwar agresiv e pozitiv ki nou pou al met ater en program enteresan pou sa pei e parey mon pe dir nou tenm Semenn Labita ki pe al demare Lendi prosen i 'personn pa pou ganny kit deryer.' E sa i bi e i pou en santral nou program lakaz e laterer.

So, pou annan en prodwi pou tou dimoun, ou responsabilite i enportan. E fodre proze i soutenab e nou kapab travay ansanm lo tou

lede kote latab, pou nou fer sa program materyalize. Mersi Mr Speaker.

MR SPEAKER

Mersi Minis. Bon nou termin la avek sa sesyon kekyon. Mon remersye Minis ek son delegasyon e mon swet zot bonn kontinyasyon. Nou a re pran Lasanble 2.15 apre midi. Mersi.

(BREAK)

MR SPEAKER

Mersi, nou pe pran avek premye Mosyon ki lo *Order Paper*. Sa se Mosyon Onorab *Leader Government Business lo supplementary estimate*. Mon krwar sa i en ka kot nou, komans par *set aside Standing Order 25*. Onorab Georges, ou'n pare pour sa?

HON BERNARD GEORGES

Yes Mr Speaker. Mersi Mr Speaker. Bonn apre midi Mr Speaker. Bonn apre midi tou bann Manm Onorab e tou bann dimoun ki pe swiv.

Mr Speaker anba *Order 97(1)*, nou *Standing Orders*, mon *move* en Mosyon pou demann ou permisyon, pou sispann *Order 25(2)* nou *Standing Orders*, pour ki, nou kapab pran en Mosyon avan

bann *Bills* ki lo *Order Paper*. Mersi.

MR SPEAKER

Mersi nou a ganny segonde silvouple? Onorab Esparon.

HON REGINA ESPARON

Mersi Mr Speaker, Mosyon i ganny segonde pour sispann *Standing Order* annakor avek *Order 97(1)*. Mersi.

MR SPEAKER

Mersi Manm i a vote silvouple. Sa ki an faver lev lanmen? Mersi Manm ki kont? Lo Mosyon pou *suspend Standing Order 25*, pou nou pran sa Mosyon avan bann *Bills* - 16 Manm in vot pour 0 kont e 8 abstansyon. Mosyon in aprouve par Lasanble, nou kapab prosede.

Onorab Georges ou ava anmenn ou Mosyon silvouple?

HON BERNARD GEORGES

Mersi Mr Speaker. Mr Speaker Mosyon lo *Order Paper*, i en *Supplementary Appropriation Motion*. E i lir koumsa:-

The National Assembly resolves to approve a supplementary estimate of SR 472,807,404.81 for the year 2022 laid before the Assembly in accordance with Article 154(6)(b) of the Constitution.

HON BERNARD GEORGES

Mr Speaker Mosyon ki mon fek lir, mon pou *move* enn pti amannman. Ler in ganny segonde, mon donn *notice*, ki mon pou *move* en *amendment* ki, *to change 154(6)(b) to 154(6)(a)*. I mon lerer, ler mon ti pe tipe. Mon a *move* sa osito ki Mosyon i ganny segonde. Mersi.

MR SPEAKER

Mersi. Mon a ganny segonnman pour sa Mosyon? Onorab Esparon?

HON REGINA ESPARON

Mersi Mr Speaker Mosyon i ganny segonde.

MR SPEAKER

Mersi. Wi prezan ou Mosyon pou amannman Onorab Georges. Mersi Mr Speaker. Mr Speaker avan ki mon komanse, mon ti a swete ganny permisyon Lasanble pour amann mon Mosyon dan son trwazyenm laliny. Kot i met Lartik 154(6)(b) pour lir 154(6)(a).

Rezon pour sa, se ki 154(6)(a) i ler ou pe al depans en larzan siplemanter, ki le ka. E 154(6)(b) se ler ou'n fini depanse ou pe demann avek Lasanble ratifye ou depans retrospektivman.

Alor mon Mosyon apre midi se pour, amann sa Mosyon dan lafason ki mon fek prezante. Mersi.

MR SPEAKER

Mersi nou a ganny segonnman pou sa *amendment*? Onorab Esparon.

HON REGINA ESPARON

Mersi Mr Speaker amannman i ganny segonde.

MR SPEAKER

Mersi Manm a vot lo sa *amendment* pou nou eklersi sa. Manm ki an faver lev lanmen silvouple? Mersi Manm ki kont?

Lo Mosyon, pou *amend* Mosyon orizinal parey *mover* Mosyon in eksplike. 17 Manm in vot pour 0 kont a 9 abstansyon.

Mosyon in aprouve par Lasanble, e Onorab Georges i a kapab komans adres son Mosyon.

HON BERNARD GEORGES

Mersi Mr Speaker. Mr Speaker Mosyon ki devan nou, i pa vin koman en sirpriz aköz Minis semenn pase, dan *Mid-year Review* ler i ti isi devan lasanble in adres sa size. E in reponn kestyon bann Manm.

Me ofisyelman prosedir, i merite ki i ganny swiv e sa se ki

en mosyon, pou en *supplementary appropriation* i ganny met devan Lasanble e i ganny debat, e i ganny vot lo la.

Mr Speaker, striktir finansyel nou pei e prosedir finans Gouvernman atraver Konstitisyon, se ki Legzekitiv, i prepar en Bidze pour depans Gouvernman, pour lannen ki pou vini. I fer sa an avans, e i anmenn sa Bidze devan Lasanble.

Enn bann pli gran loner ki Lasanble i annan, e latas pli enportan en Lasanble. Si non latas pli enportan, en Lasanble se pour donn, apropriasyon Gouvernman.

Se pour donn la probasyon ki Gouvernman i kapab depans larzan. Sa se zis Lasanble ki kapab fer li. E se zis Lasanble ki bezwen fer li lannen apre lannen.

E isi dan sa Lasanble, nou'n fer sa e nou'n vwar ki sa in arive, pour bann lannen siksesiv depi, omwen dan sa dernyen 29an depi ki Lasanble - sa Lasanble trwazyenm repiblik pe fonksyonnen.

Mr Speaker en Bidze Gouvernman ler i vin devan sa Lasanble, i vin avek en lide ki Legzekitiv, in annan lo son depans ki pou arive dan sa lannen ki pe swiv. En pe parey

nou'n vwar, sa i pa en lasyans egzakt.

I ariv, dan deroulman en Nasyon, dan lavi anyel en pep ki sa Bidze i bezwen ganny modifye. Annan de fwa parey nou ti vwar avek *COVID*, modifikasyon i bezwen al tre sibstansyel. E pour premye fwa an 2020, sa Lasanble, ti ganny demande pou aprouv en lamannman dan en Bidze, ki ti'n ganny aprouve son lannen avan.

Akoz sityasyon *COVID*, dan pei ti fer ki serten *heads*, depans pa ti pou kapab ganny *meet*.

Me osi bokou lezot, *heads* depans ki pa ti'n ganny prevwar, ti pou bezwen rod larzan pour sibvansyonnn zot. E se pour sa rezon, ki i pa ti zis en size en kestyon, en *supplementary appropriation*. Me nou ti bezwen revwar Bidze an antye tir dan serten landrwa pour kapab met dan serten landrwa ki pa ti'n ganny prevwar. Sa se en ka eksepsyonnel.

Zeneralman e nou'n vwar sa, tou le-z-an, si mon pa tronpe - Sertennman tou le-z-an ki mwan mon'n dan Lasanble, nou'n vwar ki Bidze ganny enn pti *tweaking* isi, enn pti *tweaking* laba.

E zeneralman sa i ganny fer dan en *supplementary*

appropriation. Akoz depans ki pa ti'n prevwar, i vini. E Gouvernman i bezwen, i forse pou ganny permisyon pou depans larzan.

E parey mon'n dir taler, se zis nou Lasanble dan sa pei an antye, ki kapab donn sa permisyon, avek Gouvernman pour li fer sa ki i anvè fer .

Tenir tenon sa an kont, Konstitisyon i prevwar ki ler sa bezwen i arive, i annan de fason ki sa i kapab ganny fer. Me tou le de fason, i fini isi dan Lasanble.

Akoz Lasanble parey mon'n dir taler, se nou ki annan lakle pou laport ki pou *unlock* Bidze, napa lezot, napa lezot dimoun ki annan sa lakle.

En fason ki Gouvernman i kapab fer, se anba Lartik 154(6)(b) nou Konstitisyon. E sa se Gouvernman i depanse, larzan an plis, ler i bezwen. Me i bezwen vin dan Lasanble apre ki in depanse, pou fer en *supplementary appropriation* pou kouven sa depans ki in fer.

E Lasanble, i ganny demande pou aprouv sa bann depans. Plizyer lannen pase, depi dan trwazyenm ou katriyenm Lasanble si mon memwar pa fel mwan, Lasanble ti demann avek Gouvernman, eseye otan ki posibil, pa swiv

prensip, pa swiv Lartik 154(6)(b).

E depans larzan apre vin kot Lasanble e demann Lasanble, pour ratifye sa depans. E Gouvernman ti ekout nou, e bann Gouvernman apre sa, in plito servi prosedir anba 154(6)(a), e vin kot Lasanble avan, e demann Lasanble permisyon pou depans larzan pour depans larzan an plis ki sa ki ti'n ganny *allocate* dan Bidze, e ki Lasanble ti'n aprouve.

Ordinerman sa Mosyon, i ganny fer dan lannen ki an kour. E son Lalwa i vin pli tar dan lannen ki swiv pou ratifye, sa vot Lasanble.

Sa enn ka isi nou vwar se egzaktaman sa, Gouvernman in vwar li fas a en sityasyon kot dan plizyer landrwa i pou bezwen trouv larzan, i pou bezwen ganny permisyon Lasanble, pour li depans larzan an plis ki i pa ti'n prevwar. Ki pa ti dan sa Bidze ki nou ti aprouve, lannen pase.

E i vin devan nou pou demann en sipleman R472milyon 807mil 404.81sou. Mr Speaker dan bann dokiman, ki Minis ti met devan nou e ti servi semenn pase, i annan, sa *Supplementary Budget Appropriations Mid-year Review* - en dokiman ki annan 8 paz. E

ki bann Manm i kapab, i kapab swiv.

Mon ti a kontan, al dan son wityenm paz - son dernyen paz, kot zot ava vwar son *breakdown* ant *Wages and salaries, Goods and services, Capital projects, Special Programmes of Government, Subvention to public enterprises.*

Ki bann gro laliny depans ki zot ava vwar la, ki mannyer sa depans siplemanter ki nou pe ganny demande i ariv R472milyon 807mil parey mon'n fek dir.

Me dan sa ka parey Minis in eksplik nou, dan sa enn *supplementary budget*, nou pe regard zis depans an plis. Me Minis in fer nou konpran, ki *overall* i annan serten *savings* ki pe ganny fer lo serten *heads* Bidze ki nou'n fini aprouve.

E zot ava vwar, bann Manm ava vwar lo sa wityenm paz, ki pou annan *savings* lo Bidze ki nou'n fini apropiye pou Gouvernman, of R887milyon 451mil.

Donk *overall* pour annan en, *savings* a pepre R400milyon. Me akoz ki Gouvernman pa pe pran larzan kot in *save* pou li finans sa bidze siplemanter - parey ti ava leka si nou ti a pe fer en *amended budget*.

Sa ki nou pe arive se ki, Minis Finans an servan

seksyon 26 *Public Finance Management Act*, ki donn li pouvwar menm si nou'n donn en serten sonm larzan en *head*, en serten Bidze en *MDA* par egzantp.

Minis i kapab li menm dir avek sa *MDA*, kantmenm ou'n ganny 100milyon, mon pa pe otoriz depans plis ki 80milyon. I annan pouvwar fer li, anba seksyon 26 *Public Finance Management Act*, e se sa ki i pe fer kot i pou konsern sa 800 sa *savings* 880 ekek mil Roupri.

Akoz parey nou kapab vwar taler ler nou regarde, sa se bann, Bidze ki nou'n *allocate*. Me ki sa Bidze pa kapab *take up*. Akoz, zot pa'n *recruit staff*, oubyen napa *staff* pou *recruit* oubyen zot in bezwen espere or *whatever, or whatever* rezon.

Donk i annan lo en kote en *savings* R880milyon, ki Minis Finans pou servi son pouvwar anba seksyon 26, pour li asire - akoz in donn sa lasirans sa Lasanble ki sa larzan pa pou ganny depanse.

E nou anba Lartik 154(6)(a) Konstitisyon nou ganny demande, pou aprouv en Bidze Siplemanter. So *overall* lekonomi 400milyon. Me nou, nou pe regard zis sa Bidze siplemanter. Akoz sa pou al pou bann *heads*, ki an plis ki bann

ki nou ti otorize ler nou ti pas Bidze, lannen pase.

Mr Speaker, mon pa anvi pas bokou plis letan pou egzamin, kote sa R400 ekek milyon Roupri pe vini, bann Manm ava vwar sa lo sa *schedule* ki'n ganny sirkile. E osi nou tou nou'n ganny en sans semenn pase, ekout Minis dir nou kote sa bann *heads* pour ete.

Me avek ou permisyon mon ava zis tous, lo enn de bann pli gro, *heads*.

Dan *wages and salaries*, i annan efektivman Zidisyer ki pe ganny 107milyon an plis, aköz reorganizasyon Zidisyer aköz *FTC*. E zot ava rapel ki i annan en Kontra rediksyon dan Bidze *STC*. Apre *SIF* li aköz in rekrit, nouvo dimoun. Sa se pour *Wages and salaries*.

Dan *Goods and services* bann sonm prensipal se Minister Lagrikiltir par egzanp, ki pe ganny R73milyon li, pour bann *deficit*, anba son program *subsidy*. Lazans Anti- Koripsyon ki pe ganny 63milyon an plis pou kontinyen son bann travay anti koripsyon.

Health Care Agency ki pe ganny R109milyon an plis pou en nouvo *MRI* ki lopital i byen bezwen. Mon pe koz bann gro, bann pli gro sonm la Mr Speaker.

Komisyon Lenerzi, wi sa se *goods and services*. Dan *Capital Projects* napa gran keksoz. Zidisyer pe ganny 9milyon pour *retiling* Lakour Mazistra. Ou plito pou konplet *tiling* Lakour Mazistra.

Epi Minister transpor pou R1milyon ki pa vreman tro gran. Apre anba *Regulatory bodies*, Komisyon Lenerzi Sesel pe ganny li 18milyon, ou pe demann pardon, pe demann R18milyon pou aköz ti'n en proze ki ti pe ganny finanse eksternelman in ganny koupe.

IEA i pe *expand zone* 19,20 alor i bezwen 11milyon 400mil, an plis. Bann proze sosyal, nou vwar enn 13milyon, 14milyon dizon pour lasistans tanporer, *financial assistance*.

Epi *Air Seychelles* ek *SPTC*, *Air Seychelles* pe ganny 112milyon pou finaliz peyman bann det ki i ti annan avek *Etihad*. Sa set en dernyen det pou permet, ki *Air Seychelles* i kapab liber, son bann avyon *twin otters*, pou kapab donn zot angaz avek *Nouvobanq*.

Aküz i pe pran en *loan* avek *Nouvobanq* pou repey son bann det. E vwala Mr Speaker plizoumwen, sa. *SPTC* pou *refund bus fares* ki Gouvernman ti pe *subsidize*, pe demann R11milyon an plis.

Donk vwala enn pti pe sa *make up* sa larzan ki sa Bidze pe rode an plis, sa R472milyon, ki sa Bidze siplemanter pe rode an plis.

Mr Speaker mon pa, mon napa gran keksoz poudir an plis ki sa. Parey mon'n dir taler, Minis in pran bokou letan semen pase pou eksplik sakenn sa bann *heads*. E pour satisfè bann Manm lo rezon akòz ki sa Bidze siplemanter, pe vin devan nou ozordi.

Sel keksoz ki reste mwan pou fer Mr Speaker, se pou *move* an term mon Mosyon, e pou demann sa Lasanble, sipor pour ki sa larzan i kapab ganny apropiye, pour ki Gouvernman i kapab depans li dan sa fason ki in met devan nou apre midi.

An *tenant* kont e mon repete ki malgre ki pou annan en sipleman R472mil si Bidze i pase, *overall* pou annan en *saving* 400milyon lo Bidze, 2022. Mersi Mr Speaker.

MR SPEAKER

Mersi Onorab Georges. Bon avan nou antre dan deba pour planifye nou letan enn pti pe mon ti a kontan ganny, bann Manm ki pe plan pou entervenir lo sa Mosyon, lev lanmen silvouple?

Bon mon annan 5 Manm kote isi. Ok Onorab Loze osi.

Mon annan 8 Manm pour komanse, nou a - Mersi mon'n ganny ou non. Pou komanse mon a kapab donn 15minit, bann Manm ki pe al entervenir la, bann Manm ki pou entervenir apre lo *second round* petet mon pou limit zot ankor en pe si nou vwar letan i *tight*.

Byen Onorab Esparon *segonder* Mosyon, ou ti pou adrese ou?

HON REGINA ESPARON

Mersi Speaker, mon rezerv mon drwa pou koz pli tar.

MR SPEAKER

Ou a kapab adres apre napa problem. Nou a komanse. Mon a komans kote isi avek Onorab Vidot. Mon krwar i ti lev lanmen premye.

HON AUDREY VIDOT

Mersi Mr Speaker. Mr Speaker, tou Manm Onorab zabitan Roche Caiman, Tou Manm piblik ki a lekout, bonn apre midi.

Mr Speaker i annan en ansyen Manm Lasanble, ki ozordi i en Minis dan Gouvernman *LDS*, I ti kontan dir avek Gouvernman *US*, Ki i bezwen koud son lenz dapre son kantite latwal ki annan. E sa ki enteresan ozordi, son

Gouvernman pa pratik sa ki zot ti prese e fer tou lekotrèr.

Zot in vin avek plizyer *wish list*, ki pa realistik menm si Lopozisyon ti *challenge* zot. I reste zis trwa mwan, pou 2022 terminen. E *Leadership* sa Gouvernman i kontinyen montre nou ki zot enkonpetan, pou diriz sa pei.

I annan Departman ek Lazans ki mank travayer, kalifye pour soulaz bann ki pe travay e ki pe fer louvraz son kanmarad.

E sa Gouvernman pa vwar li en priyorite, pou regard dan byennet sa travayer, e donn li sa sipor e motivasyon nesese pour li kapab donn plis e fer plis, dan son landrwa travay.

Kontrèrman zot prefere get dan *welfare* zot bann Dirizan ki li in la in fek ganny mete dan pos mwens ki 2an. Mr Speaker, nou tou nou pou dakor ki keksoz in sanze pou bokou nou bann frer ek ser Seselwa.

Zis fer enn pti letour dan nou lavil Victoria, ou menm dan bann lorganizasyon travay, ou kapab konte lo ou ledwa, kantite dimoun ki annan en souriy lo son figur.

Dan pe rod en meyer lavi, zot in ganny anbete. Anbete avek en fo profet, prometer pti donner. Ozordi i annan dimoun

ki vwar li, i nepli dan en lanplwa.

Akoz serten reorganizasyon, ki'n arive, zot apel sa sanzman. Akoz serten program travay, pou bann ki pli vilnerab in frenmen. Ankor zot in apel sa sanzman.

E i annan dimoun ki ankor pe rod en lanplwa, pour sa bann ki ankor pe rode, mwan mon dir zot kontinyen serse, pa les lebra tonbe. Mr Speaker dan nou pti pei, nou osi annan en group profesyonnel ki'n vwar zot dan en sityasyon dezavantaze.

Zisteman aköz, zot pa'n kapab pratik sa profesyon dan lekel ki zot in fer zot letid. Nou annan zenn ki pe ganny dikte, ki profesyon zot bezwen pran. E en tel sityasyon parey pa pe anmenn bokou lespwar pour lazènes Seselwa.

Sa Gouvernman i bezwen pe ankouraz travayer, pou travay, me non pa menas li. Pa senm lafreyer dan travay, me donn zot sa lespri ki nenport ler. Mon repet sa, pa senm lafreyer dan travay met dan zot lespri ki nenport ler ou kapab vwar zot perdi zot lanplwa.

Sa kalite latid i anmenn bokou lensertid parmi bokou nou bann travayer Seselwa. Sa i aplik espesyalman pou bann lorganizasyon ki pe perdi bann

travayer byen kalifye, ki'n la pou plizyer lannen.

E nou kapab vwar sa espesyalman bann lorganizasyon, ki annan bann Siperyer ki ankor la e nou'n vwar plizyer dimoun kot i annan *staff turnover*.

Mr Speaker letan enn nou bann frer e ser pe anvoy leokri e pe tap tou laport. I vedir ki son lavi i pa byen. I dan mal, i pa vedir ki i pe koz politik.

E sa lapros negativ, ki serten bann Minister, departman en lenstitisyon pe pran, i malere poudir ki zot napa en sou konpasyon pour zot travayer. Ou ki'n pas dan sa sityasyon, ki pe swiv nou ozordi ou pou konnen ou, kwa ki mon koz lo la.

Mr Speaker en gran group nou bann travayer, pe fer fas avek difikilte, pou asire ki zot bann bezwen de baz i ganny pran swen avek. Tel koman zot bann *Bill*, delo, elektrik, *rent*, *loan* lakaz. E pli enportan manze.

Akoz pri komodite i reste en pli gro defi pour nou pep ozordi. Si pa nou lo sa kote ki'n met presyon lo sa Gouvernman, nanryen pa ti pou ganny fer.

(laughter)

(APPLAUSE)

HON AUDREY VIDOT

Riye zot. Zot kapab riye.

Ler *United Seychelles* ti dir donn goute lekol, donn travayer Seselwa omwen lanmwatye zot trezyenm mwan saler, lo lot kote latab zot pe fer egzakteman ozordi sa ki zot ti fer ler nou ti dir sa. Zot ti riye. E i annan menm lo lot kote latab ki ti dir avek nou, kote pour ganny larzan?

Ti kler, ki zot in dekonekte avek realite sityasyon sa pep ki ti'n elekte zot. I annan bokou rezistans avek sa Gouvernman ki finalman, zot ekoute. Zot ekoute menm si zot in riy nou. Sa bann mezir tanporer ki zot in vin avek, zot in fer li zot, e pa neserman ozordi, ki pe fer zistis osi avek en pe soulaz sa pep ki vremen dan bezwen. Zot merit revwar.

Sa lapros donn avek lanmen drwat apre pran ek lanmen gos, Seselwa i vwar sa zwe byen kler, e i pa akseptab.

Mr Speaker, wi lemonn i ankor pe fer fas ek *COVID*. Onorab Georges an pasan in koz lo la. Me fodre sa Gouvernman i aret servi *COVID* e problem ekonomik pou abiz lo kouraz pep e traver Seselwa. Fodre zot arete sa.

Zot bann Dirizan zot bezwen donn legzanp, sa pratik fer sa ki mon dir, pa fer sa ki

mon fer, pe klerman montre nou, e pe montre pep Seselwa sa larogans pouvwar. Mr Speaker si sa Gouvernman, i kontinyen avek sa kalite latitud, zot pou kontinyelman fer pep Seselwa soufer.

In ler pou zot sanz zot *mindset*, sanz zot *mindset* re al konekte zot avek pep Seselwa. Akoz sa lalis promes ki zot in fer, sa *wish list* ki ozordi ankor en lannen ankor i fer 2an Oktob la, zot pa ankor kapab akonplir. Se tou ki mon annan pou mwan dir zot Mr Speaker. Mersi.

(APPLAUSE)

MR SPEAKER

Mersi Onorab. Mon remerci ou ki ou'n reste ase kourt. Selman mon pa la pou mwan *stand* sa bann Manm, ler zot kote. Me selman mon ti a kontan, nou *focus* en pe ladres lo Bidze ki'n ganny prezante, e nou analiz li. Silvouple.

Mon pa anvi ki sa deba i deteryor antyerman lo bann lakizasyon e kont akizasyon politik. Annou sey elev standar nou Lasanble silvouple. Mersi. Nou a kontinyen, mon ti pe apel Onorab Gill me mon vwar li in sorti, mon ava apel Onorab Aglae.

HON EGBERT AGLAE

Mersi Mr Speaker. Bonn apre midi tou dimoun ki a lekout. E tou Manm Onorab. Mr Speaker en Gouvernman, i lib parey Konstitisyon i donn li son pouvwar pour li kapab depans larzan ki i anmase atraver nou bann rezim *tax*. E sa i fer li dan en fason kot, i kapab depanse avan, e apre vin kot Lasanble pou regularize.

Ouswa i vin devan Lasanble, avan i komans depanse. Sa Lalwa, i permet li. E mon ki'n la dan enn pti moman letan dan politik Mr Speaker, ladministrasyon ki ti la avan in osi fer sa pratik. Malgre ki lot kote ki ti dan Lopoziyon, ti touzour vwar li a en pwen pou kritike kan Gouvernman ti anmenn bann Bidze siplemanter ki ti bezwen pour byennet bann servis, program *salaries and wages* ki pei ti bezwen pou kapab kit li fonksyonnen.

So la Mr Speaker i montre ou poudir ozordi zot dan gouvrenans, zot vwar li bezwen fer li, osi malgre ki zot ti kritike ler zot, zot ti dan Lopoziyon. Sa i en premye lagrenn bat latet, ki ti zot ti fer dimoun krwar poudir pei pa bezwen sa Bidze siplemanter.

Mr Speaker osi mon realize ki en pei i bezwen adres son bann program ki li, i

bezwen mete komansman en lannen ler i prezante, anliny ek vizyon ek planifikasyon en pei baze lo bann diskisyon e bann demann ki pep menm i soumet devan li.

E la i vin avek en Bidze, ki pou kapab soutenir son bann program, bann lenstitisyon ki an egzistans.

E osi pa bliy nou bann servis esansyel, ki bezwen annan en Bidze atase avek, pour zot kapab donner tel ki Ledikasyon, Lasante e bann lezot Departman enportan, pou sekirite e lezot ankor, ki fer Mr Speaker, pei i bezwen en Bidze pour li marse.

E nou, nou krwar, nou pa krwar dan blok Bidze, pou en pei pa fonksyonnen. Mr Speaker dan sa Bidze siplemanter ki devan nou, i regretab pour mwan dir poudir, mon vwar ki Gouvernman in annan en nivo inefikasite kot i konsern serten son bann depans.

E nou pour Bidze 2021, letan nou ti pe koze, malgre nou ti dan peryod *COVID*, nou ti liste serten sa bann defi ki zot riske pe fer fas avek e bann *challenge*, ki sa bann rev ouswa sa bann *wish list* ki zot ti annan, i riske pa materyalize.

E pran sa bann larzan petet ki ti pou pli fasil, met li

dan bann sipor psikososyal, apard nou bann dimoun ki pou dan bezwen, bann ki pou tonbe.

E pei li menm li ozordi kot ou pase Mr Speaker, ou vwar lo figir dimoun, ou rankontre zot. Bann ki dan problem, pou pey zot *bill*. Bann ki dan problem pour kapab ganny en lasyet manze, bann ki pa pe kapab anvoy zot zanfan lekol. E menm bann ki napa en larzan pou kapab pey sa bis ki zot in fer monte zot menm.

Tousala Mr Speaker, i en realite ki nou fer fas avek koman bann Manm Elekte, mon pa konnen si lot kote zot, zot okouran sa bann keksoz, pe pase. Me pour nou i en realite ki nou vwar, toulezour. Ki nou viv avek e ki fer poz bokou kestyon.

Eski serten sa larzan ki zot pa'n kapa depanse, pa ti kapab *divert* pou soulaz en pe sa pep, dan plas vini ek R500 tanporer, ki tou dimoun ki ti travay dan sekter servis piblik ouswa prive, ti krwar zot pou ganny R500 ki apre zot in bezwen mote fer serten *damage control* pou dir, i pou en *top-up*, akoz i annan in ganny zis R50.

E ki nou dan en prensip kot i annan, sirtou bann ki saler i lo *minimum*, ouswa bann ki pa pe kapab fer de bout zwenn anba sa R9000, nou ti vwar poudir ti pou *fair* si, donn

zot sa lasistans tanporer, donn tou dimoun R500 e la ti pou napa sa bann kalite problem administratif, ki zot in fer fas avek.

E ki annan menm dimoun ki pa'n zanmen vi devan pou demann sa larzan. Akoz i dir ou sa i en prosedir ki enn pti pe pou trenn lipye, e ki zot pa pou benefisye *in the end*. Sa i en realite.

Prezan Mr Speaker letan mon pe get sa Bidze siplemanter, kot mon vwar i annan bann gran koupir ki mwan premye fwa mon vwar sa bann kalite gran koupir sirtou. Kot i konsern plizyer milyon Roupi.

Baze lo inefikasite pou depans, kan nou annan dimoun ki pe la deor ki pe atann pou ganny en lanplwa. E ki o komansman, letan zot ti pran ladministrasyon, zot ti komans avek zot bann reform ek zot bann transformasyon parey zot dir.

E bokou dimoun ti ganny met a laport. E bokou ti relye avek, la mon poudir larealite afilyasyon politik. Malgre zot ti pe fer nou krwar ki sa pa realite, me nou konnen. Akoz levidans i la devan nou e nou konnen.

Alors ki fer ki plizyer, in perdi zot lanplwa e an menm

tan nou'n vot lo en Bidze, ki pou donn sipor ki pou annan plis *recruitment*. E nou vwar poudir plizyer Departman Minister pa'n kapab fer zot *recruitment*. Mon konpran akoz zot pa'n kapab fer zot *recruitment*, zot pa'n kapab depans sa bann larzan.

Nou rol nou lenstitisyon dan Lasanble, se pou gard en *oversight* lo depans Gouvernman e an aksyon, e bann garanti, ouswa bann lasirans ki Gouvernman i vin fer devan nou. I nou devwar ler nou kestyonnen.

Ler *LOTO* i anmenn son bann *PNQ*, pou demande lo bann depans ki ganny fer, ki nou vwar? Rod tou sa sord fason, pou nou pa ganny lenformasyon. E Minis li in vini dan Lasanble, olye vwar pli byen ki son bout nennen mon kapab dir, i rod tou fason pou atak nou dan Lopoziyon.

Kan son priyorite, sete pou ekoute desarz son responsabilite, kot i konsern son bann Minister. Al gete si ou travayer, i annan resours pou travay. Al gete si ou Departman pe fonksyonnen. Al fer sir ki tou le mwan, lobzektif pe ganny *attend* sa k i zot in *set*. Me non, ou rod tou fason, pou sey rod fason pou ridikil nou e anmenn nou dan retorik, 43an pase.

San bliye poudir zot annan en lavenir, zot annan en Manifesto, zot annan en target pour zot akonplir. Zot bliy zot fonksyon. Me mon dir zot, si zot kontinyen fer koumsa, i bon pour zot.

Lot eleman Mr Speaker, ki mon pou touse dan sa Bidze siplemanter e ler mon'n koz ek serten dimoun zot ti pe panse, kekfwa Bidze, pou adres en pe sityasyon resours dan zot landrwa travay.

Me i pa'n le ka, nou pa'n vwar gran keksoz, ki'n ganny mete o kontrer zot pe vwar koupir, koupir pe ganny dir koup isi, koup laba. E Onorab Georges atraver ou Mr Speaker i pe met sa koman en *saving*. Mwan mon pa vwar li koman en *savings* mwan. I pa en *savings* rezonnab.

Akoz i annan serten Departman, ki annan defayans, e bomaten atraver ou Mr Speaker. Minister Lasante, in vin defann son bann defayans ki li i annan, kan nou tou nou konnen. Kot nou pase, ler ou fer *door-to-door* ou vwar dimoun medikal i konplent servis. Latizann mankman i desann i ale si ti annan 3 *item* i zis 2 lo la.

Mankman *staff*, Dokter, mon konnen poudir *COVID*, ti annan bann fason fer ki ti

ganny dir poudir, be ou pa pou kapab bezwen kennsel ou lapwentman. Ti annan bann lanrezistremant. Be la ki nou'n sirmont en pe sa pa, keksoz nou pa pe vwar amelyore. I annan dimoun, pe esper lapwentman plis ki 8mwan pe al lo 1an pou vwar spesyalis.

Wi i egziste akoz mon konnen mon zwenn. I annan pasyan kanser ki nou monte desann pou vin, pran tretman be ler i arive i dir li be sa latizann napa. Bezwen retournen, reganny anvoy-e ankor.

I en realite, Mr Speaker. Bann pasyan kronik osi. Tousala i bann keksoz ki i kapab ganny adrese. E en keksoz ki Minis pa'n avoue se, eski ou annan ase resours pou ou fer ou bann *procurement* latizann.

E ler mon pe get dan Minister Lasante mon pa vwar okenn, larzan ki'n ganny mete adisyonnal. Nou pe koze poudir latizann i ser, latizann bann *non-stock item* i ser. Be si fodre met larzan an plis pou en dimoun, en Seselwa ki *tax payers money*, ganny en pli meyer swen lasante.

E ganny sa pli o nivo, ouswa pli nouvo tretman, be akoz nou pa kapab fer li? Solman nou vwar R63milyon

kapab donnen *within minutes* ACCS. Sa i akoz i en bann rev ki zot annan pou zot lager en lager e prouv serten keksoz.

Mwan napa problemm mwan, lazistis i bezwen arive dan pei. E mwan mon dir, mwan mon dir sa ki koupab ki'n fer son koripsyon i bezwen fer fas ek lazistis. Sa i enportan sa. Mon pa pou soutir koripsyon e okenn form koripsyon.

Me selman si nou kapab vwar, sa larzan pou met dan sa lenstitisyon, nou osi nou kapab vwar plis larzan, met dan Minister Lasante, e fer bann pasyan ki pe esper latizann modern, avanse. Akoz si zot konpran dan lasyans, teknolozi lasyans, nou pa kapab reste 20an pase avek menm latizann.

Akoz lasyans in montre (zot kapab riye zot), i annan serten keksoz zot bezwen aprann. Ler mon pou donn ou sa ki modern i vedir mon pou annan plis, mwens, mon pou annan mwens sipervizyon ki mon bezwen fer, lo ou. Mwens tes konpare. Zot bezwen konpran al aprann.

Alors Mr Speaker malgre bomaten, nou pa'n kapab fer sa ki nou ti anvi fer, pou demann Minis kestyon, zot bezwen konpran poudir zot annan en responsabilite anver sa pep.

E mon ti a swete ki zot osi, zot ti a demande bomaten parey nou ti fer avek ler kestyon en *PNQ* ti vini lo Lapolis ek Larme, ti *extend*, ti en size enportan lasante zot pep.

I enportan en Nasyon ki an bonn sante i en Nasyon ki pou vin pli prodiktiv. Lot eleman Mr Speaker, kot mon pou konsern kot i konsern inefikasite ancor, se ler nou, nou ti dir sa bann gro proze kapital, gro proze ki zot ti krwar petet zot pou kapab akonplir li.

Me nou, nou ti vwar akoz nou'n dan Gouvernman, nou'n vwar bokou bann defi, bann *challenges*. Nou'n annan leksperyans ladan. E ler nou dir zot pa ti pour kapab, nou ti konnen ki nou pe dir. Nou pa ti pe dir zot, zot pou fel. Me nou ti dir zot pa pou kapab.

Alors sa resours ki zot ti pe mete ladan, sa bann plizyer milyon petet zis serten ki ti pou benefisye zis bann gro kontrakter, ti kapab *divert* li dan bann resours pli nesaser, pli pratik ki ti kapab avans pei. E ek letan pei, lekonomi pe redrese, nou ti kapab dir be *by* 2023-2024 nou ava komanse. Nou ava akonplir sa bann, e ler zot ava tal zot plan ater.

Me zot non zot. Zot dir nou annan en ba ton mazik, nou pe al fer lopital, nou pe al fer isi,

nou pe al fer laba. Be i pa mars koumsa *mes cher amis*, fodre zot aprann. Mon konpran zot fek antre dan gouvènan, zot pe aprann. Pti pa pti pa parey i dir, pti pa pti pa zot ava arive.

Lot konsèrn Mr Speaker, kot konsèrn Bidze li menm, i annan bann Departman parey *Local Government*, mon pou sit li ki ozordi, la nou'n ariv Septanm, byento nou pe al Oktob, larzan in ganny mete, pe fer prosedir, *procurement*, *tender* lot, lot. Nanryen, prezan ki pe al, i annan ki pe *tender*. E mon asir ou isi lo sa kote latab, nou bann distrik bann Manm ki'n ganny elekte, napa byen, byen proze ki'n fini materyalize.

Me par kont, ler nou ti dan Gouvènan nou, nou ti ganny kritike. Pa pe marse, pa pe bouze, ozordi pou ou ganny en pti led, pou ou koup en pye dibwa en dimoun, ou bezwen fer letour sa gran *roundabout* Plaisance laba.

MR SPEAKER

15 minit Onorab.

HON EGBERT AGLAE

Wi Mr Speaker. Konmsi i enportan pour nou ler nou komans montre ledwa. Akoz nou konnen pe vin montre ledwa 43an lo nou. Nou

konnen, sa zot retorik, zot pou vin dir nou sa zot.

Ler zot pe montre ledwa, lo nou bes osi get sa ki dan zot lizye osi, pou konpran eski zot kapab fer pli byen? Eski zot pe fer pli byen?

Be pa sa ki mon pe gannyen deor avek, sa *vibes* Lepep ki deor. Bokou regre la deor lo figir dimoun, bokou regre ki'n mon'n dir mon'n donn zot sa vot. E nou pou tir li.

(APPLAUSE)

HON EGBERT AGLAE

Pa mwan ki dir sa, dimoun ki koze ki dir deor.

E Mr Speaker pour mwan, mon swete ki ler nou vin ek en lot Bidze, i a vin en Bidze ki pe get sa pep, e pa vin en Bidze bann *wish list*, ki pa pou akonplir, ki pa pou abouti.

E pour terminen Mr Speaker, nou koz lo *Grant*? A en moman letan si mon pa tronpe 2018-2019. Lopozisyon, *LDS* ti dir nou, nou ti fer Bidze '*Made in India*.' Mon rapel sa tre byen mwan. Mon rapel sa tre byen. Be ozordi ki nou vwar, be lekel ki pe al rod *Grant* dan bann diferan pei?

Sa *UAE* ki zot pa ti kontan, sa Arab ki zot pa ti le, ozordi i ganny mete lo en plato. Be sanmenm mon dir, be sa

lagrenn bat latet la annou fer sir ki mannyer nou plant li.

MR SPEAKER

Konklir Onorab *please*.

HON EGBERT AGLAE

Akoz Lepep Seselwa in ar kler, e in fini vwar zot, tre kler. Sa ki zot in vann li an 2020, I dir pou rann zot an 2025. Mersi Mr Speaker.

(APPLAUSE)

MR SPEAKER

Mersi. Mon a donn laparol Onorab William.

HON WAVEN WILLIAM

Mersi Mr Speaker. Mr Speaker mon pa pou tro long lo sa rezolisyon pour sa Bidze siplemanter. A en sonm 472milyon 807mil 404.81 sou. Mr Speaker i pa en fenomenn ki en nenport Gouvernman, i anmenn devan son pep en Bidze siplemanter. Malgre tou sa ki'n ganny dir pa bann Manm, ki'n koze oparavan. I pa en fenomenn.

E nou pa devret pe anbet pep Seselwa, la deor pou krwar poudir, sa i en lenvansyon *LDS*, me i en pratik mondyal ki ganny fer par en nenport Gouvernman.

Mr Speaker, mon anvi kontinyen par dir, mon remerisi Bondye pour lasazes avek pridans ki'n donn nou bann Dirizan pou kapab pran bann desizyon brav Mr Speaker.

Depi ler ki nou annan sanzman, gouvernans dan pei. Mr Speaker mon osi, anvi remerisi lafors travayer Seselwa, ki malgre dan sa sityasyon lensertitid mondyal, bann difikilte ki sak pei pe fer fas avek pou zot seye pou rezourd zot prop problemn nasyonal Mr Speaker. Mon li remersye sa pep ki pe solider.

Mr Speaker, mon pa pe dir k i tou keksoz i perfe. Me sa ki mon kapab dir se ki bann mezir ki'n ganny pran, ti neserer ganny pran, malgre ki serten pa pou tonm dakor avek.

Me Mr Speaker koman bann politisyen nou bezwen, osi onnet e anmenn serten politik kredibilite an fas avek bann problemn, ki nou tou nou konnen.

Avek tou sa bann febles ki Sesel, koman enn Pti Leta Zil, i fer fas avek ki bann plizyer Lasanble, oparavan Mr Speaker, nou'n fatigue koz lo la. E ki nou konpran.

Mr Speaker, bann depans ki pe ganny fer Mr Speaker, Minis in koz lo la. Me mon ti a kontan tous lo enn de pwen ki

mon santi ki, letan Minis in koze. I annan sa nesesite, pou nou met lanfaz, ki dan Bidze 2023, e dan bann program planifikasyon, a lavenir ki sa bann pwen i ganny tenir kont Mr Speaker.

Mr Speaker par egzantp ozordi nou vwar bann retar ki pe gannyen pou *recruit* travayer profesyonnel. Mr Speaker dan sa lemonn globalize, e avek sanzman nouvo Gouvernman in erit en kantite problemn.

E bann lesey par ansyen Gouvernman pou sey, fer keksoz. Me letan, in annan sanzman nou'n vwar poudir, i annan bann desizyon ki ti kapab ganny pran oparavan, ki pa'n ganny pran vit.

Par egzantp si ou pran nou lafors travayer ki ozordi, dan plizyer sekter nou bezwen pe enport travayer etranze Mr Speaker. E nou menm nou, nou'n etonnen parfwa letan Minis in vin devan, poudir dan ki kalite pos e sekter ki nou bezwen enport bann travayer etranze, ki ozordi nou napa.

Mr Speaker la nou pe koz ekonomis, e pou ou tande poudir bann program ki *UNISEY* pe prezant devan dan *Business Studies* ou pa, napa ekonomis ozordi, ki pei pou kapab benefisye avek.

So mwan mon anvi lans en lapel, avek nou Gouvernman se ki:-

Enn, parey Minis in dir ki letan zot vin avek Bidze 2023, nou osi ganny en lide lo lefe ki zot in kapab, bann plizyer Lazans, Lanplwa, Ledikasyon *ANHRD*, *UNISEY*, pou nou kapab regard enn pti pe e fer pep konpran poudir wi, nou pe al adres sa problemn, en problemn ki depi ansyen Gouvernman, nou'n fatigue koz lo la.

Me nou pa kapab zis koz lo problemn Mr Speaker, nou bezwen prezant sa pep avek solisyon. Akoz si nou anvi al devan e retenir deviz dan pei, me ler ou pe enport travayer etranze. Se deviz ki sorti.

Alors mon pe lans en lapel ki enn nou kapab, ganny en program ki pe montre pep Seselwa avek sa Lasanble, ki enn, sa problemn pou ganny adrese ki nou pe fer bann sanzman dan bann program letid.

Mr Speaker lot pwen ki mon anvi avanse, se ki ti annan sa sizesyon, mon krwar ti ganny anmennen par Onorab Churchill Gill, ki mon krwar poudir i merit petet ganny konsidere. Sa i konsern *Grant* Mr Speaker. Eski i normal, pou nou met avek *the whole budget*

package ouswa nou fer li en *addendum*.

Akoz i pa larzan ki ou'n ganyen ki ou annan la dan kof. Me nou pe koz lo bann *Grant* ki pa ankor arive dan kof. Eski nou pa devret met li, lo en bout separe avek sa dokiman *Bidze. The whole budget* ki nou separ li e koumsa nou a kapab annan en lide egzaktman, ki manner keksoz pe ganny prezante.

Mr Speaker i annan bann komanter ki'n ganny met devan la ki pour mwan i pa fer sans. Akoz ler ti annan sanzman, sa Gouvernman ki ler in pran administrasyon, i ti bezwen pran bann desizyon brav, sarz e pridan.

Mr Speaker be ozordi si nou pe reklanm, ouswa pran leloz lo trezyenm mwan saler, nou ki'n fer trezyenm mwan saler retournen, kan an premye lye, nou ti kont kanpany vaksinasyon, nou ti kont louvertir Erport boner. Mr Speaker be ozordi nou pa ti pour la.

Nou pa ti pe koz lo trezyenm mwan saler!

(APPLAUSE)

HON WAVEN WILLIAM

E nou pa ti pou kapab anmenn tou sa bann keksoz ki ansyen

Gouvernman in seye pou fer. Me ki ozordi nou pe sey reklanmen anba sa, avek sa nouvo Gouvernman. 2an apre Eleksyon Mr Speaker, be pou mwan i pa fer sans.

E prezan zot pe dir be *ah* be ou ti promet isi, ou ti promet laba, be pa konpar sa avek 43an dan 2an. E priyorite sete adres lekonomi.

(APPLAUSE)

HON WAVEN WILLIAM

Priyorite Mr Speaker, se adres lekonomi pou nou kapab fer bann sanzman e redistribye sa larises.

Me si ou napa larises Mr Speaker, ou pa kapab fer nanryen. So si nou pe dir ki, si pa ti zot, si pa ti zot pouse pou Gouvernman fer tou sa bann keksoz, sa zot ki'n dir. En Manm lo lot kote -si pa ti zot ki ti fer sa. Be mwan mon a dir se ki si nou ti ekout zot. Nou pa ti pou ariv la Mr Speaker.

(APPLAUSE)

HON WAVEN WILLIAM

Mr Speaker avek sa de pwen, Mr Speaker mon anvi dir ki napa nanryen mal ek sa proses, e mwan mon pou siport sa rezolisyon anmennen par Onorab Georges pou vot pour

sa Bidze Siplemanter. Avek sa mon dir ou mersi.

(APPLAUSE)

MR SPEAKER

Mersi Onorab. Mon a prezan pas kot Onorab Loze.

HON JOHAN LOZE

Mersi Mr Speaker. Mon vwar kantmenm mon dernyen lev lanmen, mon pas dan bann premye menm. Mr Speaker, annou komans avek kwa ki IMF, i annan pou dir.

“As part of its COVID 19 relief response the IMF extended its financial assistance to 90 counties, using its Catastrophe Containment and Relief Trust and various lending facilities, including the rapid credit facility and extended credit facility.

The programs were aimed at providing grants for debts relief as well as concessional financial assistance to low income countries, hit hard by the pandemic in some Africans countries; such as Sierra Leone, Senegal Madagascar, Mauritania and the Seychelles.

The IMF started including social spending flaws, to ensure budgetary support from recipient nations for social support, health and education

amongst vulnerable populations.

Since the pandemic started, we have provided emergency financing with a strong focus on immediate fiscal support. There is no ex-post conditionality on emergency financing. Our message has been clear, spend what you need to save lives and livelihood. Besides emergency financing nearly all IMF supported approved or augmented since March 2020, include conditionality aimed at protecting social spending.”

An IMF spokesperson to a Foreign Policy.

Ekout mwan en kou la, les mwan konpran byen. IMF in donn zot larzan pou investir dan sa pep atraver, programm sosyal. Se sa ki mon'n lir la?

Fon Monneter Enternasyonal, FME dan larzan ki in donn zot, in donn zot larzan pou investir dan sa pep atraver programm sosyal. Be zot en bann -! E eski i annan mon pour dekrir zot, zot?

Eski i annan parol, ki kapab ganny servi pou dekrir zot, zot? Zot mont kot IMF i donn zot larzan pou investir dan sa pep, e zot, zot les sa pep soufer. Zot les Seselwa soufer apre zot vini zot enpoz R10 goute lo zanfan. Par lo la zot

pou vini, nou Gouvernman in met goute. *IMF* in donn zot larzan!

Black and white IMF i dir, in donn zot larzan. Pou sipor bidzeter, pou program sosyal, be konmsi ki ras kalite zot? Zot vini premye keksoz zot fer zot ogmant pri bis, ogmant pri bis.

Bezwen osterite Bidze, problem ki nou ladan e patati, patata. *IMF* in donn zot larzan. E zour mon kestyonn sa Minis la anndan, lo ki bann Lagreman in fer ek *IMF*. Ou konnen ki i ti dir mwan. "Ah, ou zour mon ti eksplike, ou ti swazir pou *work from home* ou."

Be *from home, from the office, from* en rigol kekpar, sa Minis pa'n zanmen dir person ki *IMF* in donn li larzan pou siport program sosyal. *Not once* ki okenn dimoun dan zot Gouvernman in posed, kouraz pou dir sa parol.

La prezan zot vin dir nou, problem ki zot in erite? Erite la, *its something that happened to you*, ou erit en keksoz ler en dimoun i mor, *it happens to you*. Ou napa kontrol lo la, i pa en aksyon ki ou pran.

Zot in deryer sa pep, pandan 30an pou donn zot sa pei pou *run*, zot pa'n erit nanryen zot. Zot in demande finalman in donn zot. Ki zot in

erite, erit kwa? Ki problem ki zot in erite?

Ler zot in demande zot in demann bef, zot in demann korn, dile tou. Pran tou sa ki zot in gannyen? Erit kwa, zot pa'n erite zot in demande. Demande in donn zot, sonny li ek son piti tou prezan. Sonny li ek son kat senk batar *whatever* kantite i annan.

Zot pa'n erite zot, aret dir nou zot in erite. Zot in rode, zot ti konnen ki zot ti pe rode. Sel keksoz ki zot pa ti konnen se zot *gross ineptitude* ek zot konplet inabilite pou fer sa travay! E zot konnen kwa ki Seselwa pa konnen li, zot nivo dezonnekte.

Seselwa pa konnen ki kantite, dezonnekte zot dezonnekte. Seselwa pa konnen, kantite mansonz ki zot ti pou vin koze avek li. Ou konnen letan ou asiz la anndan, ou obzerv e n kantite keksoz ou tann en kantite keksoz.

En Minis i vin la anndan, e fonksyon primer bann, Minis konmela la anndan se pou bous nou. Zot pa pas lenformasyon, zot pa diskite, zot pa koz avek dimoun deor, zot pa sezi loportinite en kestyon pour zot eksplike.

Zot vin la anndan pou zot bous Sebastien Pillay. Onorab Pillay i demann en kestyon, Minis i asiz la devan i dir ou'n

anbaras mwan la. Akoz la konmsi ou pe dir i annan de kalite Seselwa, i annan Seselwa ki aletranze, e Seselwa ki isi Sesel. E ou pe dir nou ki i de kalite Seselwa.

Ekout kot Minis i entrodwir en size la, e i enteresan. Mwan mon annan mon de garson ki viv aletranze, eski ou pe dir nou, poudir mon de garson pa Seselwa akoz zot viv aletranze?

Minis in dir nou si nou, nou pe entrodwir de kalite Seselwa, apre in entrodwir son de garson dan konversasyon. Mon akont zot en zistwar, *for years* Polisi Minister zafer etranzer se en *graduate* avan i ganny poste dan en Lanbasad. I travay en *minimum* 3an in *country*, 3an. E zot *LDS* zot konn sa tre byen zot.

Dan dernyen Lasanble zot in lager la anndan pour sa bann keksoz. *Over and over* zot in koz lo la. Konnen ki'n arive ozordi? garson Minis in ganny poste *New York* i pa'n zanmen travay en zour *in country*.

Son prop garson ki li in entrodwir dan deba dan konversasyon, in ganny poste in *New York*.

Be lekel ki'n kree de kalite Seselwa la? Nou? Onorab Pillay ler in poz sa kestyon. Lekel ki'n kree diferans ant zanfan en

Minis avek bann lezot *graduate* ki pe *faithfully serve out* zot 3an dan Minister. Pe espere pou zot ganny en *overseas posting*, ki li son garson i ganny *the crown jewel of Foreign Affairs postings*. Zot vwar en pe se sa ki'n arive.

Les mon al lo en sitasyon en moman, mon pour lir n sitasyon avek zot. Ok. "Olye soulaz soufrans nou bann dimoun ki dan bezwen, Leta in prefere fer lekonomi pou montre zot dirizan *IMF*, ki i konn fer politik ser sang. I fasil pour sorti avek en sirplis kan dan ou Bidze ou met bann gro sonm, ki ou pa touse." Wavel Ramkalawan, 2010 letan i ti pe koz lo en sirplis bidzeter 168milyon *left over from* Bidze 2009.

Se la ki mon dir zot mon pa rekonnet zot, mon nepli rekonnet zot. Ozordi zot vini, zot pe koz nou lo en sirplis bidzeter R400milyon. Ki zot in fer *from* sa bann menm gro sonm, ki zot in met dan Bidze apre zot pa'n touse, ouswa zot pa'n kapab touse, akoz nou ti warn zot ki zot pa pou gannyen.

Selman zot pe ensiste ek nou poudir i annan en *savings* 400milyon. Sa se en keksoz, ki al kont tou zot bann swadizan prensip. E se la kot zot pe ganny problem ek zot bann siporter zot. Parske bann *SNP stalwarts*

pa rekonnèt *LDS*. Pa rekonnèt okenn zot, ni zot Prezidan. Pa rekonnèt, zot in fer en konplet 360 degre *volte fast from* zot prop prensip pou kot zot arive ozordi.

Ozordi zot pe sant leloz, *savings* dan Bidze *from* bann gro sonm. Ki mannyer Onorab Ramkalawan ti dir li. “I fasil pou sorti avek en sirplis, dan ou Bidze kan ou met bann gro sonm dan ou Bidze ki ou pa touse”.

Ozordi zot pe sant leloz bann gro sonm ki zot in zis met dan Bidze pou zot pa touse. E zot pa e touse, sa bann sonm. E zot dir nou i annan, en *savings* 400milyon. E la ozordi zot in vin devan Lasanble, avek lenstriman ki nou pe ganny eksplike sa pa zot lenvansyon, i en norm enternasyonal. Tou pei lemonn ... Be se la kot zot bite zot.

Zot in ganny zot, 30an pour zot edik sa pep fer zot konpran sa Nasyon. Si zot ti'n pas 30an, pe edik Lepep Seselwa poudir, en Bidze Siplemanter i en lenstriman, normal, natirel e korek, pou annan dan en pei, be pa nou ti pou *ok*. Be pa nou tou nou ti pou *ok* ozordi? Zot in pas 30an sak fwa en Bidze siplemanter i vi ni, zot gele zot finyole. Napa ki zot pa'n fer.

Ozordi zot le sey fer Seselwa konpran ki i normal, be i kont zot prensip. E Seselwa pa rekonnèt zot.

Akoz sa ki zot pe fer i kont zot prop prensip. E zot prop prensip ki zot in profese, pandan 30an. Pa bon pa fer Bidze siplemanter pa anmennen sa bann keksoz, devan Lasanble.

Swa zot ti lalang, pandan 30an zot in koz lalang ek sa pep. E zot in pey tiket antre *State House* avek mansonz, ouswa ozordi ki zot lalang. E zot nepli krwar dan zot prop prensip. *But either way it's on you*. I pa lo mwan, *it's on you*, zot ki napa prensip.

Mr Speaker, i annan en pti fraz an Angle ki dir ou, *the devil is in the details*. Minis in vini semenn pase in fer en *statement*, in prezant nou gran, gran leksplikasyon. Be i annan bann *heads* ki li in nou ki nou pa konnen detay ladan nou.

E menm si ou anmenn zot devan la pour demann zot en kestyon, ou pa pou gannyen. Krwar mwan anmenn en Minis la devan, demann li en *PNQ*, pa fer okenn sans *anymore*. Be sa ki nou pa konnen nou dan sa bann *heads* ki'n dir nou, larzan *Kenyatta* i ladan.

Sa bann *hotel cancellation* ki apre zot in bezwen peye la, i

ladan, sa bann bout ki Minis i dir nou i pa konnen si annan plis, si napa i ti deside koz ek lanmen sa zour i ladan.

Larzan *private jet* i ladan, larzan lanterman Larenn i ladan li? I pa ladan? Larzan bal al donn bal *New York* i ladan li? Larzan *FA4GR* ki ou pe dir, Onorab ti servi pou ed biznessmenn Seselwa, *including* sa *DA* ki ti deklar son lekor koman en *florist*.

E i ti al pran larzan *FA4GR*, apre ki i ti'n kanpany avek Onorab laba lot kote. So larzan *FA4GR* in ed zot bann aktivis, in ed zot bann siporter, in ed Seselwa. Si i annan ki'n abize, zot Gouvernman al rod larzan labi ki Seselwa abize.

Seselwa ki'n abize! Pa *United Seychelles*, ki'n abize lo *FA4GR*. *United Seychelles* in sov, lanplwa ti la pou pey lanplwa travayer li e in peye saler travayer Seselwa, dir nou mersi, nou'n byen fer. Aksepte.

(APPLAUSE)

MR SPEAKER

Onorab Larue, ou'n ase koze.

HON JOHAN LOZE

Mr Speaker.

MR SPEAKER

Mersi.

HON JOHAN LOZE

E *Grants* lo kestyon pa met *Grants* dan Bidze, largiman pa nou largiman. Largiman lo kestyon pa met *Grants* dan Bidze ti ganny fer, par Vis-Prezidan Ahmed Afif ler i ti asiz la anndan. Zour i ti fer Lepep Seselwa, annan antye krwar poudir in *freeze* R150milyon dan Bidze. E ti en lalang sa, ti en mansonz i pa ti *freeze* nanryen. Ti napa nanryen pou *freeze*.

Sa 150milyon ti reparasyon Topaz apre ti en bann veikil ki zot ti'n donn Lapolis ek Lopital. Sa bann lanbilans k i zot dir bis *burger*, la ti'n fini arive, mon krwar i ti dan sa 150milyon li osi.

E i ti fer bann bon largiman, lo akoz ou pa met *Grants* dan Bidze. Apre ou pa resevwar *Grants* e ou tante, ou tante pou depans larzan *tax*, atraver Bidze pou ou kouver sa depans ki ou ti'n bidzete pou fer avek larzan *Grants*.

Parey in ganny dir Lopital La Digue pou al fer. Apre zot revire, zot dir non ti pou fer ek *savings*, la pa pou fer ek *savings*, *Abu Dhabi* ki pou donner.

Zot nivo pa konnen ki zot pe fer i *border* lo nivo dimoun fou. Seryezman en. Zot nivo pa

konnen ki zot e fer, *is borderline mental illness*. Apre ki zot in dir nou *Abu Dhabi* in f ni donner sa. *Abu Dhabi* in fini donner, ti'n fini gannyen larzan pou Lopital La Digue.

Apre i bezwen fer ek *savings* la *Abu Dhabi* in donner ankor. Zot konfizyon, enkrwayab!

Mr Speaker lo trezyenm mwan saler, mwan Johan Loze mwan. Ler ti fer Bidze pou sa lannen, mwan mon rapel lager pou trezyenm mwan saler pou donn pep Seselwa. Mon rapel pran sa pozisyon kantmenm lanmwatye, silvouple donner mon sipliy ou, mon enplor ou Minis - donner, napa enn zot laba.

Napa enn zot ki ti annan kouraz, dir ek zot Gouvernman kantmenm lanmwatye donner silvouple. Sipliy ou Minis. Ni sipliy zot prop Minis, zot pa kapab! konmsi ni pou tonm lo son zenou avek li lo non travayer Seselwa, zot ti napa kouraz pou fer.

La ozordi vin rod nou si pa ti'n ouver Erport, be Erport ki sa, i pa'n zanmen ouver Sesel li?

MR SPEAKER

15minit Onorab.

HON JOHAN LOZE

Yes Mr Speaker. Erport pa Erport se *United Seychelles*, ki pandan sa dernyen 2an in debout akote travayer Seselwa. In debout akote fanmir Seselwa, pa zot. Zot, zot labous in soude dan palto zot. Zot in soude dan alawenns palto zot.

Nou ki debout akote travayer Seselwa, nou ki debout akote Seselwa. Pa zot! Pa vin dir nou diferan ozordi. Pa vin sey fer sa pep krwar ki zo t in finalman ganny kouraz ozordi, parey en bann '*Johnny come lately*' pou vini.

Ler i donn 5sou, vini dir la in donn 5sou. Letan ti dir pa kapab donner, pa ti kapab dir ek zot Gouvernman be donner silvouple. Kantmenm pa montre li ledwa, be tonm lo ou zenou sipliy li.

Dir li pou lanmour de *Dieu* ed sa travayer Seselwa, zot pa ti kapab, mwan mon ti fer mwan!

Mon ti annan kouraz pou fer. Ozordi si travayer Seselwa i ganny kantmenm lanmwatye, mon dir mersi pour sa lanmwatye. Mersi mon dir pour sa lanmwatye ki a gannyen.

Mon'n demande, kantmenm lanmwatye mon'n demande. E zot pe fer sa ki *United Seychelles* in dir zot fer. Zot pou fer sa ki *United Seychelles* in dir zot fer dan sa pei! E 2025 la, zot a pran zot pti

bataklan, zot a met lo zot ledo zot a pakte zot ava ale! Mr Speaker.

(APPLAUSE)

MR SPEAKER

Mersi Onorab. Mon a pas laparol Onorab Gill.

HON CHURCHILL GILL

Mersi Mr Speaker devan nou i annan en Bidze Siplemanter pou en sonm R472milyon 807 mil404.81, i normal pou nou annan Bidze Siplemanter. Me selman mwan mon krwar an menm tan nou bezwen gete ki pli bon fason nou kapab fer sa. Baze lo sa bann diferan sityasyon ki nou'n fer fas avek.

E par egzanp sa siplemanter, nou'n vwar ki in annan bokou keksoz ki ti dan Bidze ki pa'n ganny fer. E larzan i bezwen met lezot, dan lezot depans. I pa en problem sa aköz, koman siplemanter i normal pou fer sa bann keksoz.

Me selman dan mon lentervansyon mon anvi nou evalye, sa Bidze Siplemanter, pou vwar si petet napa en pli bon fason fer, pour nou kapab annan en Bidze siplemanter, ki petet pli ker e pli direk.

Anba *wages and salaries*, nou annan en total R63milyon ki *delay in recruitment*. I en

kantite larzan, e lannen pase nou'n vote pour tou sa larzan ganny depanse pou *recruit* bann travayer dan diferan *MDA*.

Ler en sonm dan sa kantite i aparet dan Bidze siplemanter, nou devret pe demann nou lekor, plizyer kestyon.

Alors mon krwar analiz s in ler pou revwar, bann alokasyon Bidze, pou *recruitment* dan tou bann *MDA*. I kler ki annan en problem serye. Konsernan la baz ki sa bann sonm alokasyon i ganny deside. Oubyen i annan en konsern serye, dan lafason ki *recruitment* i ganny fer, dan sa bann *MDAs*.

Akoz *delay in recruitment* i kontinyen aparet dan *Mid-year Review*, sirtou avek en sonm tre sibstansyel. In plis ki ler pou en legzersis ganny fer, pou vwar si sa kantite larzan pou *recruitment*, i devret kontinyen ganny met dan Bidze.

San ki annan en plan konkret, pou asire ki sa bann pos i ganny ranplase, avek sa i annan lezot konsern ki leve. Ki benefis, ki sa bann dimoun, dan sa bann seksyon spesifik ki pe kontinyen delivre pou Minister fonksyonnen.

Menm si sa Minister, i *understaffed*, kestyon se ki sa bann *staff* i gannyen an term

benefis, pou kouver pandan en lannen antye, pour kontinyen kit Minister fonksyonnen avek mwens *staff* ki *payroll* i egzize.

Anba *Goods and services* en sonm, pe donn Departman Defans, pou pey elektrisite avek karbiran. Mon swete ki avek sa alokasyon, in osi fer Departman Ladefans, konn vre konsonpsyon elektrisite, e karbiran, pour ki i ganny mete dan Bidze 2023, pou ede redwir lakantite larzan, ki bezwen ganny donnen dan *Mid-year Review*.

Mr Speaker ozordi sa lemond ki tre avanse, lo teknolozi, e bokou Seselwa i *travel* otour lemond, i neseler pou bouz paspor Seselwa, lo sa lot nivo lo *e-passport*.

Me i tre enportan ki sa sonm R9.2milyon ki'n ganny donnen, i ganny servi strikteman pou fer sa *e-passport*.

Mr Speaker Departman Lapolis in ganny li, en sonm R10 milyon 484mil.

Sa i en sonm tre sibstansyel, pou provizyon sekirite. Mon swete ki distrik Baie Ste Anne, Lapolis i a kontinyen ganny sipor pour asir lord ek lape dan distrik.

Minister Lagrikiltir in ganny li en sonm R73milyon,

pou kontinyen asiste bann fermye avek *subsidy*.

Sa i en sonm tre konsiderab, mon swete ki tou fermye ki devret benefisyé anba sa *subsidy*, zot a kontinyen benefisyé, pou asire ki zot kontinyen fer zot travay, pou siport zot kominote e pei an zeneral. Biro Anti-Koripsyon, in ganny li en sonm R63milyon, pou asiste avek son travay ki i a pe fer.

Mr Speaker mon dakor ki ACCS i ganny lasistans kot i neseler. Kestyon se pour ki kantite letan ankor, ki ACCS pou bezwen ganny asiste? E konbyen sonm ankor? Mon swete ki sa prozeksyon R63milyon a kapab siport ACCS, ziska ki son travay a konplete.

Pour asire ki lasante piblik, i ganny meyer swen, en sonm 109milyon pe ganny donnen pour Minister Lasante.

I tre enportan ki lekipman neseler, i ganny donnen ler i neseler e kan i annan resours pour aste.

Industrial Estate Authority, pou benefisyé avek en sonm R11milyon, pou kontinyen fer bann lenfrastruktir, lo bann *zone* endistriyel. Pou benefis bann biznes, ki lo later endistriyel.

Parey Minis in enformen dan sa Lasanble semenn pase, mon swete ki *tender* pou bann biznesmenn lo Zil Eve a ganny donnen tre byento.

Komisyon Lenerzi, ek *Health Care Agency* zot tou lede, zot in bezwen ganny en sonm R18milyon, e R7.9milyon respektivman pour rezon ki *foreign Grant* pa'n ganny materyalize.

A sa pwen i enportan ki Minister Finans i fer refleksyon serye, lo sa size *foreign Grant*. Bokou lenformasyon i ganny donnen dan letan Bidze, lo bann proze kapital, ki apre zot pa ganny materyalize, rezon se *Grant* pa'n ganny resevwar. Menm sityasyon avek sonm ki ganny mete dan Bidze pou *recruitment* dan *MDA*.

Pour lasistans tanporer en sonm adisyonnal, R13.9milyon pe ganny donnen ziska Desanm 2022. Donnen vre sityasyon ki serten group dimoun pe fer fas avek dan sosyete, i annan nesosite pour revwar sa sonm ki pe ganny donnen an se moman, pour ki sa group dimoun i a kapab pli byen ganny soulaze.

Tou travayer *Air Seychelles*, i devret pe reste dan zot lanplwa, kot Gouvernman i santi i kapab siport det *Air Seychelles* i devret kontinyen. Sa sonm R112.6milyon, pou fer

egzakteman sa. Seselwa in siny bokou Lagreman aletranze. Pou bokou letan koman en pei, nou pa'n zanmen fer en legzersis pou vwar kwa ki Sesel pe benefisye, avek lekel.

Mon konpran, ki finalman en legzersis in konplete, e en desizyon pou ganny pran lo sa size. Sa sonm R5.5milyon ki pe ganny donnen, se pour pey bann diferan lorganizasyon enternasyonal, ziska Desanm 2022.

SPTC depi son formasyon ti kler ki Gouvernman pou bezwen sibvansyonn parti son loperasyon. En sonm R11milyon pe ganny donnen pour ed son loperasyon.

Mr Speaker mon swete ki Minis Finans a kapab revwar byen lafason ki Bidze i ganny prezante e striktire a lavenir.

Mon propoze ki tou bann *Grant* ki pei i ekspekte gannyen, i ganny atase avek Bidze koman en *annex*, dan plas enkli li dan konteni Bidze total, ki Lasanble i bezwen aprouve.

Pou evite koman en pei nou fer bann lanons lo *Grant*, zis pou ganny tire apre dan *Mid-year Review*. Akoz pa'n ganny materyalize. En legzersis ki pe repet son lekor tou-le-z-an. Mon swete ki en travay i a ganny fer, ki tou sa bann diferan laspe dan Bidze a ganny

trete, dan en fason
profesyonnel. Mersi Mr
Speaker.

(APPLAUSE)

MR SPEAKER

Mersi, mersi Onorab. Mon
krwar nou a kapab pran en poz
la. E nou a rebran deba 4.15.
Mersi.

(BREAK)

MR SPEAKER

Mon a donn laparol Onorab
Woodcock.

HON WAVEL WOODCOCK

Mersi Mr Speaker. Mr Speaker.
Mon pou bezwen komanse par
an dizan ki enn ler nou vin dan
sa Lasanble i enportan ki kalite
politik nou'n vin fer. Nou pa
kapab zis vini fer bann politik
iresponsab e bon marse. Zis
pou sey anbet nou pep ki la
deor.

I annan en *statement* ki'n
ganny fer regardan *IMF*. Mr
Speaker i pa premye fwa ki nou
pei, i anbank lo en
microeconomic reform. I le
rezondet ki *IMF* in ed nou dan
lepase. In *loan* nou larzan dan
lepase, se aköz pou ed nou pei
ler nou ti dan bann sityasyon
kritik, kot nou pei ti bezwen

balans nou bann peyman. E osi
nou bann det a leksteryer.

E ozordi nou pei in akimil
sitan bann gran, gran kantite
det, aköz? *Mismanagement*
resours e reveni nou pei.

E parfwa osi i aköz, bann
sityasyon *external* ki nou pei in
fer fas avek. Sirtou la resaman
avek sa sityasyon *COVID-19*.

Mr Speaker i bon note ki
an 2008, ler nou ti fas avek,
nou ti bezwen anbank lo en
program

Reform
Makroekonomik, avyon ti pe
vini, avyon ti pe apoze, touris ti
pe debarke. Me *yet* nou Seselwa
ti kapab, selman travel avek zis
enn pti 300 ek enn pti \$400.

E sa ti ariv aköz
mismanagement reveni ki nou
pei ti pe anmase. E la
dernyerman, si mon pour lir en
bout lartik ki ti ganny fer apre
dernyen vizit, ki Sef Misyon *IMF*
ti vin Sesel, ti annan sa ki ti
ganny dir.

*“The IMF is supporting the
economic reform program of
Seychelles an archipelago in the
western Indian Ocean, with
\$107million lending
arrangement under the
Extended Fund Facility, (EFF).”*

Sa lartik i annan en bout
enportan ki dir *“Seychelles an
archipelago in the western
Indian Ocean embark on the IMF
reform program with the*

objective to restore macroeconomic stability and debts sustainability whilst strengthening the post COVID-19 recovery.”

Sa i rezon prensipal aköz *IMF*, ti donn nou in met sa larzan a nou dispozisyon pou ed nou kapab recover Mr Speaker pos-*COVID-19*. E i iresponsab of us pour nou vin devan sa Lasanble, e sey anbet lepep Seselwa pou dir zot, poudir *IMF* in donn nou sa larzan pou nou zis partaze, e donn tou dimoun. Pa koumsa *IMF* i marse Mr Speaker.

Ler *IMF* i donn en pei en finansman, se pou ed li *restore economic stability* dan son pei, pou ed li repey son bann det eksteryer. E son bann depans ki i bezwen, pour son pei kapab fonksyonnen byen Mr Speaker.

E annou pa bliye Mr Speaker, letap ki nou pei in pas ladan, kot nou ti ete avan, kot nou ete ozordi, e progresyon ki nou pe fer. Komansman 2020, nou ti antre dan Gouvènmman Oktob 2020, 2021, 2022;- zis 2an, apre ki nou pei ti'n pas dan en kriz.

Mr Speaker mon bezwen dir. Ou konnen ler mon ekout bann Manm lo lot kote latap, mon ekout Onorab Gill ler in koz lo sa Bidze, ou vwar en Manm ki pe koz avek

responsabilite. Apre ou konpar li avek en lot Manm ki pe vin zis kalonmni, sey anbet sa pep e fer bann politik *populist* avek en larzan ki pa ni menm pour nou.

Sa \$107milyon, Dolar sa, i pa en kado sa, i en larzan ki nou pou bezwen rann sa. Nou pou bezwen rann *IMF* sa larzan, enkli tou sa bann det ki Gouvènmman in akimile *over* tou sa bann lannen!

Ki enkli se pa konbyen milyon ki nou bezwen repey *Air Seychelles*, Mr Speaker. Larzan ki nou ti kapab servi, pou nou ed nou pep avek. Mr Speaker 2020, avyon pa ti pa apoze Sesel. Biznes pa ti pe marse. Lo mon zil, plis ki 50poursan popilasyon ti napa louvraz Mr Speaker.

E la ozordi an mezir ki pei pe refer, apre bon desizyon nou Gouvènmman pou reouver nou pei finansman pe antre, larzan pe antre, lakantite vol pe rebran dan nou pei Mr Speaker. Plis touris pe vin Sesel. Nou fek aprann resaman Israel menm i pe ogmant lakantite vol pou vin Sesel pou vin Sesel sorti 14pou li vin 28 par mwan. Bato krwazyer pe retournen, tousala i gras bann bon desizyon ki nou Gouvènmman in pran pour ed nou pei relanse, rekomanse.

E dan Bidze nou vwar ki anmezir ki larzan pe antre nou

lekonomi pe refer, nou vwar serten led ki nou pei pe gannyen. *IMF* sa larzan ki'n donn ou, i annan en bout sa larzan ki nou pe servi pour nou sey soulaz nou pep, nou sitwayen. Parey Minis in dir, i annan sa pou bann ki pe ganny mwens ki R9000 ekek zot pe ganny asiste. Zot pe ganny enn pti lasistans touzour.

E lannen ki pe vini, dan prosen Bidze ki pe vini pou annan en revizyon *salary grid* nasyonal. Ki dernyen fwa nou ti fer revizyon *salary grid*? Ler zot ti le fer revizyon, zot ti le met R4500 dan pos Danny Faure, R250 dan pos malere.

Mr Speaker lo *Bill* elektrik, nou pe sey ede avek en pti R300. Annou mazine kot nou sorti;- 2021, nou pep i annan ki pa ti pe ganny larzan dan zot pos. I annan ki pa ti pe travay. Ozordi mon bann frer ek ser zot tou, lo lot kote latay, tou le Lendi nou ganny en lalis, travay ki annan Sesel.

Ozordi i annan plis travay, Sesel ki dimoun pou travay! Ki ozordi bann lakonpanyen i bezwen al rod dimoun deor pou vin travay Sesel. Zot rapel kot nou ti ete mon bann frer? Onorab Uranie atraver Mr Speaker. La Digue Praslin, Grande Anse, Baie Ste Anne, nou bann frer ek ser ti

napa louvraz, ti bezwen depan lo lasistans Gouvernman.

E la ozordi nou pei pe refer nou Gouvernman pe komans don zot enn pti keksoz *extra* anmezir, firamezir ki nou lekonomi i refer. E tou prozeksyon i pozitiv Mr Speaker.

Gouvernman ti pe prevwar en krwasans domestik brit 7.9poursan, pour lannen 2022. Me avek nouvo devlopman dan Sekter *Tourism*, plis *flight* pe vin Sesel parey mon'n dir, k fer ki ozordi i annan en revizyon, prozeksyon i ganny revize, e i pou ariv 10.8poursan, pou lannen 2022, ki montre nou pe progrese mon bann frer ek ser.

Arrival an 2019, letan nou ti lo nou *peak* pli kantite touris ki nou ti resevwar Sesel ti rikord 384mil viziter.

2020 *COVID*, in tape, 114mil mon bann frer. 2021 ler nou ti deside pran desizyon lafen Avril kan zot ti dir koumsa, non pa bezwen ouver Erport. Zot ti pe *boycott* pran vaksinasyon, nou'n fer. Nou pa'n ekout zot, akoz si nou ti ekout zot nou ti pou pli dan fernwar ozordi! Nou ti pou pli dan problem ozordi. Ni trezyenm mwan saler nou pa ti pou kapab peye lafen sa lannen la!

Nou'n nobou *reinstate* trezyenm mwan saler. 2021 nou pa ti kapab donner akoz nou pa ti kapab donner 2021? Tou biznes ti ater, ti napa larzan mon bann frer ek ser. Biznes ti lo zot zenou! *Car hire* Praslin lamazorite ti'n vann zot loto. Tou bann lezot pti biznes restoran partou, pa ti pe marse.

Ler pei in refer lekonomi, in komans aranze, sa bann biznes i pey *tax*, nou komans anmas reveni. La nou kapab komans depanse. Me nou pa ankor retourn parey nou ti ete avan.

Nou ankor annan plizyer det pour nou vini, pou nou peye. Enkli sa det *IMF* nou bezwen, repeye. E pei pou 2an nou pa pe anmas larzan parey nou'n anmase oparavan. La ki nou pe komans anmas larzan, ki nou kapab depanse o firamezir ki reveni i antre, nou kapab refer nou lekonomi.

Koumsa lekonomi i marse. Lekonomi ou pa pran \$107milyon, diverti kontan, donn bal, donn tou dimoun, apre nou vey gob dan divan.

Mon bann frer annou *être* responsab. Onorab Gill mersi, mersi mon frer. Konmsi mon kekfwa akoz ou sorti Praslin, mersi pour sa legzanp ki ou'n donn zot lot kote latab.

Fotespere zot kapab swiv sa legzanp ki ou'n donner.

Olye vin fer bann kalonmni, mon bann frer nou'n pas dan en kantite nou. Nou sorti lwen, annou pa sey anbet sa pep deor, fer zot krwar lizour pour aswar. Onorab Cosgrow ou'n en Minis dan Gouvernman, ou konn tre byen ki mannyer lekonomi i marse, atraver ou Mr Speaker.

(laughter)

HON WAVEL WOODCOCK

Koz avek ou bann koleg Onorab lo lot kote latab. Mr Speaker premye 6mwan, an 2021 nou ti kolekte selman R87milyon. Premye 6mwan 2022 nou'n kolekte \$257milyon Mr Speaker.

Sa i montre ou, sa mon koz ou atraver Sekter *Tourism*, i montre ou nou pe fer progre. Be pa progre sa sorti 87milyon pou ariv 257milyon? Eski nou Gouvernman pe mal fer menm mon bann frer e ser? Annou koz en kou laverite! 2020 parey mon'n dir ti annan *mass redundancies*. Ozordi, la, la yer Lendi, nou ti ganny lalis louvraz ki annan Sesel. Mwan mon pe *call*, bann *GM* i *call* mwan tou lazournen pe rod dimoun pou travay.

Plizyer dimoun mon pa konnen prezan si zot, zot bann *GM* mon pa konnen Onorab Vidot - *Ok* napa lotel lo Roche Caiman mon krwar. Mon pa konnen si zot, zot pa ganny *call*, par bann *managers* bann biznes pe rod dimoun pou travay. Mwan mon gannyen mon met dan bann group partou.

Mon *DA* i *share* partou, *liaison officer* i *share* partou, i *share* bann louvraz *available* partou. Ouswa zot kasyet napa louvraz, napa louvraz napa louvraz Sesel. I iresponsab Mr Speaker. Annou responsabiliz sa pep. I annan louvraz.

MR SPEAKER

Onorab.

HON WAVEL WOODCOCK

Yes Mr Speaker.

MR SPEAKER

Ou sipoze adres Speaker.

HON WAVEL WOODCOCK

Wi Mr Speaker, mon a demann atraver, ou Speaker. Nou'n entrodwir *RRP* pou sey ed nou ou konnen i annan bokou dimoun i dir gran mersi sa nou, nou fer enn pti bout pou *retail* pou bann prodwi *RRP*. *STC* ki bokou dimoun i dir mwan zot pe

al fer zot pti *shopping* laba. E zot vwar ki zot pe fer en *savings*.

Tousala, i bann desizyon i bann keksoz, ki nou Gouvernman pe sey fer pou sey aranz nou pei. E ler ou pe get partou Mr Speaker, ou vwar bokou keksoz ki nou Gouvernman, pe fer pou sey aranz nou pei.

Mr Speaker letan donn bal dan Bidze in fini, letan kasyet larzan forgo dan Bidze in fini. Letan pou pas Lalwa pou anpes *audit*, *audit* en kont Gouvernman in fini! Tou kont i ganny *audited* ozordi.

Ozordi nou responsab sak sou ou, sak kas ki nou demande Mr Speaker. Dan letan lontan larzan ti ganny kasyet, tou sord kalite vol arive. Sanmenm sa rezon ki ozordi nou bezwen donn ACCS R63milyon Mr Speaker, pou fer lenvestigasyon pou al rod sa bann larzan, pou rod sa \$50milyon, ki'n fer piti partou dan lemond Mr Speaker.

Pou fer sa bann larzan retourn Sesel ki zot bann dimoun, zot bann zofisye ki'n travay dan zot Gouvernman avan in donn bal ladan, in vole!

Atraver bann vol ki nou'n vwar dan *SBFA* dan tousala ozordi Mr Speaker, ozordi ler en dimoun i vole Mr Speaker ou konnen ki arive dan nou

Gouvernman, i ganny met deor!
Dan zot letan en dimoun i vole
si i ti Direkter Zeneral i vin CEO!
Ouswa i sorti CEO i vin Minis!

Pli ou vole, pli ou ganny
promosyon!

(laughter)

HON WAVEL WOODCOCK

Dan nou Gouvernman Mr
Speaker, akoz nou pa tolere sa
bann kalite keksoz. Akoz nou
en Gouvernman ki responsab.
Nou pa en Gouvernman ki vin
manti, nou pa en Gouvernman
ki vin bat latet nou pep, nou en
Gouvernman ki vin dir laverite
parey la mon pe dir laverite mon
pep ki mannyer, ki sityasyon
nou ladan, kot nou ti ete, kot
nou sorti, kot nou ete la ozordi
e kot nou pe ale.

Mon bann frer *forecast*
pou 2023 *arrival* Sesel i annan
en gran posibilite i pou kas
rikord 2022. *Hopefully* nou pa
ganny okenn lezot *external*
factor ki afekte nou pei. Nou
vwar R10.5milyon, pour
Lapolis, R5milyon pou Ladefans
akoz Mr Speaker?

Nou le ranforsi en lalit
kont drog pe detri 6mil nou
travayer Sesel, ki nou bezwen
depan lo etranze. E napa enn
nou Manm ki vin dan sa
Lasanble, pou defann eskobar

Mr Speaker. Pou defann
trafiker drog! Nou Mr Speaker
nou pou siport sa Bidze - sa
Bidze siplemanter akoz i annan
keksoz ki bon ladan, ki pou ed
nou pei bouz devan. Zot pe koz
Minister Lasante, wi nou'n
aksepte.

Parey nou'n dir nou'n erit
en kantite avek zot. En kantite
defayans dan Minister Lasante.
Ti pran zot plis ki 2an pou
aranz zis en *lift* dan Lopital
Victoria non? 10an? Plis ki
10an, mazine pou aranz en
lift.

En *hyperbaric chamber* se
pe konbyen lannen i pa ganny
servi la, nou bezwen demann
Qatar pou ed nou repar sa
hyperbaric chamber. Yet despite
sa dan Bidze, kantmenm zot pe
dir a donn finansman, Minister
Lasante. Mr Speaker i annan
R109.6milyon siplemanter, pou
Minister Lasante, dan sa Bidze
siplemanter. Ki enkli sa *MRI*
nouvo masin *MRI* ki nou
bezwen akoz sa enn ariv son
letan.

E depans R25milyon, dan
sa Bidze pou dyaliz. Eski napa
larzan ki nou kapab mete? Eski
nou Gouvernman pa pran nou
lasante serye? Mon bann frer
annan koz laverite. Ou pa
kapab zis vini, sey anbet sa pep
dir pran larzan ki nou gannyen,

loan ki nou gannyen zis depanse diverti kontan.

Nou bezwen depans larzan dan en fason ki byen. Nou bezwen repey nou bann det, e nou bezwen annan kapital pou investir dan nou pei.

Mon bann frer ek ser, ou konnen mwan en keksoz ki mon pli enpresyonn avek Mr Speaker mon pou dir sa, dan letan kot no u ti dan roz, an 2019 menm avan sa kot larzan ti pe antre. Larzan ti pe tonm - mon pa pou servi sa mo, larzan ti pe zis tonm larzan ti annan.

Ler larzan ti annan proze enportan nou pei, ki ni en blok zot pa'n mete. Ni en fondasyon zot pa'n mete. E *despite* 2an ki nou pei in pas dan kriz lekonomi, dan lan nou met en *ice plant* Grand Anse Praslin. *Passenger Terminal* pe ganny fer, proze bazar pe ganny fer, ki dan lepase nou ti lager ek Gouvernman kan ti annan larzan zot pa'n nobou kapab fer!

Plizyer proze, *NIHSS* ti pe pouri, pe degrengole, nouvo batiman pe ganny fer. Lopital ki zot ti fer petisyon pe ganny fer pour benefis bann zabitan La Digue.

MR SPEAKER

15minit Onorab, *please*.

HON WAVEL WOODCOCK

Pou konklir Mr Speaker, i annan en Manm ki'n dir, zisteman lo kote Praslin Mr Speaker, ozordi dan detrwa semenn nou pe al refer alokasyon, alokasyon later pe al ganny fer pou ed bann pti biznes lo Praslin.

I annan en Manm ki'n dir, poudir dan en Bidze lepase mon ti dir ki Bidze Gouvernman *US* i en Bidze '*made in China.*' '*Made in*' (*sorry*) '*made in India,*' parey menm Mr Speaker, '*made in India.*' Mr Speaker, wi mon ti dir sa ou konnen akoz mon ti dir sa akoz sa Bidze *was made in India?* Se akoz zot ti anvi vann Assomption Mr Speaker!

Se gras a 15 lo 10 ki nou ti anpes zot vann Assomption! Zot ti pe al vann nou zil, sanmenm sa Bidze *was made in India.*

(Interruption off-mic)

MR SPEAKER

Order!

HON WAVEL WOODCOCK

Zot ti pe al vann nou patri Mr Speaker!

(Interruption off-mic)

Yes-yes

MR SPEAKER

Ok Onorab.

HON SEBASTIEN PILLAY*(Off-Mic)***HON WAVEL WOODCOCK**

Mr Speaker ...

MR SPEAKER

Onorab Pillay, silvouple pa enteronp koumsa.

HON WAVEL WOODCOCK

Mr Speaker si nou ekout sa bann-

MR SPEAKER

Onorab! Ou ti pe al konklir mon krwar.

HON WAVEL WOODCOCK

Mon a konklir wi. Mr Speaker si okenn ekonomis la deor okenn dimoun ki annan lentelizans i ekout *US*, deswit zot ti pou realize poudir si *United Seychelles* ti o pouvwar, nou pei ti pou'n fini faid *by now!* E gran mersi Bondye atraver son lasazes, atraver son lanmour ek son labonte anver nou pep, in donn nou lagras *LDS* pou vin o pouvwar, pour nou kapab redres sa pei e tir sa pei dan sa trou ki *United Seychelles* ti'n met nou ladan.

Avek sa de mo, mon dir ou mersi Mr Speaker.

MR SPEAKER

Byen mon a pas laparol Onorab.
Cosgrow.

HON WALLACE COSGROW

Mersi Mr Speaker. Bonn apre midi Mr Speaker. Bonn apre midi tou dimoun. Mr Speaker apre midi, mon krwar enterven an ki'n koz avan mwan, in mank konpletman kwa ki i sipoze koz lo la.

Kwa ki nou pe diskite apre midi in antre dan en pa ke zafer, me lesansyel, ki i ti devret koz lo la apre midi, se sa portre ki sa Bidze siplemanter ozordi i penn lo son Gouvernman.

Enn bann pli gro portre ki sa Bidze i penn lo son Gouvernman, se linefikasite son Gouvernman, pou enplimant keksoz. Bomaten i ti annan li en loportinite pou koz pou dimoun Praslin an sa ki konsern Minister Lasante. In prefere reste *bouche* bek, in pa'n koz ditou!

(APPLAUSE)**MR SPEAKER**

Onorab. Mon a zis koriz sa, i annan plizyer Manm e mon ankor annan lalis la devan mwan ki ti lev zot lanmen pou zot koze. E zot pa'n ganny sans demann kestyon.

HON WALLACE COSGROW

Anr *ok* Mr Speaker.

MR SPEAKER

E i pa-

HON WALLACE COSGROW

Ou ki'n anpes zot koze *ok*?

MR SPEAKER

E i pa zis lot kote i kote isi osi. So pa blanm Manm ki pa'n ganny sans koze.

HON WALLACE COSGROW

Wi akoz mon osi tanzantan mon pa ladan, mon pa ganny sans dir nanryen.

MR SPEAKER

Ou osi wi.

HON WALLACE COSGROW

Mersi. Mr Speaker, i enportan ki ler nou koz lo Bidze siplemanter, nou pa koz lo an izolasyon avek Bidze ki ti ganny prezante lannen pase - Bidze 2022.

Annefe Bidze siplemanter, or *Mid-year Review* parey nou dir, i ganny anmennen zisteman pou evalye, performans Gouvernman dizour, dan milye en lannen fiskal, evalye zot performans. Sanmenm mon'n dir o komansman poudir, Onorab

pa'n koz lo lesansyel ki devret pe koze ozordi.

Ler nou ti fer repons bi lo Bidze Minis Finans prezante, Bidze 2022, i annan en kantite keksoz ki nou ti dir. Nou'n koz lo *Grants*, bann don parey nou dir. Nou ti koze ou ti dir sa Bidze, i *loaded* avek don ki pa larzan asire, e ki si nou met li dan Bidze, e si nou pe depan nou Bidze lo bann larzan ki pa asire, i pou vin en problem pour nou *down the line* 2022.

E ki nou'n vwar ozordi menm Manm lo kote latab, in demande pou revwar ki mannyer nou *deal* avek don, dan Bidze. Nou ti dir, i annan bokou lezot keksoz ankor ki nou ti dir, nou lo sa kote sa latab, ler nou ti pe analiz Bidze 2022.

E ozordi, bokou keksoz annefe depi semenn pase ler Minis i prezante bokou keksoz ki nou ti dir, dan nou ladres lo Bidze, nou vwar in vin larealite. E si zot konpar, ladres Minis sa lannen avek lannen pase, zot pou letan i ti vin delivre la, i ti pli kalm, ki i ti ete ler i ti prezant son Ladres Bidze.

Akoz i konnen li, i realize li ki poudir ki tou sa bann tapaz lo sanzman, lo transformasyon, lo pti pa, lot lot, lot sepa kwa la, tou sa bann tapaz ki zot ti fer la, ler in ariv milye lannen,

nanryen ou preski nanryen zot pa'n kapab. Ni sanze, ni transformen.

Akoz zot pa'n kapab? Akoz e mon ti dir lot fwa Minis ler mon ti demann kestyon, akoz i annan *gross inefficiency* dan sa Gouvernman *LDS* ki pe *run* pei ozordi! Nou ti ganny demande pou pasyante, Seselwa in pasyante. Parey mon'n dir nou ti ganny demande pou pa prese, Seselwa ekoute pa prese.

Seselwa in ganny demande, pou esper transformasyon. Me 6mwan, or ziske Zen, ziske la ki nou vwar prezante dan en Bidze *Mid-year Review*, dan en *Mid-year Review* ek Bidze siplemanter, nou vwar prezantasyon zis bann koupir, koupir, koupir, ki swa dan *wages and salaries*, ki swa dan *goods and services*. E pli move ankor dan bann don ki dapre zot, ti pe al materyalize. E tou keksoz ti pou *ok*, nou ti pou fer isi, nou ti pou fer laba, malgre nou ti kosyonn zot.

Ankor enn fwa mon repete, e mon anvi pep Seselwa i ganny nou kler, nou pa kont lenplimantasyon sa bann keksoz nou. Me nou ti kosyonn zot, akoz zot mank leksperyans, dan direksyon Gouvernman, nou ti kosyonn zot nou ti dir

zot, *be very careful* ki mannyer zot pe *deal* avek sa Bidze.

Taler or boner ler Onorab biznes Gouvernman in prezant son Bidze, in prezant son Mosyon in fer son largiman, in koz lo sa zafer *savings*. Mr Speaker mon anvi tourn ankor en kou lo sa zafer *savings*. Mon'n deza vin lo la, mon'n deza dir, e mon pou dir ankor;

Si zot get zot dokiman ki'n ganny prezante avek nou par Minister Finans la, i annan de keksoz ladan. Dan enn sa bann dokiman i annan de keksoz, i annan enn *estimated revenue* ki i pei pou anmase, avek *estimated expenditure*. Ki sa i dir nou?

Apre mon'n tann taler en Onorab in koz lo zafer larzan dan kof. Ki sa i dir nou? Bidze pa fonksyonn lo larzan ki'n anmase. Sanmenm sa i fer *projected or estimated revenue*. I dir nou, nou pe *plan* anmas tel kantite larzan, e nou pe *plan* depans tan kantite larzan. Sa zafer *savings*, pa egziste.

Si nou fer *savings*, i ava reste lafen lannen, i ava antre, i ava ganny konverti, e i ava antre dan Labank Santral koman nou rezerv. Pa pou met dan Bidze lannen prosenn akoz, ou'n fer *savings* nou pou fer Bidze pli gro.

Bidze i fonksyon lo reveni, ki ganny anmase dan en lannen fiskal, 01 Zanbye. Dan nou ka pour nou, Gouvernman, 01 Zanbye, zis ka le 31 Desanm. *Ok?* Sa zafer *savings* ki nou pe vin fer krwar Seselwa, nou'n byen travay nou'n byen fonksyonnen. So nou pe fer *savings*. Non. I annan en ta *budget cut* ki souliny linefikasite.

Minister Ledikasyon zot in fer zot *MBE*, me solman la dan *Mid-year Review*, 20milyon in koupe, kot *Tax* 10milyon. Bokou lezot landrwa ankor *budget cut, budget cut, budget cut*, dan *wages and salaries*.

Zot pa'n kapab *recruit*, or zot pa pe *recruit* e Minister Finans i dir li, pa'n dir nou *save* sa larzan li. In dir dan ou prozeksyon ki ou ti fer, ki mon ti sipoze donn ou, si mon ti anmas sa larzan, mon pa pou les ou depans tan kantite larzan, zis parey Onorab Georges in dir, Minis i annan drwa fer. *Ok?* Koupe partou en, dan *wages and salaries*.

Par kont koupe kot dir napa travayer, pa ganny dimoun, pa ankor ganny sans *recruit on time*. Par kont ou vwar kot *PMC* ozordi, nou *recruit* en *Sri Lankan* etranze, *financial controller*, preski R90mil par mwan, en - solman pe koupe la.

Pou Seselwa, i koupe, solman nou anploy en etranze kot *PMC* en *financial controller* - en pozisyon ki annan en kantite dimoun i kapab fer Sesel, R90mil.

Port Authority osi mon konpran menm zafer, etranze. Solman nou koupe dan Bidze. *Budget cut* Mr Speaker, lo proze kapital. Nou ti dir, nou ti dir dan Bidze, dan *budget reply* nou ti dir, poudir napa nesesite pou antre dan bann proze kapital aköz ki pa neseser, e pa ankor ler.

E petet nou pou napa, sa larzan ki pou antre ki pou nou kapab depanse. Ki nou vwar? Dokiman ki'n ganny donn nou *budget cut*, mazorite larzan in koupe, in koupe, in koupe. Bann proze ki ti ganny promet, bann transformasyon ki sipoze ganny promet, pou fer, napa! Napa transformasyon 2022! Napa sanzman 2022!

Seselwa pa pe vwar, sa ki zot ti promet, e dayer i annan dimoun ki'n dir ki zot ti donn lagrenn bat latet. Mwan mon ti dir zot in vann kabri dan sak. Mon ti dir, e ozordi i kler, ozordi i kler. Vandredi ler Minis, ti vini ti kler, ki poudir ki zot pa pe kapab delivre. Zot *inefficient* koman en Gouvernman pou delivre!

Pa zis sa Mr Speaker, lenplimantasyon proze dan bann diferan Minister. Nou'n vwar kot Lanvironnman, Lagrikiltir ki *rate*, lenplimantasyon proze. Minister Ledikasyon ki *rate* lenplimantasyon proze.

Local Government mon krwar i enn pti pe pli o ki zot tou, me solman *still* i ankor ba. Proze *Local Government*, afekte tou zot bann distrik, tou nou bann distrik. Zot ti sipoze fer sanzman, fer transformasyon, fer pli byen. Ki pe arive Mr Speaker?

Sa bann kontrakter, sa bann sektor prive biznes, ki swadizan moter nou lekonomi ki pe depan lo sa Bidze, ki pe depan lo *efficiency* zot Gouvernman pour zot kapab fer pti biznes pou fer zot *business run*, pa pe vwar benefis ki de-koul lo zot, aköz *gross inefficiency* dan sa Gouvernman!

Nou ti vot en Lalwa, pou entrodwir en nouvo Lazans *Seychelles Infrastructure Agency*. Tou dimoun, preski tou dimoun ti koz lo la. Lo zot kote zot ti dir pou anmenn *efficiency*, pou fer bann proze, pou kapab devlop proze, pou kapab fer sir keksoz i marse.

Konbyen nou ti tande la? Mon krwar ziske Zen,

18poursan. Eski se sa transformasyon sanzman? Se sa transformasyon sanzman ki zot in koz lo la? E dayer Minister Finans i annan en responsabilite li. Ler i vwar *inefficiency* pa pe depanse, pa pe kapab depanse; mank Polisi, mank vizyon, mank Polisi, i dir be mon pou tir sa dan *projected expenditure* ki ou sipoze, annan aköz ou pa pe kapab fer li.

Ou napa la baz pou ou fer li, ou mank Polisi. Ou mank gidans ki mannyer ou pou kapab depans sa larzan. Me par kont zot ti promet nou. Zot ti promet pep Seselwa, zot ti vin lo en promes, ki zot pou fer keksoz diferan. Zot pou sanz lafason ki proze i ganny *deal* avek. Lafason ki Gouvernman i *deal* avek finans piblik. E zot pou be pli *efficient*, zot pli efikas.

Mr Speaker sa *Mid-year Review* ki la, i montre i penn en portre lekontrer! E ozordi, lekel ki pe soufer Mr Speaker? Lekel ozordi ki pe vreman soufer, avek sa inabilite pou delivre dan bann Minister? Inabilite bann Minis? Serten dimoun pou kapab donn sa servis, sa transformasyon ki zot ti koz lo la?

Se lamazorite pep Seselwa ki pe soufer. Se sa pti kontrakter parey mon'n dir, ki pe ganny difikilte pour li kapab

ganny en proze avek Gouvernman, akoz birokrasi, mank Polisi. Ozordi nou dir en keksoz, demen nou fer en lot.

Gouvernman ou a krwar en nespes *roundabout*. En Gouvernman *roundabout* zis i vir an ron, i vir an ron, pa kapab pran desizyon. Ler Prezidan i dir enn, Minis i dir en lot, en lot zofisyè i vin lo televizyon i dir en lot.

Ti annan en Lagreman, lot i dir pa ti ankor fer Lagreman, nou pa konnen lekel lenvestiser. I zis en *total catastrophe* koumsanmenm! Inabilite, pour zot kapab *run* sa Gouvernman!

Mon'n dir sa bokou fwa akoz mon le *stress* lo la. Ozordi i annan dimoun, ki *call* zot - ki *call*, ler mon dir zot mon pa pe dir zis zot. Mon pe koz Gouvernman, dimoun dir ou i *call*, parti *call*. Anvoy *email* parti *email*, keksoz pa pe bouze i pa ganny repons, pa ganny repons.

Be se sa bann dimoun ki pe soufer, avek sa inabilite. Zot inabilite pou depans larzan pou fer proze, pou fer keksoz ki tous dimoun. Ozordi nou'n koz lo sa zafer larzan pou met dan sistenm sosyal. E dayer ler nou koz sosyal nou pa pe koz zis *welfare*, nou pe koz Lasante, Ledikasyon e lezot sistenm sosyal ki ganny met an plas.

Nou koz lo i annan larzan, be kote sa larzan i de-koule? Akoz sa dimoun, dan bann distrik, dan distrik Plaisance, Mont Fleuri *wherever* kot ou ale, Les Mamelles, Roche Caiman, sa bann dimoun i dir ou koumsa zot pa pe santi sa lefe, ki Gouvernman pe koz lo la.

Zot kontinyen vwar zot dan difikilte. Zot kontinyen vwar zot, pe sey lager pou fer de bout zwenn. Zot kontinyen ganny difikilte pou pey bis.

MR SPEAKER

15 minit Onorab.

HON WALLACE COSGROW

Wi Mr Speaker, mon pe terminen. So an gro Mr Speaker sa *Mid-year Review* in penn en portre, konpletman diferan avek sa ki bann Manm lo zot kote latab i le fer nou krwar. E ki Gouvernman, li menm ozordi i le fer nou krwar.

Mon krwar a Bidze siplemanter pou en leson pou nouvo Bidze ki pe vini. Petet zot *inexperience* i ava amelyor enn pti pe. Zot pa ava pran tou zot dizef, *or* tou zot kabri, met dan en sel *basket*. Ki zot ava kapab, ler ariv nouvo Bidze zot ava pli realistik Mr Speaker. Zot ava pli realistik, e zot ava ekoute ler

dimoun avek leksperyans i koz ek zot!

Wi Mr Speaker, in ganny dir dan Lasanble poudir mon ti en Minis, e mon devret konnen. Wi mon konnen, se sanmenm ki ou vwar ozordi, la mon pe dir zot poudir zot Gouvernman, e trwa kar zot bann lese partou, zot *inefficient* zot pa kapab delivre. E zot pe fer soufer, pep Seselwa deor la, la ozordi 2022, anmezir nou koze la.

Ok Mr Speaker. So avek sa Mr Speaker, mon *rest* lanmenm.

(APPLAUSE)

MR SPEAKER

Mersi. Bon mon a pas laparol Onorab Gabriel.

HON CONRAD GABRIEL

Mersi Mr Speaker. Mr Speaker mon dabor mon ti a kontan, zis remersye tou bann *staff* kot Minister Finans Planifikasyon Lekonomi ek Komers pou sa zefor ki zot in mete pour sa legzersis, pou konplet sa Bidze siplemanter.

Mon konnen i pa en zafer fasil, mon swe prensipal pou le fritir, se ki zot fer en prezantasyon pli detaye, kot bann Manm Onorab ek bann manm piblik ki pe ekoute, i a ganny detay maksimonm lo sa

revi Bidze siplemanter. Sa i avek bi anmenn latransparans. E fer piblik partisip plis dan prosedir Bidze pei.

Akoz apre tou i nou larzan e Gouvernman i bezwen rann kont, *accountable* pour tou depans ki ganny fer ek larzan piblik. Mr Speaker, mon swe se ki sa bann Minister, oubyen antite konsernen, i ganny sans vin defann son Bidze, sirtou letan zot pe ganny larzan adisyonnèl. Akoz parfwa pa tou keksoz, ki Minis Finans, e osi son bann teknisyen i ofe avek.

Mr Speaker mon komans koumsa pou montre lepep, ki nou lo sa kote latab. Nou pare pou, la sa kote latab nou pare pou donn koudmen ed sa Gouvernman, pou *deal* ek problem sa pei, e redonn Seselwa sa zwa de viv. Koman Lopozisyon nou pa la zis pou kritike.

Tou dernyerman mon'n remarke ki Gouvernman, atraver son bann Minis, in sey vin denigre nou e ridikil nou, espesyalman atraver bann *PNQ* ki *Leader* Lopozisyon ki anmenn dan sa Lasanble. Bann size pertinan, ki pe afekte pei i ganny *deal* avek vreman vit, kot finalman nou pa ganny sans kestyonn sa Minister dan son totalite.

E i ede e pou ede anmenn transparans ki nou ti a kontan vwar. Annou met tou nou diferans politik de kote, e annou travay ansanm pour fer en meyer demen e byennet sa Nasyon.

Pointe Larue nou'n reisi bokou dan plizyer departman. E i reste ankor bokou pour nou fer, mon ti a kontan remersi Lapolis, pou zot zefor kontinyel, pou ede konbat sa fleo drog ki ravaz nou pti pei. Mon swete ki bann reform ki pe arive dan Lapolis, i a ede soulaz mazorite si pa tou problem ki nou pe fer fas avek.

Mr Speaker nou'n vwar Sekter Tourizm, ki pilye nou lekonomi pe kontinyelman fer byen. Me eski tou sa reveni pe reste isi Sesel, e pe ganny byen depanse? Par kont Departman Defans pe rod 5milyon adisyonnèl, pou *fuel* elektrisite. Kestyon eski sa logmantasyon dan *fuel*, i annan pou fer avek bann *trip* ki Gouvernman in fer lo bann zil?

Silvouple, mon demann Gouvernman pou aret labi e sey kontrol depans ki zot fer. Sa latitid enn pti 3milyon ki i fer, pa akseptab! Mon zis fer remarke ki i fer 2an konsekitiv, ki Departman Depans i vin devan nou Lasanble e pe demann siplemanter pou *fuel*.

Rezondet se ki si *tourism*, i fer byen, e en group dimoun i deside donn bal, byensir nou pou dan gro problem difikilte finansyer. Mazorite si pa tou lasistans sosyal in koupe. E nou pep i dan gran difikilte finansyerman.

Lasistans tanporer ziska Desanm. Mon demann mon lekor apre Desanm, ki pou arive ek sa bann ki pli vilnerab? Mr Speaker nou'n vwar ki bokou proze kapital, pa pe ganny realize pou divers rezon. E sa i koz bokou lenkonvenyans dan kominote, kot retar i arive dan lenplimantasyon bann diferan proze kapital. Nou'n fek vwar bomaten, Minister Rangasamy in vin sey reponn en pe kestyon. Be i an bokou dout.

Nou'n lager ki Seselwa i ganny son trezyenm mwan, e nou fyer ki finalman Gouvernman in deside, donn sa 50poursan direk.

(APPLAUSE)

HON CONRAD GABRIEL

E 50poursan baze lo performans. Kestyon si lekonomi in fer *savings*, aköz pa donn tou dimoun zot trezyenm mwan la, lannen prosenn ou a fer baze lo performans? La nou demann nou lekor plizyer

kestyon. Kestyon ki mannyer sa *carer* li i pou ganny *appraised*?

Mr Speaker, mon ti demann en senp kestyon lo Bidze siplemanter, ki ACCS ti pe demande. Mon repete mon site. Konbyen zot in depanse so far dan zot *foreign consultancy*, e zot *legal fees*? E ki kantite zot pou bezwen ziska lannen fini?

Larepons Minis se ki sa i a ganny devwale, devan FPAC, dan en *close session*. Koman en Manm FPAC mon ti soke pou antann sa. E finalman mon ti bezwen aksepte sa. Zot ki annan ki zot pe kasyet? Mon asire Seselwa, i ase entelizan pou konpran mon lentervansyon.

Mr Speaker avan mon terminen, Minis Lasante bomaten, in dir in vin zwenn lekonomi dan *Intensive Care Unit*. Si nou pa fer atansyon, nou pou vwar nou an en *Critical Care Unit*! Mersi.

MR SPEAKER

Mersi Onorab. Mon a donn laparol Onorab Henrie.

HON GERVAIS HENRIE

Mersi Mr Speaker. Bonn apre midi tou dimoun an distrik Mont Buxton. Mr Speaker, Bidze siplemanter se en mezir

tanporer. I en mezir tanporer, akoz dan milye lannen Gouvernman i vini, i demann Lasanble Nasyonal en larzan adisyonnal, ki ava permet li fini son lannen fiskal pou termin kek program ki i anvizaze met an plas.

Alors sa Bidze siplemanter R472milyon ozordi, ki Dirizan Zafer Gouvernman, in prezant Mosyon, pou demann laprouvasyon pou donn Lasanble avan ki Gouvernman i depans sa larzan, se ki nou bezwen realize i re-alokasyon Bidze, ki Lasanble ti'n deza aprouve pour Gouvernman servi pandan sa lannen. Sa kote latab in vote, in donner sa larzan, lot kote latab ti vot kont, prensip e merit Bidze 2022.

E Mr Speaker, i pa larzan an plis ki Gouvernman pe demande. I pa larzan an plis. E alor i enportan ki nou konpran sa. E Mr Speaker bokou keksoz, in ganny dir depi dan lapremidi e pour bann dimoun ki pe ekoute sirtou nou bann siporter - sirtou bann dimoun ki ti vot pou parti LDS al dan Egzekitiv e ganny mazorite dan Lasanble, i enportan ki nou sezi, plizyer keksoz.

Premyerman nou'n vin o pouvwar dan en moman difisil. Kot keksoz pa ti neserman, dan faver Sesel. Ti annan

COVID-19, apre lager in vini, e an rezilta sa de keksoz, in annan plizyer keksoz tel ki logmantasyon dan pri lavi.

Ki'n fer ki malgre tou bann bon lentansyon, lavites ki nou ti ava kontan enplimant serten program, i pa'n neserman le ka.

Me toulezour nou remerci Bondye, ki sa pei pa'n koule anba *LDS*. I pa ankor koule, i pa'n koule i pa pou koule! Mr Speaker, nou bezwen osi realize, nou'n vin o pouvwar dan en moman apre ki en parti politik ti'n o pouvwar 43an.

E vitman nou tri bezwen fer fas avek sanzman *mindset*. Eski i fasil pou sanze. Ki swa ou dan sekter prive, ki swa ou dan sekter piblik, nou'n bezwen lit kont serten group dimoun ki pa pare, pou travay pour sa pei, avanse pou anmenn sa pei pli lwen. E en azanda politik, in ganny zwe.

Dan sa menm loptik, mon ava dir ki, i annan dimoun ki'n vwar li e ankor vwar li difisil pou aksepte, lefet ki pep Seselwa, dan son gran mazorite in vote pou annan en sanzman Gouvernman.

E alor ou ganny serten blokaz par la ouswa i annan dimoun, ki pa pare pou go *one hundred percent* dan zot travay koman *public servant*. E ki alor,

i anmenn en serten retar dan lavites ki nou anvi fer keksoz. Me an menm tan lo lot kote latab, prezan nou annan en Lopozisyon ki ankor pe bles son blesir perdi Eleksyon, alor i ankor pe plennyen, i ankor pe gele, i ankor pe sey fer krwar, ki nanryen pa pe marse.

E alor sey kontinyelman anpay nou dimoun. Akoz mon'n met sa enn la dernyen? Zot pe koz - Onorab Cosgrow atraver ou Mr Speaker, in servi sa lekspresyon. Onorab Vidot in servi lekspresyon. Zot in souliny, 'linefikasite.' Seryezman? Linefikasite se tou ki zot in vwar avek sa Gouvernman?

Mon ava dir zot ki'n arive, depi ki sa Gouvernman in vin o pouvwar e an gran parti anba sa Bidze ki nou, nou ti vot an faver, mon ava dir zot, 2021 - 150 etidyan Seselwa, in al etidye aletranze. Nou pe koz zenn la. Lenvestisman dan laznes, 150 - e 61 in al Liniversite Sesel.

An 2022, 133 etidyan Seselwa in al aletranze, 55 Liniversite Sesel.

An 2021, 134 pasyan Seselwa in al ganny trete aletranze, pou en sonm R32milyon. Lannen a lannen la 2022 ziska prezan, bomaten Minis fek repete, 150 in ale.

Kestyon *Housing*, i annan 140 younit lakaz ki'n ganny konplete depi ler nou'n vini. 122 fek komanse - 124 pe al komanse avan lafen lannen. E i annan savedir poze lakaz parey Minis in dir nou en program tre anbisye ki pou vini ankor dan Bidze.

Ler nou pe regard tourizm, parske en desizyon brav ki nou'n pran pou nou reouver nou Erport. An 2021, 182mil touris in arive. E ziska la sa lannen nou pe koz 225mil touris ki'n debark Sesel, plis ki \$257milyon an term reveni Sesel in gannyen.

E plizyer proze ti'n ganny abandonnen Mr Speaker, ki sa Gouvernman in dir non. Pou montre nou efikasite *National Library, Creole Institute, Carnegie*, tousala pe ganny *revamp*. Nou pe koz linefikasite Onorab, seryezman? Annou get nou dan laglas en kou. Bazar North East Point, Glacis Cascade, Anse Aux Pins Grand Anse Praslin. Nou pe koz linefikasite? *Ice plant* Grand Anse Praslin, Baie Ste Anne, nou pe koz inefikasite?

Por, La Digue, Anse La Mouche. E Lopital La Digue pou gannyen. Efikasite e met resours, kot i merit. Mr Speaker, dan sa Bidze siplemanter ki devan nou, nou

vwar poudir latansyon pou bann sekter ki Gouvernman i santi i bezwen bouze, pe ganny latansyon.

E se sa ki mon dezapwente avek bann entervansyon ki mon'n ganny ki mon atann avan, komansman par Onorab Vidot. Onorab Aglae, Onorab Loze, Onorab Cosgrow. Napa en sif ki'n ganny mansyonnen. Mon salye Onorab Gill, avek Onorab Manm Elekte pou distrik Pointe Larue, Conrad Gabriel.

Akoz zot, zot *background* finans, zot in nabou balans keksoz e regard li dan son fason ki merit regarde. Plito nou demann kestyon pou fer avanse azanda. Parski se sa ki nou ladan la.

Sa i larzan *tax payers* ki Lasanble i merit annan sa *oversight* lo la. Pa zis vini, avek en litani problem e sey fer krwar poudir nanryen pa pe marse dan sa pei Fransman! Nou leve bomaten nou get nou lekor dan laglas, nou kapab viv avek nou menm?

Mr Speaker, nou vwar poudir La Digue, pou kapab termin sa proze larzan pe ganny mete dan Bidze siplemanter pour zot. Minister Lasante, 50milyon *MRI*. E malerezman mon pa konnen ki mannyer sa i apel-e visye. En Manm Onorab

bomaten in dir poudir Minis pa'n mansyonnen, kan mwan mon asiz la mon'n tann Minis dir. Be i zis anvi koz manti, avek pep Seselwa.

25milyon pou dyaliz - 12.7milyon reparasyon. E sa Gouvernman, leta ki'n kit sa lopital, *Leader* Lopozisyon ti dan en *meeting* avek nou ek Minis Finans. Minis Finans in dir nou pei pou bezwen investir R2.5bilyon dan sa prosen 5an pou kapab met lopital lo leta ki merit ete!

I konnen li, i konnen i vwar i annan 12.7milyon ladan, i pa dir son bann Manm, fer resorti sa! Be sa i en politik visye. I en politik konfiz dimoun, i en politik koz mansonz. E nou pa kapab fer sa koman bann Manm Elekte.

Air Seychelles, Air Seychelles, sityasyon Air Seychelles - inefikasite? Gouvernman i ale i negosye en *loan*, avek *Trade Development Bank* pour ki alor nou kapab retir sa sekirite lo 2 *twin otters* pou les *Air Seychelles* lib. Al re-negosye en *loan* pour li kapab avek *Nouvobanq* pour nou kapab re permet nou *national airline* re-anvole.

E garanti travay bann travayer *Air Seychelles* parey Onorab Gill in dir. Linifikasite sa nou pe koze? Seryezman? Sa

ki nou vwar letan nou get nou figir dan laglas dan bomaten?

Mr Speaker Lagrikiltir - sibvansyon 73milyon. E la nou koman Manm Lasanble, annou koz avek bann fermye, annou koz avek bann peser. E dir donn bann *tax payers* Seselwa ki *subsidize zot, a good deal*.

Akoz nou konnen poudir pri pwason, avek legim prodwi, lokalman i ankor tro ser, kan i annan *subsidy* dan Bidze ki nou ki peye. Annou koz sa koze. Fran le nou pe dir nou pe debout lo kote Seselwa, *that's what we want to hear from you!*

E-passport 9milyon ki pou permet paspor Sesel vin ankor pli for, e donn nou en *laissez passer* dan plizyer pei. Par egzanzp Leta-z-Ini kot ozordi nou pe ganny difikilte pou kestasyon viza.

Sekirite dan Lapolis, 10milyon pou anmenn sekirite dan nou pei aköz, nou vwar sityasyon. Ozordi tou dimoun pe mars e en kouto. I bann sityasyon ki nou bezwen *deal* avek. E mwan koman en Manm Elekte mon siport sa bann demars.

ACCS 63milyon pour nou kapab trouv sa 50milyon, ki bann dalon serten, in donn enn pti bal ladan e in fer disparet. E Minis in vin la, in dir ek nou poudir, i annan en *firm*

aletranze ki pe ti pe sey fer en *deal*. Pe dir les nou al rode, si nou trouve nou, nou a ganny 30 pousan, 30pousan dan sa 50milyon. R750milyon, zot, zot ti pou ganny 225. R225milyon be mon kapab fer lakaz *social housing* dan Mont Buxton, fer *playground* pour resirfas semen.

Plito mon vwar nou depans 63milyon nou donn ACCS. E ki Sesel i fer son prop zafer, e nou koman en Lasanble serye, annou plito dir nou ava swiv ACCS, wi FPAC ansanm avek *Defence Committee* si kekfw bann keksoz pa kapab ganny devwale dan piblik, annou dir nou a travay avek zot, nou fer sa bann byen malaki retourn dan nou pei, nou pran en latitud konmsi nou pou pil lo ACCS?

(APPLAUSE)

HON GERVAIS HENRIE

Nou pe koz linefikasite. Mr Speaker, atraver sa Bidze Siplemanter e Bidze 2022, nou vwar poudir Gouvernman pe sey *tackle* kestyon det pei. Ler Minis in vin kot nou in dir nou di-si Zen sa lannen, nou dwa ankor 17.2bilyon ki ekivalan 61.9pousan nou *GDP*. Ler nou t i pran pei an Desanm 2020, zot konnen konbyen ti

ete? 92.2pousan. Linefikasite nou pe koze?

Seryezman linefikasite nou pe koze? *Ah!* Annou rod en pe sif. Annou balanse e koz laverite.

Mr Speaker pou *US* i kler zot pa pe vwar nanryen ki pe marse. E atraver ou mon ava dir avek Onorab Gill, Onorab Gabriel mon ankor pe etidye ou. Me Onorab Gill i annan en plas sa kote latab pou ou.

(APPLAUSE)

HON GERVAIS HENRIE

Zwenn Onorab Mondon, zwenn Onorab Andre, e zwenn mon frer ki asiz akote mwan la lo kote drwat Onorab William. Akoz wi nou kritike nou, nou Gouvernman. Nou pa bezwen vin lave lenz sal la. Nou ek nou Prezidan, nou koz ek nou Minis, nou koz ek bann *public servant*. Tou letan nou pe rod fason, pou amelyor keksoz.

E ler nou vin la anndan dan sa Lasanble, nou pa zis vwar en litani problem, me nou osi donn solisyon. E se pour sa rezon alor ki mon dakor avek pwen ki Onorab Gill in mansyonnen, lo kestyon *recruitment*.

E dan mon entervansyon avek Minis ler i ti vin la, mon ti

koz lo nesosite pour nou, *map out* nou *labour market*. Pou nou kapab annan en plan, entrodwir bann nouvo konsepsyon *flexible working hours*. Dimoun ki kapab 2 *job*. Permet zot, akoz nou popilasyon i ptipti. Annou fran avek nou lekor. Kantmenm nou pe rod dimoun kalifye, napa, i napa ase.

E sa i en realite, ki get nou dan nou figir! Annou pa fer krwar poudir pe fer R62milyon dan pa'n kapab *recruit*. Be nou pou *recruit* kwa? Ros? Napa dimoun! Napa dimoun e sa i mon ti dir dan mon entervansyon poudir i en probleman ki nou'n erite.

Akoz i en probleman enstitisyonnèl. Akoz koman en pei nou bezwen asize e regard keksoz ankor dan son totalite. Onorab Vidot atraver Mr Speaker avek Onorab Aglae, in koz lo logmantasyon saler. E ki zot in dir poudir, akoz pa ti ogmant saler?

Be eski koman Manm Lasanble, zot okouran poudir i annan en konsekans logmantasyon saler avek bann *commitment* ki nou'n fer, ki fodre pa ki nou *wage bill* in sot plis ki 11 poursan nou *GDP*?

Si nou fer monte saler dan swadizan *savings* ki nou'n fer, in de-ekilibre nou sityasyon. Koman Manm Lasanble i bann

konsepsyon ki nou pe bezwen konpran.

Mr Speaker, letan en Manm i vini, i koz lo *IMF* in donn nou larzan pou met dan program sosyal. In *mislead* non selman Lasanble, e manm piblik, i *mislead* son lekor. Akoz si i ti konnen ki i ti pe lir, i ti a konnen poudir sa 105.63milyon i pou en peryod 32 mwan, ki fer ki nou pou ganny - pa gannyen - en *loan*, ziska Mars 2024.

So sa larzan i *spread*, pa pou donn dimoun pou donn bal, me pour nou re-ekilibre nou lekonomi, balans nou det, bann keksoz koumsa investir dan lenfrastruktir, pou kapab anmenn prosperite dan pei. Letan sa Manm i koz labous for poudir li in debout akote Seselwa, kantmenm in lager pou ganny zot lanmwatye trezyenm mwan.

Be sa Manm pa dir nou i ti vot kont Bidze, ki dan pou pey trezyenm mwan saler, sa 50poursan i ladan.

(APPLAUSE)

HON GERVAIS HENRIE

Mr Speaker...

MR SPEAKER

13, 15minit Onorab.

(Interruption)

HON GERVAIS HENRIE

... sertenman mon pres pou fini.

MR SPEAKER

13, 15minit Onorab.

HON GERVAIS HENRIE

Letan Onorab Cosgrow i dir *gross inefficiency*, i realize poudir *the public service*. Par egzanp bomaten letan Minis ti la, Lasante - ler nou get son *panel*, le sel dimoun ki'n sanze lo sa *panel* sete Minis. Akoz li i en *political appointee*.

Son *PS* avek son 2 *CEO Public Health Authority* avek *Health Care Agency* ki ti asiz la, i menm dimoun, e sa i bann Seselwa, ki pe deservi nou pei *to the best of their abilities*, baze lo zot konpetans, zot leksperyans e Bidze ki nou donn zot.

Alor mwan mon dir poudir nou servis piblik, zot pe sey fer zot mye, e ankor pli mye e nou koman en Lasanble, nou merit donn zot tou soutyen.

Nou vin dir *gross inefficiency* konmsi pou nou pil lo zot? Nou kontinyen kas moral, nou bann *public servant*? Olye tyonbo zot lanmen, e dir zot ki manner pou amelyore. Zot kontinyen pil lo nou bann *public servant*.

MR SPEAKER

Order! Order silvouple.

(Interruption)

HON GERVAIS HENRIE

Mr Speaker, an konklizyon.

MR SPEAKER

Bann Manm, kontrol zot, enn pti gin, nou pre pou al fini.

HON GERVAIS HENRIE

Mr Speaker an konklizyon

MR SPEAKER

Kontrol zot ...!

HON GERVAIS HENRIE

An konklizyon mon ava dir ki tou bann eleman risk, ki kapab afekte nou lekonomi osi frazil. I ankor la. Lager ankor pe deroule, *COVID* i ankor la. Tourizm i ankor kapab redwir, logmantasyon dan pri komodite i ankor kapab monte.

Alor nou bezwen konsyan. Koman en pep nou bezwen konnen ki nou pa kapab zis depans an plis ki nou pe resevwar koman reveni. Si en lakour pa kapab fer ki manner en pei i kapab fer?

Sa Bidze siplemanter Mr Speaker, ler mwan mon regard li. Mon vwar poudir i pe souliny

lentansyon Gouvernman pou met en fondasyon ferm, pou nou remet pei lo semen prosperite, redwir nou det, amelyor bann lenfrastriktir dan pei.

E se sa ki nou bezwen dan kan lemonn *in recover from* tou, bann troub ki i pe pas ladan. *LDS* i determinen pou reste angaze, pou amelyor lavi pep Seselwa ki ou *US*, ki ou *LDS*, ki ou nenport ki parti ou Seselwa, nou bezwen travay ansanm.

Nou rekonnèt ki bokou dimoun pe fer sakrifis, pe pas dan difikilte. An menm tan ki mon senpatiz avek sa bann dimoun. Enkli bann dimoun ki dan mon distrik, aköz mon vwar zot tou le Vandredi e mon mars dan mon distrik tou le Sanmdi, mon salye zot rezilyans.

Mr Speaker mon ava dir ki irespektiv ki degre serten keksoz i difisil, mon demande e priye ki nou reste ini, koman en Nasyon e travay ansanm pou asir en lavenir, non-selman pour nou, me pour nou zanfan. Mersi bokou.

Mr SPEAKER

Mersi. Bon mersi. Onorab Loze wi ou'n lev ou lanmen pour kwa?

HON JOHAN LOZE

Mon annan en *point of order* Mr Speaker. I annan en mizapreansyon pe ganny kree lo parol ki mwan mon'n dir. Mon'n les pase enn fwa letan Onorab Woodcock in komanse avek. Mon realize zot in diskite. I en plan ki zot annan pou *distort* sa ki mon'n dir. Aköz pe ganny repete la.

Mon pa'n zanmen dir pran larzan *IMF* donn bal. Mwan mon'n senpleman lir ki *IMF* in dir konmkwa ki larzan ki in donner i annan bann kondisjonalite ladan pou siport *social spending*.

E wi Mr Speaker, mon konpran kwa sa ki mon'n lir parske pa Mr *Albanese* ki'n ekrire pou donn mwan! Mon pa'n al vol *speech Albanese* mwan! Mersi.

MR SPEAKER

Onorab Loze mon pa pran ou *point of order* serye. Aköz ou'n dir en keksoz bann Manm in reponn ou largiman. Mon krwar se sa. E silvouple Onorab Cosgrow mon pe pran lot *point of order*.

(Interruption)

MR SPEAKER

Nou pou-. Bon bann ...

(Interruption)

MR SPEAKER

... Manm *order* silvouple! Bon nou pou raport sa deba pou demen bomaten.

Me selman mon le konnen ki mannyer nou pou ale demen bomaten. Mon pou annan bann *Leaders* byensir pou terminen. Mon pou annan Onorab Lemiel. E mon sipoze Onorab Esparon akoz ou ti dir ou pe koze - Wi. Ok.

Apré sa mon'n annan 3, 2 Manm ki'n lev lanmen ankor. Onorab Adelaide e Onorab Zialor. Mon ava pran bann non.

(Interruption)

MR SPEAKER

Ok zot le...?

(Interruption)

MR SPEAKER

Order! Ekout mwan silvouple. Bon mon ava pran bann non bann Manm ki anvi entervenir. Ki pa ankor entervenir. Me nou ava ferm lalis la. E demen bomaten nou a pran deba avek bann Manm ki'n lev lanmen.

Bon mon annan Onorab Hoareau.

(Interruption)

MR SPEAKER

Aret enteronp mwan silvouple. Espere. Onorab Monthy, Onorab Naidu, Onorab Larue, Onorab Romain, Onorab Bastienne, Onorab Loizeau, Onorab Ernesta e Onorab Uranie.

Byen avek sa mon ti dir zot, mon ti'n donn 15 minit bann Manm ki ti'n lev zot lanmen dan premye *round*.

E mon ti dir bann ki pe espere pou koze mon riske re kalkil letan. E mon pe dir zot mon pou donn zot 10 minit sakenn demen bomaten.

Alor si zot pe prepar zot ladres silvouple kalkile ki zot annan 10 minit. Mersi.

HON SEBASTIEN PILLAY

(Off-Mic)

MR SPEAKER

Lekel ou *point of order* Onorab Pillay, dir mwan?

HON SEBASTIEN PILLAY

Mersi Mr Speaker. Mr Speaker i ava mon lord favori anba *Standing Order* sa *Order 8*. Ou konnen mon bezwen demann ou Mr Speaker, eski vremen ou pa kontan mwan sa degre ki bomaten mon *PNQ* i ganny *curtail* fini deswit.

La i annan en bann Manm ki sipoze lev lanmen pou koze, in tranpe pa'n lev lanmen, ou'n rod tou fason, tou fason pou les sa bann dimoun antre.

Mon napa problem pou zot koze. Zot kapab koze. Be konmsi annou annan en pe *fairness*. Annou annan en pe *fairness* dan sa Lasanble, silvouple!

(Interruption)

MR SPEAKER

Ale ...

(Interruption)

MR SPEAKER

Onorab Pillay lo ou *point of order* mon pa krwar poudir i annord. Mon'n regle *PNQ* dapre *schedule* ki nou abitye regle *PNQ*, e se tou.

Bann Manm ki'n lev lanmen, zot in lev lanmen. Tou Manm i annan drwa koze lo en Mosyon. Lotorite Speaker i permet ki i limit letan ki en Manm i annan pou koze.

Me i pa pou annord pou mwan anpes en Manm koze lo Mosyon. Mersi.

Nou pou aret la pou ozordi. E nou pou kontinyen demen. Onorab Ernesta ou annan *point of order* ou osi?

HON PAUL ERNESTA

Mersi Mr Speaker. Mr Speaker mon demann ou legzizans silvouple. Akoz bomaten nou enn parmi bann premye group dimoun - mwan ansanm avek Onorab Uranie ki'n koze.

E la nou vwar nou en group ki'n kale e prezan nou pou ganny pini ansanm ek sa bann group ki pou ganny limit nou letan.

Mon demann ou legzizans pou konsider donn nou, nou 15 minit! Mersi Mr Speaker.

MR SPEAKER

Mersi. Bann Manm in tenir lev zot lanmen. Mon pou aksepte zot pou zot lentervansyon. Mersi. Lasanble i ava *adjourn* ziska demen bomaten.

(ADJOURNMENT)

